

ჩვენი თავი

3

გვილი

1940

ჩვენი თაობა

12 791
21

საქართველოს საბჭოთა მწერლებს
კავშირის ყოფილთვიურ ორგანო

3



სახელმწიფო გამომცემლობა
ბუიჯისი
1930 წლის მარტი

ზინაარსი

მხატვრული ლიტერატურა

	გვ.
გულაქტიონ ტაბიძე — ლირიკა ხალხისთვის	3
ილია ხოშტარია — ლენინს	6
გიორგი ძიგვაშვილი — სამი ლექსი	7
გიორგი კაჭახიძე — ვინატრეთ	9
მირზა გელოვანი — უბის წიგნიდან	11
რევაზ მარგიანი — ბუხართან თქმული	14
ვოლდემარ ავალიანი — ჩალის ქუდი	16
ანდრო თევზაძე — გაზაფხული ჩემს სოფელში	21
იოსებ ნონეშვილი — დაბრუნებული არწივი	22
ლადო ბალიაური — ნანგრევთა შორის (და- სასრული)	23
ალიო ადამია — ლექსები	38
ვსევოლოდ გარშინი — წითელი ყვავილი (თარ- გმანი მერაბ ლორთქიფანიძისა)	42
იოსებ მჭედლიშვილი — მგოსნის სიკვდილი	54

კ რ ი ტ ი კ ა

აკაკი გაწერელია — დავით კლდიაშვილი	57
--	----

საკრედიტო კოლეგია: ასტვაცატუროვი ეკემია, გენაშვილი დი-
მიტრი (პასუხისმგებელი რედაქტორი), ბრიშაშვილი იოსებ, კლდიაშვი-
ლი სერგო, ძიანელი ლეო, შენგელია დემან, ჩიქოვანი სიმონ.

პასუხისმგებელი მდივანი: ნიკოლოზ აბიაშვილი

წარმოებას გადაეცა 27/II-40 წ. ხელმოწერილია დასაბუქდად 19/III-40 წ. ქალ. ზომა 72 X 108.
ჟურნ. ზომა 7½ X 11. ფორმ. რაოდ. 4. შეკვ. № 489. მთავლ. № 2137 ტირ. 4000.

საბეღამის პოლიგრაფიული კომბინატი, უორესის ქ. № 5.

მხატვრული დიუბრაჟი

გალაჟტიონ ტაბიძე

ლირიკა ხალხისთვის

ამხანაგებო!
მე ვსაუბრობ,
როგორც პოეტი,
აკადემიურ
აზრთა მარად
დამჭერი მხარის.
მაგრამ მე მინდა
მოგაგონოთ
ის უცხოეთი,
სადაც მომკვდარზე
იძახიან:
„უკვდავი არის“!
ჩვენს იქ ყოფნაში
საფრანგეთის
აკადემიას
უსრულდებოდა
ანგარიზის
წელი: სამასი.
და დღესასწაულს,
ფერად-ფერადს,
წაკადებიანს,
მოგონებათა
ედებოდა
ფერი ლამაზი.
მაგრამ მე ფრანგი
პოეტები
არ მეცოდება,
წმინდა ფრანგული
მოწიწებით
უძლევა ოდეს
აკადემიის

წევრს — უკვდავის
სახელწოდება —
და მომკვდავის
უბრალოსი
ბალზაკს და დოდეს.
არც მოპასანი,
არც ფლობერი,
არც მოლიერი,
უკვდავთა შორის
არ იქნება
დაფნით მავალი,
სამაგიეროდ
იქ ჰერცოგი
შედის ძლიერი
დე რიშელიე
კარდინალთა
შთამომავალი.
ის რივიანად
თუ ვერ დასწერს
უბრალო წერილს,
არის სიმბოლო
საფრანგეთის
შველი დიდების
აქ, ხმისმქონე სღუმს
გაოცებით,
უხმო კი მღერის
თავდავიწყებით,
ხრინწიანად,
გაბედითებით.
კათოლიკეებს,
ფეოდალებს,

ილია ხოზბარია

ლ ე ნ ი ნ ს

იმ ღამეს გული სევდით აივსო,
ვიდოდი მარტო, როგორც ობოლი.
მწუხარე ღამის მოსაგონებლად
ჩამოვარდება ხიდან ფოთოლი.

რა გულსაკლავად იანვრის ღამემ
ოცდაოთხ წელში მოისხა თაღბი,
თითქოს ბუნებაც მიყუჩდა მაშინ
და ცრემლთა ფრქვევით ატირდა ხალხი.

მგზნებარე აზრი, დიადი საქმე,
ხალხისთვის სჭედდა დიდებულ დროსა,
სიკვდილის შემდეგ მისი თვალები
შარვანდელით კვლავ შეიმოსა.

გულჩიორების სასიმღერო ხმებს
თვით ჭრიგალებში ვერა, ვერ აშლის,—
ლენინზე თქმული ლექსების ბწკარებს
ჩააქსოვებენ სიმთა ჟღერაში.

ჩვენს საზღვრებს იქით, ჩაგრულ ერისთვის
მზე გამარჯვების ამოვა ვიცი,
რადგან უძლოდა, დღესაც მიუძღვის
კაცობრიობას სტალინის ფიცი.

ს ა მ ი ლ ე ქ ს ი

1. ზღაპარი კოლხიდაზე

ზღაპარში ყველაფერი შეიძლება:
სასახლედ გადაქცევ ქოხებს,
ქვეყანა მეშვიდე ცად შეიცვლება,
თუ გაშლი კუდიანის ნოსებს,
ხან შავი გველეშაპი მიგაცილებს
და მყინვარს ეკიდება ალი,
ხან ცამეტ მზეჭაბუკზე იქორწილებს
ცამეტი ჯადოქარი ქალი,
ხან ქარი — საიდან და სადაური —
დაჰკრავს და გადაგიყვანს ედემს...
...ზღაპარში შენც ქარივით გადაუვლი
ღალისა და საფირონის ქედებს...
მაგრამ, თუ ზღვის ტალღები გადიწევა,
რომ იამ იშრიალოს ლალად,
თუ შავი შამბნარები გადიქცევა
ღალის და საფირონის ბაღად,
თუ შხამი ნელსურნელად შეიცვლება
ზნ გველი — ჩინარად და ვაზად,
თუ ქვეყნის ასე შეცვლა შეიძლება —
ზღაპარიც არ ყოფილა არსად!

2. ღამე ოპერის ბაღში —

სადაც აკაკის ქანდაკება და
ფალიაშვილის, მარჯანიშვილისა
და სარაჯიშვილის სამარე.

დეკორატორი არ აფორმებს ამ ტრაგედიას:
თოვს, პროსპექტის შუქს და შვიდი ცის შვიდკეც ბისონებს
მარჯანიშვილი არ დაუთმობს სხვა რეჟისორებს...
იქვე აკაკიც — სუროს ტბაში თითქოს გედია,

იქნებ ლირის ხმა სამარეში ვერ დაეტია,
იქნებ ოპერა მოენატრა დიდ კომპოზიტორს?
ის ქარს შესჩივლებს — მშობლიური ხმები მოზიდოს —
სიანს, მარადი წვა შემოქმედის წმინდა ბედია...

შეერთდებიან, მოჰქარგავენ ბალის ხალიჩებს,
დილის დროაო—რეჟისორი ჩიტებს ანიშნებს
და მერე ქალაქს რომ წამოშლის მათი ყიჟინი —

უკანასკნელად მოითხოვენ ბინდის შლუიფებს...
სამი აკლდამა ფრთოსან სხივებს მხრებზე შეიფენს
და იშვებს ლილეოს შეჰლალადებს სარაჯიშვილი.

3. ბავშვის მოგონება

წინ მოლი იყო. აქ ტყე წყდებოდა,
და კორდი ოდნავ სრიდა ბილიკსა,
ტყიდან წყაროსკენ ემართებოდა
რუს ნაპირ-ნაპირ პირდაპირი გზა.

წყაროსთან ერთი დიდი ხე იდგა,
ქანზე უთვალავ ანბან-თარიღით,
შორს მთები სდუმდნენ, წინ კი, ხევიდან,
ჯოჯი სჩანდა და მწყემსის ფარეხი...

ახლა გავყურებ — აღარც ერთია,
აღარც მეორე, აღარც მესამე...
სხვა ეშხს მოუცავს ველი ერთიან,
ძველი ხეებიც არ მომესალმენ.

მე მათ დავეძებ... თითქო მერჩია,
თითქო ბავშვობის ნახვა მომინდა...
ვცადე გონებით, ვცადე ლექსშიაც,
მაგრამ თქვენც ხედავთ, არ გამოვიდა...

პ ი ნ ა ზ რ ე თ

ღამით ფიქრების ნათელ ბინაში
ფრთხილად შესულმა ვნახე სიზმარი:
ვითომ ნაძვების დიდ ზეივანში
შემხვდი ფერმკრთალი.

იყავ მშობელი და ქალიშვილიც!
ექვი დარდივით გულს დაეჭიდა:
ჩვილი, პატარა, ვით თვალისჩინი,
თეთრადმორთული ხელში გეჭირა!

ფიქრმა შემიპყრო, და საბურავი
ექვთან ჭიდილში გულს მოეხადა:
შემკრთალ სახეზე ხმა სამღურავი
და გაკვირვება გამომეხატა.

მწუხრმა მოიცვა ფიქრთა სივრცენი,
თითქოს ვუცქერდი სხვა ცას, სხვა მხარეს...
ჩემი ტკივილი, ალბათ, იგრძენი
და მორიდებით თვალი დახარე.

უახლდ აშკარა წყენა ფარული,
ხვედრმა ტანმოხრილ ხეს დამადარა...
შენზე ოცნებით და სიყვარულით
გავეთამაშე მაინც პატარას.

უცებ შევცვალე ხმა და სათქმელი
გაჩნდა ხალისი, შვების მიზანი:
ბავშვის ღიმილში რაღაც ნათელი
ჩემი ღიმილის შუქი ვიცანი.

გულმა მოწყენის ხმაზე ნამღერი
გრძნობის აშლილი სიმი გაწყვიტა.
გავმხიარულდი, და ყველაფერი
ჩემებრ გარშემო ლალად გაბრწყინდა.

ბედნიერება ფართოდ ვიგრძენი,
ვიგრძენ, ამაღლდა ზეცის თაღებიც,
და მომეჩვენა, ვით მასპინძელი
ჩემი ოთახის ფანჯრებს აღებდი.

ნიაეს ოცნების ფრთებად ვსახავდი,
თან დავცინოდი ეჭვებს მაცდურებს...
შემომხედო და სულის ღაღადი
მორცხვი ღიმილით დამიდასტურე!

შევეკრთი... არ იყავ...
ღამეც დაძველდა,
ფიქრებს შეეზო დილის სინათლე...
შემდეგ, რომ შემხვდი, მართლაც ნაძვებთან,
ცხადად ახდენა სიზმრის გინატრით!

—

მირზა ბელოვანი

უბის ნიბნიღან

ბალადა შამლეგოზე

შავლეგო არსენას რაზემელი ყოფილა.
ხ ა ლ ხ უ რ ი.

ეს ნამჭერიც რა დიდია,
ქარიც როგორ დაიხელთა!
ან ღრუბლები სად მიდიან,
ან შენ საით, დედისერთავ?!
— სად მიდიხარ! — ვილაც ოხრავს,
ვილაც მიჯნას გადასცდება.
შავლეგ, შენი შავი ჩოხა
შავს ღამეში გაბაცდება!
დასწევინ მთვარეს დალილს,
აჩრდილები ჰვარავნო.
— ვა-ვა-ვაუ! — ყმუის ძაღლი,
მთვარეს მოიპარავნო!

ღამევე, ღმერთი დაგკარგვია,
გზები ნამჭერს დაუფარავს.
ვარსკვლავები აუგვიათ,
თეთრი მთვარეც მოუპარავთ.
მგზავრმა რა ჰქნას, გზას თუ შერჩა,
თოვლის ხვავე ზევებს ავსებს,
არც გზა სჩანს და მთვარე არ სჩანს,
თან ცივა და იცის ასე.
ჭირს ნაპრალზე ფრთხილი სოხვა,
ქარაფებზე მუხლის რხევა.
შავლეგ, შენი შავი ჩოხა
შავს ღამეში დაგეხევა!
მაშ ნუ მოხვალ. დადექ ბარემ,
თორემ ქარი აბეზარობს;
დედა მაინც შეიბრაღე,
დედის გულის საფიცარო!

ბიჭო შავლეგ! ჩოხა შენი,
შავს ღამეში კერა დედამ.
ამიტომაც ასე გშეენის,
შავი ფერი დაგებდა.
შავლეგ, შენი შავი ჩოხა
შავად შეგიხამებია,
წაგიღია ბევრის ოხვრა,
ბევრიც გაგიხარებია!
ახლა ცივა!.. ყინვის ნემსებს
ქარაშოტი ატრიალებს;
ზოგჯერ ზევი დაიკვნესებს,
ზოგჯერ — გული სატიალე.
მგელი ყმუის... თოვლი მრავლობს,
და ტლუ მუხა თეთრად ათევს.
თებერვალო, თებერვალო,
ქარიანო თევს!...

წამოვიდა, გზა დახაფრა
და კვლავ მოსთქვამს ქარი — შლეგი,
ჩამოძენდა, როგორც აფრა
ღრუბლის თეთრი ბალიშები.
და სადაც კლდე ზეცას ეძებს,
სად კლდეს ეძებს განთიადი,
ქარს ენდო და ნაპრალებზე
გადაეშვა კაცის ლანდი.
უღიმღამო ღრუბლის ნალექს
ქარი სცემს და დუმილს ცდილობს.
კლდის ძირს კვდება ბიჭი შავლეგ,
გული კვდება უწადინო.

— ქარო, შე ქარო შარიანო,
წადი გაიარ მუხრან-ველი.
კლდეს არწივები არიანო,
არსენას უთხარ — ნულარ მელის.
შავლეგ, ხიფათმა დაიტანათ,
სადაც უტყეო მთები არი.
არც ქვრივმა დედამ დაიტირაო,
არც სატრფო მოსთქვამს თმებიანი.
ქარო აშარო, ფრთა გაშალეო,
არწივებს უთხარ კაცის უნით.
— კლდის ძირას კვდება ბიჭი შავლეგი,
მარტო კლდე ტირის ჟანგისფერი!

*
* *

იქნებ, ძვირფასო, მარტო ხარ ისევ
და ყველა წუთი ოხვრას უნდება.
ეს სიჭაბუკეც წამოვა ისე,
გრძნობებიც ისე გამოხუნდება.
საათი რეკავს და წუთებს სცელავს,
მოდის სიბერის ფრთის სიფარფარე.
თმები დაიწყებს თანდათან ცვენას
და ხუჭუჭ თმებში ჩაჯდება მთვარე.
შენც დაბერდები, სიმშვიდე სრული
წავა და ისე განმეორდება.
ჩვენ დაბერდებით, ო, მაგრამ გული,
გული არასდროს არ დაბერდება!

ღამუვიღება

რისა გეშინიან?!
შენი აჩრდილია,
დაგდევს და სურვილი აწვალებს.
შენი კოცნა უნდა?
არც გასაკვირია,
მას კოცნა აკვანში ასწავლეს.

შენს შემდეგ

ეს გაზაფხული შემხვდა შენს შემდეგ,
შენს შემდეგ მივდეგ ვიწრო ბილიკებს.
მე დავილაღე აღმართებში და როცა შევდექე—
შემრცხვა და ბედი, ჩემივ ბედი გავაქილიკე—
და კვლავ მივდივარ. სიმშვიდეა ჩუმი ნიშანი,
რომ გამარჯვება, უსათუოდ ჩემია ბოლოს.
შორი ნათელი მეგებება შორიგზისანი
და სადარდელად, მეგობარო, შენ დამრჩი მხოლოდ!
მშვიდობით! გული მხოლოდ მიზანს ესაკადრისა,
და ჩემს ნაბიჯებს აშოლტილი ხენი ლოცავემ—
მე გაემარჯვებ, მოწამეა მიწა ქართლისა
და გაზაფხულის ცაა მოწამე!

ბუნხართან თქველი

ნაია

ბედნიერების შაირებს ჰყვება,
დიდი ბუხარი სიკეთე სახლის,
ხან იღველფება, ხან აინთება
და ციკნათელებს ბნელეთში დაჰყრის.

შენ კი, ნაია, ჩიბუხით ხელში
ბუხართან სთვლემ და ოცნებობ ტკბილად,
დიდი ბუხარი შენსავით ხვნეშის
და სამეგრელოს ოცნებით სძინავს.

— ნაია, ჩემო კარგო ნაია,
ქართთმოსული ვზივარ სტუმარი,
დიდედა არ მყავს კარგი ხანია
და შენს კალთაში მაქვს სასთუმალი.

...ჩემო ნაია, ჩიბუხით ხელში
ბუხართან სთვლემ და ოცნებობ ტკბილად
დიდი ბუხარი შენსავით ხვნეშის
და სამეგრელოს ოცნებით სძინავს.

ჯიხვის სიკვდილი

ცისკრის ეამს მოვარდა დაქრილი,
სტიროდნენ თვალეზი მისნი,
სუნთქავდა სისხლისგან დაცლილი
და ბალახს ღებავდა სისხლი!

ცისკრის ეამს უსუსტა მუხლმა
დაუცა, რა ექნა საწყალს?
— ვაიო, თავის გულს უთხრა
გაყუჩდა და წუთით დაცხრა!

შემდეგ კი ადგომა სურდა,
ცისდარად ინათლა თვალმა,
გახშირდა ოხვრა და სუნთქვა
— დამწყველა, ალბათო, დაღმა!

გულმა რომ სიკვდილი ამცნო,
საბრალოდ სტიროდნენ თვალნი;
— ჩემს ცოდვას ნუ იღებთ, კაცნო,
დამიხსენთ ალესილ დანით!

ცისკრისყამს შესწყვიტა სუნთქვა
ჩაშავდნენ თვალები მისნი;
ცისკარმაც შენდობა უთხრა
ბალახებს შეფერილს სისხლით!..

*

* *

თოვლა, ფიფქიან წამწამებს შენსას
ზედ აცვიოდნენ ნაზი ფიფქები.
მაშინ წამწამთა შერხევით მესმა,
შენი ზრახვანი და საფიქრელი.

მესმა მორცხობა და სინანული,
მე კი სიმწარით მელიმებოდა,
როგორ ქრებოდა ის სიყვარული,
ო, იმ ფიფქივით როგორ დნებოდა!

ჩალის ქალი

იტყვიან ხოლმე: თვალებს არ დაუჯერაო...

პირველად მართლა არ დაუჯერა საკუთარ თვალებს ბიკენტი ლატარიამ. გაზეთი მაგიდაზე გაშალა, მიღებული, ფრჩხილნაზარდი ნეკი რიცხვების გრძელ მწკრივს ჩამოაყოლა, უცებ შეჩერდა, რიცხვის ფუძეს ფრჩხილი გაუსვა და უფრო ახლოს დახედა...

ჯერ ზეპირად თავისი ობლიგაციის ნომერი მოიგონა, თვალწინ წარმოიდგინა, მერე უბის წიგნაკი ამოიღო, იქაც შეამოწმა... თითქო ყველაფერი რიგზე იყო.

...სერია სერიას ემთხვეოდა.

...რიცხვი რიცხვს.

...მაგრამ, არ იქნა და, მოგების შესაძლებლობა ბიკენტის რწმენას ვერ დაემთხვა, ვერ დააჯერა საკუთარი თავი...

მით უმეტეს: რიცხვის გასწვრივ — მოგებას რომ გადახედა, ცივად იუარა გუნებაში: სად ჩემი ობლიგაცია, სად ამოდენა მოგებაო.

ფიქრებში, ეჭვში, ყოყმანში, თვალეები აერია, ქუთუთოები აუთრთოლდა, მერე ნეკიც აუკანკალდა. იმ უცნაურ რიცხვს ასცდა, მოიკაკვა, დანარჩენ თითებს მოეფარა...

ნელა დაეშვა ბიკენტი სკამზე.

ველარ გაუძლო...

ის კი, სეიფი მაინც არ დაავიწყდა, მარცხენა ხელით მის მძიმე კარს უბიძგა, მიჰკეტა...

ბიკენტი უზომოდ კმაყოფილი იყო, როგორც თავისი გვართ, ისე თანამდებობით...

მამაც მოლარე ჰყავდა.

... ისეთივე პატიოსანი, საქმისმცოდნე, მოყვარული, ისეთივე ფრთხილი, დაკვირვებულო, როგორიც თითონ იყო. ყველაფერში მამას ჰგავდა.

მამას იმეორებდა თითქო, თუ მის ჩვეულებას, ობლიგაციების სიყვარულს მხედველობაში არ მივიღებთ, მაგრამ... შეუძლებელია ბიკენტი ახსენოს ვინმემ და ობლიგაცია არ მოიგონოს უმაღლეს. კმაყოფილი ზშირად იმეორებდა ხოლმე: რა იქნებოდა, ობლიგაციები არ შემოეღოთო. იმდღიდან, რაც ობლიგაციებისადმი ასეთი ინტერესი და სიყვარული აღეძრა, არცერთი გათამაშება არ გამოუტოვებია. ძველი, გათამაშებული და უკვე გაუქმებული ობლიგაციების თითო ცალი, როგორც მარადიული მოსაგონარი, სუფთად ჰქონდა შენახული: უტ-

შიან ჩარჩოში ჩასმულ მუყაოზე თანმიყოლებით, ლამაზად დაკრული და კედელზე დაკიდებული...

უყვარდა, უხაროდა, როცა უყურებდა; თუმცა არცერთ მათგანს ის სიხარული არ მიუწივდა მისთვის, როგორც ბედნიერი მომგები განიცდის... სამსახურში ყველაზე სასიხარულო დღე და წუთები მაშინ დაუდგებოდა, როცა ახალი სესხის ხელუხლებელ ობლიგაციებს ურიგებდა თანამშრომლებს...

თანამშრომლებმა კი წინდაწინვე იცოდნენ: თუ კი ზედმეტად გაღიმებულს და აფუსფუსებულს დაინახავდნენ ბიკენტის, იმ დღეს უსათუოდ ობლიგაციებს მიიღებდნენ...

ყოველ ობლიგაციას ისე შეეხებოდა თავისი მოკლე, სახსარგასხვილებული და დანაოჭებული თითებით, როგორც საიდუმლოებით მოცულ ნივთს ეხებიან ჯოჯოხეთში...

შეეხებოდა, ახლოს დახედავდა, ჩაფიქრდებოდა, წუთით მიეღულებოდა თვალები... ობლიგაციის კუთხეებში წითელი საღებავით დაბეჭდილ გრძელ რიცხვს ამოიკითხავდა, გაიღიმებდა, გაიფიქრებდა; ვინ იცის რანაირ ბედს, რამდენ ათასიან მოგებას ჰპირდება პატრონს ეს ლამაზად მოხატული ფურცელი... ეს გრძელი ფერწითელი მწკრივი რიცხვებისა...

მერე პატრონს გადასცემდა ფრთხილად, ეტყოდა ხმადაბლა: — გაუფრთხილდი და გაგახარებსო...

ობლიგაციის პატრონს წუთით ხელეებში შეაჩერდებოდა; გული ვერ უთმენდა, თუ ძალიან დიდი ზომისა არ იყო — ობლიგაციის შუაზე გადაკეცვის ნებას არავის რთავდა, ენანებოდა, თითონ ისე დიდად აფასებდა, სხვებსაც უნდა მაგალითი აეღოთ მისგან...

ისიც უხაროდა, უზომოდ კმაყოფილი იყო, როცა თავისი ხელით გაცემული ობლიგაცია მოიგებდა...

საკუთარი თავი კი აღარ ახსოვდა, ან როგორ გაბედავდა — გაეფიქრა, რომც მოგონებოდა: „მე რაღა დავაშავე?“

და თუ მაინც გაბედავდა და გაიფიქრებდა: ურყევი რწმენა და წარწერა ბილეთზე: „წაუგებელი გათამაშება“, ყოველთვის ამშვიდებდა, მოთმინებას ჰმატებდა.

ახლა თითონაც იგემა ეს სიხარული, საკუთარ თავზე გამოცადა...

დაჰხედა თუ არა ხელმეორედ იმ რიცხვს გაზეთში, მის ობლიგაციას რომ ემთხვეოდა — თვალთ დაუბნებლად თითქო; არ ელოდა... იმდენს მაინც...

ოცდახუთი ათასი!.. სასწაულია!..

აღგა, გაზეთი ხელების კანკალით დაკეცა, უბის ჯიბეში ჩაიდო. სეიფი კლიტით გადაჰკეტა; როგორც ყველა მოლარეს სჩვევია: კარის სახელურს მოავლო ხელი, მოსწია მაგრად, მოსინჯა...

... დროზე მოაგონდა ბანკში წასვლაც, ფული უნდა მიეღო... გაიფიქრა: გზაზე სახლშიც შევივლი, ცოლს ვეტყვიო...

შეყოყმანდა... ცოლს თუ ეტყოდა, მამ ხუთსართულიან სახლის მდგმურებსაც უნდა გაეგოთ...

ცოტა შევიცდიო, დაასვენა.

მაგრამ ბანკისკენ მიმავალმა, სახლს რომ გაუსწორდა, ვეღარ მოითმინა, ვერ დაიტია სიხარული და საიდუმლო...



დერეფანში, ერთხელ კიდევ გასინჯა ვაზეთი, შეამოწმა. რა არ იფიქრა სამსახურიდან სხლამდე — გზაში, როგორი გეგმები არ დააწყო...

ნელი ნაბიჯით კიბეზემომავალს, ჩაფიქრებულს თავისი სახელი შემოესმა. მალა აიხედა. მეორე სართულზე, ოთახის დია კარებში ცოლი იდგა, უღიმოდა, ელოდებოდა... გამოწყობილი, შებუდრული... მარცხენა ხელით საფულეს აქანავებდა.

ხომ არ დამასწრო გავებაო, გაიფიქრა ბიკენტიმ, ეჭვით ჰკითხა:

— რა გაცინებს, ქალო!

ორივენი ოთახში შევლენ, კარებს მოხურავენ...

— რა გაცინებს? მეც გამაცინე!..

— ერთი რამ მიხარია!.. — ბავშვური გულუბრყვილობით წაუჩურჩულებს ცოლი.

— მაინც, თქვი ბარემ!

— მოგიყვები, სული მოითქვი!

— მითხარი, ამდენი არ მცალია...

— ბიკენ-ტი!.. — გაუცინებს, მიუაღერებს, — ბიკენტი, ჩვენ რომ მოგვეწონა გახსოვს?!.. — კიდევ შევხვდი დღეს ისეთ... ჩალის ქუდს!..

ბიკენტი მოლბება, გაუცინებს. ქუდს, პორთფელს იქვე დივანზე მიაგდებს... ცოლსაც ზურგიდან მხარზე ხელს გადახვევს, მეორე ხელით თმებს შეუსწორებს, საფეთქელთან აკოცებს... მერე მისკენ თავს დახრის და ჩურჩულით აღსარებასავით დაიწყებს:

— ხვალ... ან ზეგ შეპირებული ქურქი უნდა გიყიდო; დავიგვიანე, გავტეხე სიტყვა, მაგრამ... ჯერ კიდევ ჯვარისწერამდე გპირდებოდი... მაპატიე.

— ეგ რამდენიხანია ვაპატიე, ახლა?!.. —

— ...ოთახებსაც მივხედავ; კედლებს უკვე სიძველისა და სინესტის სუნი ასდის. აქაიქ გაქლექილი, გაქონილი და ჩამოტყაულიც კია შპალერი... გამოცვლა უნდა. ერთად გავიაროთ მალაზიაში, ფერები შევარჩიოთ... ოთახს რომ მოვრჩიებ, აივანს მივხე... —

— ბიკენტი! — მიაშტერდება, შეაჩერებს ცოლი, — როგორ? საიდან? სიზმარს ხომ არ მიაგობ?

— არა, გენაცვალე! რამდენიხანია სიზმარი აღარ მინახავს, ობლივაციის საქმეა სულ!... მოვიგეთ...

— ობლივაციის?!.. — ნაწყვეტნაწყვეტად წაილულულეებს ცოლი, ხმა აღარ ეყოფა, ნერწყვი დაადგება ყელზე. სახეც გაუფერმკრთალდება ცოტათი...

ბიკენტიც, შეავლებს თუ არა თვალს — თითქოს იგიც იგრძნობს რაღაც არასასიკეთოს, ისევ მოუსხლტება მუხლებში, ისევ აერევა თავლები... ცოლის მხარზე გადახვეული მკლავიც დაბუჩბუბულსავით ჩამოეშვება... ერთი ნაბიჯით დაიხვეს უკან, შეხედავს... — რას ამბობ ქალო, რას?! ამისენი...

სულს მოითქვამს, შეხედავს მწყრალად... —

— იქნებ გავიწყრა... და!..

ცოლი ერთხელ კიდევ გაიმეორებს შემფოთებით: ობლი-გაცია!..

ბიკენტის მიუახლოვდება, თითონ მოხვევს ხელს, თითონ გაუსწორებს თვალს...

— რა იყო, ქალო?!.. — უფრო წყნარათ გაუმეორებს ქმარი.

— მაცალე!.. —

— თქვი მალე, რა ქენი, როგორ იყიდე, რა მიეცი იმ საოხრო ჩალაში... ჩალის ქულში?!

სათქმელს ველარ გაათავებს მღელვარებისაგან. ქვედა ტუჩი სასაცილოდ აუთრთოლდება...

— მაცალე!..

— რა მიეცი იმ ჩალაში?

— ქულში? — ოცდახუთი მანეთი და...

შეტოკდება ლატარია; მოურიდებლად გაიქნევს მკლავს.

— მომისმინე, კაცო, ვაი?!..

— თქვი!..

— ბიკენტი! — ისევ მიეყრდნობა, ისევ მოხვევს ხელს ცოლი კედლისკენ მიბრუნებულ ქმარს...

— იცი, მედაჩემი ამხანაგი მარგო ერთად ვიყავით ბაზარში, სადილისთვის სანოვავე ვიყიდე, მჭავეულობაც წამოვიღე ცოტა, შენ რომ გიყვარს. მერე ფეხით წამოვედი სახლისაკენ. მალაზიებში ჩამოვიარეთ. დავათვალიერეთ ისე, მაგრამ... რალაც ეშმაკად — მედაშენ რომ ვნახეთ, ხომ გახსოვს, როგორ მოგეწონა, კიდევ შემპირდი, სწორედ ისეთ ჩალის ქულს წავაწყდით ერთგან — თეთრ-ლენტმოვლებულს. აფფუსფუსდი, გადავქექე საფულე... ისიც ვიცოდი... ქულიც ერთი იყო მარტო... შენთან რომ შემომეველო... შორს ვიყავი... იქნებ ვერც მენახე... ისიც გამახსენდა, ფული არ გქონდა... რომ შემომეველო და შენ ფულიც გეშოვნა... ამასობაში, ალბათ, გაიყიდებოდა კიდევ...

ბიკენტიმ მოიხედა, ცოლის ნაზად მოაღერსე ხელს დახედა, რომელიც ფრთხილად მოძრაობდა მის მხარზე და მკლავზე...

— ძალიან მომეწონა. ვთხოვე შეენახა, მაგრამ ნოქარმა მითხრა, გადანახვის ნება არა გვაქვსო... მერე შევებვეწე!..

ისევ მოიხედა ბიკენტიმ წამით.

— ჰო, შევებვეწე! — გაკვირვებით, ჩურჩულითა და თითქო დარცხვენითაც გაიმეორა ცოლმა.

— შეებვეწე, მერე?!..

— შევებვეწე; მენანებოდა ხელიდან გაშვება.

— მორჩი, თქვი!..

— ვამბობ, არ ვამბობ?!

— რა მიეცი, გამაგებინე?

— რა?.. ხომ გითხარი!

— ფუი! — ნერვიულად შეატოკებს თავს ბიკენტი...

— ცოტაც მაცალე, რა იყო?

— რა და გაცალო, დამაქციე!..

— მათქმევინე!

ათქმევინა.

— ფული არც მე მეგულებოდა სახლში... მარტო ობლი... ჰო იღბლად ახალი, ასმანეთიანი ობლიგაცია გამახსენდა...

ისევ შეიძრა, შეტოკდა ბიკენტი ობლიგაციის ხსენებაზე... თავს ძალა დაატანა, მოთმენა ამჯობინა... —

— ...გამახსენდა ასმანეთიანი და... იმედი მომეცა, გამეხარდა, ბევრი აღარ მიფიქრია...

„ასე იცის ქალმა“ — გაიფიქრებს ბიკენტი...

— ...შარშანაც დავახურდავით აღარ გახსოვს?!

— მარგოს ვთხოვე ესესხებინა, შეეპირდი: ერთ საათში დავუბრუნებდი, რადგანაც ობლიგაცია... ქუდის ფასი გადავიხადე; ნოქარმა ლამაზად შემიხვია, ფერადი ლენტით შეკრა შეხვეული. წამოვიღე სისარულით... მოვედი თუ არა გავსინჯე. ლამაზი მეჩვენა სახლშიც.. მერე მარგოს ვალიც გამახსენდა, ის ობლიგაცია ავიღე და... აგერ შენც შემხვდი კარებში...

— ა!..

ცოლმა მშვიდად გახსნა საფულე... ოთხდმოკეცილი ასმანეთიანი, არა... ოცდახუთიათასმანეთიანი ობლიგაცია გაუწოდა ბიკენტის...

დახედა ქმარმა, ისევ აუკანკალდა მარჯვენა ხელის ნეკი; აუთრთოლდა ქვედა ტუჩიც... ისევ წამოსცდა ალტაცებული:

— ა!!!

გაზაფხული ჩემს სოფელში

აქ უთვალაცჯერ მოსულა იგი,
უხარებია ხალხის კერია,
მზეს გაუშლია ბუნების წიგნი
და რუსთველივით დაუწერია.

მთების კალთები მზით მონაქარგი,
წყაროს კამკაში, ფოთლების ტაში;
რა უნდა იყოს იმაზე კარგი,
როგორც მაისი ჩემს ქვეყანაში.

აი, მოვსულვარ, სამშობლო მთებო,
რომ თქვენს წიაღში დავტკბე, ვიხარო,
კვლავ იაენანა შემომავებოთ,
გულიდან ფიქრი გადამიყაროს.

თქვენი აჩრდილი ყოველთვის მახლდა,
თუმც გამატანეთ ბევრი ნალველი,
გახარებული დავბრუნდი ახლა
ერთი პატარა მგოსნის სახელით.

ჩემი ბავშვობა თქვენთან ახლდება,
მინდა, შეგფიცოთ კვლავ ერთგულება,
აქ მამის ძელები ხომ ინახება,
აქ დედის კალთა ხომ მეგულება.

თქვენს ლამაზ მინდვრებს, მთებსა და სერებს,
თუ გინდ მოვშორდე, ბედმა მიმუხთლოს,
ახლა კი არა, სიცოცხლის მერეც —
თქვენ მეყვარებით ყველაზე უფრო!

დაბრუნებული პანთი

ღამით მოდიოდა მცხეთის მთაგორებით,
თეთრ ცხენზე იჯდა და მხრებზე ედგა მთვარე.
წმინდა გიორგია ზღაპრად გაგონილი, —
ალბათ იფიქრებდა მისი შემხედვარი.

ქალაქს შემოცურდა ცხენი ღრუბელივით,
ძლივს ჩანდა ქალაქი თალხის სამოსიდან.
სიონთან შეჩერდა თითქოს უნებლიედ
და ბერი არწივი წამსვე გამოფხიზლდა.

ო, განა ტვილისი ასე მოვერანდა!?...
ვერ იცნო. მოეცვა ირგვლივ მხარე დუმილს;
მხოლოდ სისხლისფერად მტკვარი მოღელავდა
და კვნესდა დილეგში აბო წამებული.

ვაგლახ, მტარვალეებმა ასე ვით გაძარცვეს!?!..
ჩაბლუჯა ხელში და აღარ აპყვა ხმალი.
თავისი ამალით ამ წმინდა ტაძარზე
თურმე ნადიმობდა ალა-მაჰმად-ხანი.

სისხლით უბზინავდათ ფოლადის ჯავშნები,
ცეცხლის შუქისაგან სახე ალეწილებს.
ნიავს ამოჰქონდა ტირილი ბავშვების,
კალოუბანზე რომ ცხენებს ალეწინეს.

თვალი მოაშორა, — თვალეებიც ვერ იტანს,
ცხენს დეზი ამოჰკრა შემდეგ უგუნებოდ.
ისევ მოესმოდა კრწანისის ველიდან,
სამას არაგველთა ძვლები გუგუნებდნენ.

სევდას მოერდილა გმირის წამწამები;
ბევრგან შეჩერდა და ბევრი ინაკლისა.
ბედი სამშობლოსი, მარად ნაწამები,
ასე გარდიწყვიტა გულმან ირაკლისამ.

ნანგრევთა შორის *)

ერთ დილით ქარავანი მისდევდა ხრიოკ ფერდობს, გორები რომ დასდგომოდა დარაჯად: სურსათსანოვავით დატვირთული სახედრები, ჯორები, აქლემები მიემართებოდნენ ნამალევი გზით თმოგვის ციხისკენ.

შეიარაღებული გლეხები მისდევდნენ ბარგიან ულაყებს და შუადაშუ დიაცუმაწვილი ჩასდგომოდათ — ციხეს ახიზნებდნენ თავს.

ქარავანი ზემოთ თმოგვის მხარიდან მიადგა სიმაგრეს. კარების მახლობლად მზვერავეები შეხვდნენ, — მგზავრები ყურადღებით დაათვალიერეს. არავინ დაუჩნდათ საეჭვოდ. მხოლოდ ერთი ახალგაზრდა უცხოობდა, მაგრამ, როდესაც მის ჩამოხეულ ტანისამოსსა და უდროოდ დამჭკნარ სახეს დააკვირდნენ, თავი გაანებეს, ქარავანს კარები გაუღეს და ერთი თვის სურსათსანოვავე მიიღო ციხემ.

იმდღეს სიმშვიდე სუფევდა თმოგვის გარშემო. მტრის ბანაკიდან საბრძოლველად არავინ გამოსულა. ციხეში გამაგრებულებიც ისვენებდნენ.

ნამეტნავად კარგ გუნებაზე იყო ქალთამზე: ცისფერ სამოსელში შემოსილიყო, ახალი საყურ ბეჭედი აესხა, თეთრი აბრეშუმის ბაღდადით დაეჩრდილა ჯერ კიდევ დაუმჭკნარი და სიტურფით სავსე სახე, ვარაზთან ერთად დამჯდარიყო ციხის შუა ადგილას, ბროლით შემკობილ კოშკის კარზე ზევიდან რომ დასცქეროდა მტკვრის ვიწრო ხეობას და გაღმა ფერდობზე შესვენებულ ყიზილბაშების ბანაკს. ქალთამზეს გარშემო ისხდნენ მოსამსახურე ქალები, რჩეულ მებრძოლთა შეუღლენი. დროგამოშვებით მღეროდნენ. მათი ამოხმით სტკებობდა მსმენელი, მაგრამ ყველაფერს ნაღვლიანი იერი გადაჰკრავდა მაინც.

ქალთა მზეს ციურა დაესვა მახლობლად, მალიმალ აცეკვებდა ვარაზისა და შავის ჭაბუკის წინ. იღუმალ მზერას ესროდა შავ ჭაბუკს და, შეამჩნევდა რა ციურას ნდობას, გულის სიღრმეში რაღაცა ეტყვივნებოდა. წუთით ჩაფიქრდებოდა, იღუმალ რასმეს გაიფიქრებდა და ნაძალადევად გააღიმებდა სახეს.

ცეკვავდა ციურა, მისი ნაზი ტანი ნიავის მიერ შეძრულ ლერწამივით ირხეოდა, თრთოდა, მაგრამ სახე... სახეზე იღუმალი წუხილის ჩრდილი დასდგომოდა. თვალები უზომო ტანჯვის სარკედ ხდებოდნენ; წამით, მხოლოდ წამით შეჩერდებოდა შავი ჭაბუკის წინ. ელვის სისწრაფით ქსროდა მზერას სანუკვარ ჭაბუკს და ეშხით გახელებული გაიქროლებდა ცელქ ნიავივით ნარნარი, ქალ-

*) დასასრული, „ჩვენი თაობა“ № 2.

თამზეს წინ შეჩერდებოდა, ნაზად დახრიდა თავს და მორცხვად მოსძებნიდა მის მახლობლად ადგილს.

ციურას ცეკვის დროს კოჭლი მოლოზანი თვალს ჩაუკრავდა ქალთამზეს, — ციურასკენ ანიშნებდა და იღუმლად იღიმებოდა ქუფრი.

ფიქრს მიცემული ვარაზი კარგვირების საღებთა უფროსს მისჩერებოდა, — ცვლილება შეემჩნია მისთვის: ციურას მაცქერალს გლახუნას ცეცხლი ეკიდებოდა, იწოდა ციურას ეშხით და შავი ჭაბუკის შურიანობით. ვარაზი მიუხვდა დარდის მიზეზს, ახლა დააკვირდა იგი ციურას და გაიოცა: — დღესნამდი არ დაჰკვირვებოდა მის ჯიშთან ტანსა წვრილი, მოკლე წელი, მაღალი მკერდი, დაშვებული მხრები, მხრებზე გადაშლილი ოქროსფერი ნაწნავები რომ უმკობდა. მიმზიდველი სახე ჰქონდა ციურას — ოდნავ ფერმკრთალი, დაღონებული, — ნდომას აუშლიდა მაცქერალს. ეს ახარებდათ ჭაბუკებს. ამიტომ იტანჯებოდა ქალთამზე...

მზე საშუაღლეს დაეჯარა, შენელდა ღვინი, ქალთამზის სახეს წარღლი დაუდგა, მოღვინეთ აშლა დააპირეს. ამდროს ქალების სენაკთა კარმიდამოდან საამო სიმღერის ხმა გაისმა...

ეუცხოვა ყველას: ისეთი ხმით ციხეში არავინ მღეროდა. ვარაზმა და ქალთამზემ ისურვეს მისი სიმღერის მოსმენა და წუთის შემდეგ მათ წინ თავი დახარა ფერმიხდილმა ჭაბუკმა. შავი თვალები ჰქონდა, მშვიდი და სანდომიანი მხერა, ტანი წვრილი, მხრებში ოდნავ მოხრილიყო, — სიკოჭლეს გადაეხარა გვერდზე, საერთოდ უგემური სანახავის უღურს ატარებდა, მაგრამ მისი საამო ხმა აქარწყლებდა ყველაფერს, მნახველთ აყვარებდა ჭაბუკს და ამშვიდებდა მსმენელთ, თითქოს შარბათად იღვრებოდა ხმა მსმენელის გულში.

ახალგაზრდას სადაურობა ჰკითხეს, — ხერთვისიდან მოსულიყო. შემდეგ ამღერდა, სმენად გადაიქცნენ ნაღვინარნი...

ჭაბუკმა სიმღერის დროს ქალების წინ აიჩრია სადგომი. ქალთამზის პირდაპირ დადგა და საქები სიმღერა უთხრა თმოგველებს. ცამდინ აჰყავდა ციხის სიმკაცრე, შეუვალობა, ციხისმცველთა ვაჟკაცობა და სიმღერის ჟამს, მომღერლის შავი, ტკბილი თვალები მალიმალ გაენახებოდნენ ქალთამზის დაქვევებულ მხერას, ანიშნებდნენ რაღაცას და უცნობის საამო სიმღერას გაატანდა გულის საიდუმლოს.

კარგა ხანს მღეროდა იგი, თანაც იქ მყოფთ ადევნებდა თვალყურს, — ქუფრი მოლოზანისა და ქალთამზის ირვგლივ დასადგურდა მისი იმედები, — ამ ორ ქალში დაინახა მან რაღაც სასარგებლო, თანაც ქალთამზის სუსხთან მხერას მოჰკრა თვალი, ვარაზს რომ ესროლა ქალთამზემ და შემდეგ შავ ჭაბუკს გაენახა ვნებიანი ღიმილით, — კოჭლმა მომღერალმა იღუმლად ჩაიცინა გუნებაში, ერთხანს ჩაფიქრდა, სიმღერა შეწყვიტა, მხოლოდ სახს ადუღუნებდა ნელი ხმით და შემდეგ ნაღვლიანი ხმით დაამღერა: — „აქედან შორს, ჩერქეზეთის მხარეზე, ნაძვარნიან მთის კალთები იშლება, ქარაფებზე ბროლის კოშკი ელვარებს, ეჯიბრება მთის ორწონებს, მწვერვალებს... კოშკის პატრონს ამაყსა და ციგულას, კოშკში უზის მოციმციმე ვარსკვლავი — შორი მხრიდან მონატაცი ლამარა... ქალის გული იფერფლება უდროოდ, — ქალის ფიქრი ლაქვარდებში დასცურავს: აგონდება სვილისფერა ჭაბუკი... ქალის გული იფერფლება უდროოდ, — ქალის წამწმებს შავსა შუბის წვერებსა — მარჯაღი ტად ცრემლის ნამი ედება; ჩერქეზ ჭაბუკს ამაყსა და ციგულას ახლად არ ეყარე-

ბა... ეხ, შენ სად ხარ, სვილისტერო ჭაბუკო, კოშკში მჯდომი ლამარა, გელო-
დება“... — მიწყდა წელი ლულუნი ხმის, იღუმლად გაიპარა საზის უკანასკნელი
ამოკვენება... სიჩუმე ჩამოვარდა მოლხინეთ შორის, ჭაბუკი გაბრუნდა უკან,
მოშორებით ჩამოჯდა მორცხვად და კვლავ ქუფრ მოლოზანს და ქალთამზეს
არ სცილდებოდნენ მისი მზერანი. სიმღერის შემდეგ აღარავის უღებნია: მოლ-
ხინენი დაიშალნენ.

მომღერალი ჭაბუკი თვალყურს ადევნებდა ყველას, საიდუმლოს გაგებას
წადინობდნენ მისი თვალეები. მოლხინეთაგანს ყურადღება არვის მიუქცევია
მისთვის, მხოლოდ ქალთამზემ შეანელა ნაბიჯი: ვარაზს და შავ ჭაბუკს ჩამო-
შორდა წუთით, ქუფრ მოლოზანს წაუშმნისულა, მხარი წაჰკრა და ეს წას-
ჩურჩულა:

— მომღერალ ჭაბუკს ადევნე თვალი!..

მოლოზანს არ გაჰკვირვებია, ოდნავად ჩაიცინა, — თითქოს ადრევე მიხვ-
და იგი ქალთამზის წადილს და ამაყობსო ამით.

ეს იყო და ეს...

იმდღეს ჩვეულებრივად გაიარა, — დღემ დღე შესცვალა, მაგრამ ერთი რამ
აკვირვებდათ მეციხოვნეთ: ბოლო დროს შაჰ-თამაზის ლაშქარმა ბრძოლა და-
ციხეზე მისატანი იერიშები შეანელა.

ერთნი ამბობდნენ: ლაშქარი დაიღალაო.

ხოლო მეორენი: შაჰ-თამაზს კაცი არ დაენდობა, იღუმალს რასმეს
აწყობსო.

*
* *

ვახშამის შემდეგ ქალთამზემ მარტოდ ყოფნა მოისურვა. დიდხანს იჯდა
ძძიმედ ჩაფიქრებული, — შავი ჭაბუკის ზვიადი სახე ედგა წინ. ცივი, მიუკარე-
ბელი უხმოდმდგომი. აყრუოლებდა ქალთამზეს.

— მიყვარს, მაგრამ ის კი... — ჩაილაპარაკა ქალთამზემ ხმამაღლა. თავის
ხმისა შეეშინდა, შემკრთალმა გარემო შეათვალაიერა და მწყურალად წამოდგა
ფეხზე.

— ეს ერთი ხანია მოსვენება აღარა მაქვს... დღე ღამ გამისწორდა, მაგ-
რამ... შავო ჭაბუკო, ვერ გააბატონებს გულცივობას ქალთამზე... მოსამსახურე
ქალი ხომ არჩიე მის თავს და ვნახოთ..

— შურისძიება!.. — მთელ ციხეზე უნდა იძიოს შური ქალთამზემ: ვარა-
ზმა ვერაგობით ჩაიგდო იგი ხელად, — ქალთამზეს გული არასოდეს გახსნილა
ვარაზისთვის, ხოლო შავმა ჭაბუკმა... უარეს დღეში ჩააყენა იგი...

— ვილასთვის სიფრთხილე?! — მაგრამ რითი უნდა გადაუხადო სამაგი-
ერო?..

ამ დროს ქუფრი მოლოზანი შემოვიდა მასთან, იცინოდა, იგრიხებოდა,
ყოკლობდა...

დაბრძანდით, ცივად ჩაილაპარაკა ქალთამზემ.

მოლოზანი ნაწყენობას მიუხვდა. უფრო გამხიარულდა, მახლობლად და-
უჯდა, — მომღერალი ჭაბუკი გაახსენა და ესეც უთხრა: სად არისო ციურა.

ქალთამზე შეკრთა. კითხვის იერიით დააკვირდა მოლოზანს, თან ეშინოდა
სათქმელის.

მოლოზანი ამბობდა:

— წყეული ახალგაზრდობა!. რას არ გააბედინებს ქალვაყებს: წელიან მოლოზანი მომღერალ ჭაბუკს რომ ადევნებდა თვალყურს, შავ ჭაბუკს მოჰკრა თვალი — აკრეფილი ნაბიჯით მიდიოდა იგი ქალთა სენაკისაკენ. გაუკვირდა მოლოზანს. მოშორებით გაჰყვა უკან. — შავი ჭაბუკი ციურას სამყოფოს კარებთან შედგა, მიდამო შეათვალა, მაგრამ ქუფრო მოლოზანი შავ კლდეს გაეკრა, ღამე დაიფარა და ვერ შენიშნა შავმა ჭაბუკმა. წამით დააყოვნა ვაჟკაცმა. შემდეგ დაიხარა: ქვის კენჭი ისროლა სარკმელში. დიდიხანი არ გასულა, რომ სენაკის კარები ფრთხილად გაიღო: ციურა იცნო მოლოზანმა, მაგრამ არ გაჰკვირვებია, მხოლოდ მაშინ გაოცდა, როდესაც შავი ჭაბუკი მიუახლოვდა კარებთან შეჩერებულ ქალს, ხმაამოუღებლივ გადაეხვივნენ ერთიმეორეს და წამით უძრავნი იქმნენ...

გამწარებული ქალთაზე ფეხზე წამოდგა, სახე წამოწითლებული მწყურალად დააკვირდა მოლოზანს, მოინდომა: თმებით წამოეზიდნა წყეული ქალი, საკუთარი ხელით დასწდომოდა მწარე ენას...

მოლოზანი განაგრძობდა:

— ციურა უხმოდ გაჰყვა ჭაბუკს, — ციხის გალავანს მიჰყვებოდნენ, ქუფრი მოლოზანი შორიდან უთვალთვალებდა. გალავანის ბოლოს შეჩერდნენ და შემდეგი მოისმინა მოლოზანმა:

— სისხლიან დღეებში სიყვარულმა დამალა...

— სისხლმა გახელბაც იცის... მე შენი სიყვარული სისხლს მალვრევი-ნებს...

— როდის მოეღება ბოლო ნეტამც!..

— დასასრული ყველაფერს გააჩნია!..

— მაშ ჩვენი სიყვარულიც დასრულდება...

— ჩვენი სიყვარული უშრეტია, უშრეტი იქნება!..

— ჩემი გული შენთან ახლოს ყოფნით თბება...

— შენთან მყოფს საწუთრო ვარდებულბულთა სავანედ დამისახავს!..

მინელდა ხმა. ჩუმად რალაცას ლაპარაკობდნენ.

შემდეგ ესეც გაიგონა მოლოზანმა:

— დედა მცხეთელი ყოფილა...

— მამაჩემს კახეთში უხნავს მიწა..

— მაშ კახეთისა რად გერიდება!

— კახეთს ცუდი საქმე ჩამიდენია...

— დასამალი აბა რა იქნება ჩემდ...

— გაიმბობ... — უთხრა შავმა ჭაბუკმა. წამით გაჩუმდა, ეტყობოდა უძნელდებოდა მოყოლა. ქალი ფრთხილად შეეხო ქერა თმებით ჭაბუკის დაბინდულ სახეს, გამოაფხიზლა, — ამბავი დაიწყო:

— ქალი მიყვარდა კახეთში...

ციურა შეკრთა. გაოცებით დააშტერდა შავ ჭაბუკს.

— და აი, ერთხელ... ღამე იწვა ისეთივე შავი როგორც ახლა. შავი ჭაბუკი ნელის ნაბიჯით მისდევდა ორლობეს, — ქალთან შეხვედრა სურდა, ჩაფიქრებულს უცნაური აზრი რამ მოუვიდა თავში: ვაი თუ მლაღატობსო თეკლე — თავადიშვილები გახელებით უჭვრეტდნენ მუდამ. იმ დღეს უსიამოვნო რალაცა უგრძნო გულმა შავ ჭაბუკს. მოგვინებით წავიდა თეკლესთან შესა-

ხვედრად; ის იყო მიუახლოვდა თეკლეს სახლის ეზოს კარებს, რომ ჩამკვდარი წივილი შემოესმა მას. ცოტა ხნის შემდეგ თავის სახელი გაიგონა. ელვის სისწრაფით გადახტა ლობეზე და მერე... არ იცის რა მოხდა, როგორ მოხდა... ხოლო ეს კია: მეზობლებმა ორი, ხანჯლით გულგანგმიური ვეპი იპოვეს ეზოს კარებთან და ერთი მათგანი თეკლე იყო, ხოლო მეორე... ჩოლოყაანთ ქაბუკი... ქაბუკს ხელში ხანჯალი ეკავა სისხლიანი... გაიოცეს. ხოლო შავმა ქაბუკმა იმ დღის შემდეგ ტყე ირჩია საბუდარად, სახელი შეიცვალა: ლევანის მაგიერ შავი ქაბუკი დაირქვა. ერთხანს კახეთში იმალებოდა, შემდეგ ქართლში გადმოვიდა და სტუმრადმყოფ ვარაზს შეხვდა იქ. ვარაზს მოეწონა და თავის მის სამფლობელოს შემოაფარა...

— მას შემდეგ სიმწარით მიდიოდნენ ჩემი სიცოცხლის დღეები, ერთდერთი შენა ხარ, რომლის ხალისითაც მითენდება... — დაამთავრა ამბავი შავმა ქაბუკმა. ციურას დიდხანს ხმა არ ამოუღია. ბოლოს ესა თქვა:

— ქალისმკვლელი ყოფილხარ..

— არაფერი მახსოვს..

სიჩუმე ჩამოვარდა. მოლოზანს მეტი აღარ მოუსმენია, — ქალთამზისკენ გამოეშურა.

— ნუმც მოსულხარ! — წამოიძახა ქალთამზემ.

მოლოზანი შეკრთა. გაინაბა. მიწას გაეკრა: ქალთამზის თვალების მკაცრმა ელვარებამ შეაკრთო გულქვა დიაცი.

— ერთიც ვითხრა.. — თქვა მან საცოდავის ხმით:

ქალთამზე შედგა.

— მომღერალ ქაბუკს შენ ხილვა სურს...

ქალთამზეს სახე წამოუწითლდა: უეცრად შუქი ჩადგა მის გულში. მოეშვა. ტახტზე ჩამოჯდა, კარგი მაინც სურდესო, თქვა მიბნედილი ხმით, პატარა, ფუნთუშა ხელი დაიფარა თვალებზე, თითქოს ყველაფერი სძაგსო სამყოფოში. სმენად გადაიქცა.

— ბინდის ეპს მომღერალი ქაბუკი შარტოდ გავიხელე, — დაიწყო მოლოზანმა. — არც ის დამერიდა. თავათ მომიახლოვდა. ფიცი ჩამომართვა, ნუ გამცემო და ეს მითხრა: ქალთამზის ნახვა მსურსო ცალკე.

გაჩუმდა მოლოზანი. სდუმდა ქალთამზეც.

— თუ შენი ნება იქნება...

— მოვიდეს... — თქვა ქალთამზემ.

მოლოზანს ხანი აღარ დაუყოვნებია — წასასვლელად მოემზადა.

— მოიცა! — შეაყენა ქალთამზემ. — დღეს რაც მოისმინე, არავისთვის ვითქვამს, თორემ...

რა საკადრისიანო, დაიჩივლა მოლოზანმა. და პირმოლიმარო გავიდა სამყოფოდან.

დღიერ ხანი არ გასულა მოლოზანის წასვლის შემდეგ, რომ ქალთამზეს წინ მორცხვად თავი დახარა მომღერალმა ქაბუკმა და უხმოდ დადგა უძრავი.

ქალთამზე თავიდანფეხებამდინ ათვალეიერებდა მას, — ვერ გაებედა ამბოკითხვა. მთელი ტანი უთრთოდა იდუმალად. გული გულის ალაგას აღარ ეჯდა, — ჩიტივით ფრთხილებდა თეთრი მკერდის ქვეშ, — სანეტარო საქმე მაინც იყოსო ტიალი, გაიფიქრებდა ქალთამზე, ბოლოს ველარ მოთმინა:

— ჭაბუკო, თქვი მოსვლას მიზეზი! — მიბნედილი ხმით მიმართა მან თითქოს გლახის წინაშე კი არა, ქვეყნისმპყრობელის წინაშე დგასო დამნაშავე ქალთაშზე.

ჭაბუკი შეკრთა. ხმის ამოღებისა რატომღაც შეეშინდა.

— ნუ გრცხვენიან.. ნურც გერიდება! — ჩაილაპარაკა ქალთაშზე.

ჭაბუკმა თავი ასწია.

— ჩემი თავი გადადებული მაქვს... — გაუბედავად თქვა მან. ქალთაშზე უფრო გაოცდა: რა უნდა იყოსო ასეთი...

— ფიცი უნდა მომცეთ საიდუმლოსთვის...

— ყველაფერი გეპატიებათ...

— რჯული დამიფიცეთ!..

— ღვთისმშობელი იყოს თავდები...

ჭაბუკი ნელა გაიმართა, შავი თვალები მორცხვად შეანათა ქალთაშეს, ოდნავ უკან დაიწია, საზი გვერდზე გადადვა, დანაძობებული ფაფანაგი გადაიხსნა, ფაფანაგის შიგნით ნაკიდები ჩანთა მოიმარჯვა. კვლავ შედგა. უფრო გულიანად დააკვირდა სახეწამოწითლებულ დიაცს, გაკვირვებით რომ ადევნებდა თვალს ჭაბუკის მორთოლვარე ხელებს.

ორივე შემკრთალი იყო, ორივე გრძნობდა საქმის სიძნელეს, ერთს დაწყებისა ეშინოდა, ხოლო მეორეს ამბის გაგება ეინტერესებოდა, ნეტამც ააჩქარაო, ბრაზობდა გულში.

ჭაბუკმა ჩანთა გახსნა, რალაცის ამოტანას დაეღირა, მაგრამ კვლავ შედგა, ქალთაშის სამყოფო შეათვალიერა და ისევ ქალთაშეს დააკვირდა.

— ნამეტანს შვრები! — აღელვებით თქვა ქალთაშზე.

— მეშინიან! — მიუგო ჭაბუკმა და ჩანთიდან საკმაოდ მოზრდილი სურათი ამოიტანა. სურათი სუფთად იყო შეხვეული აბრეშუმის ნაზ ქსოვილში. ფრთხილად გახსნა ჭაბუკმა და თავის დახრით მიართვა ქალთაშეს.

ქალთაშზე გაკვირვებით დააკვირდა სურათს. ეხატა:

სხარტი ტანის ჭაბუკი. თავჩალმიანი. მარცხენა ხელი ხმლის ვადაზე ჰქონდა დადებული. მამაცად იდგა წინ ფეხწადგმული. მის წინ, მიწაზე ძუ ლომი იყო ვართხმული, ასაწვევად გამზადებული, მაგრამ დაჯალდული მოყმის ცქერით. ლომის ტოტზე შემკრთალი მტრედი იჯდა გასაფრენად შემართული, გაშტერებული. მოყმე ლომს უმზერდა უცვლელად, — შავი რიდრონი თვალები გაეთანასწორებინა ლომის გაძუებულ თვალებში. ჭაბუკს ზურგში ამოსდგომოდნენ შუბოსანი ვაჟაკები. მოშორებით მოსჩანდა მოზვავებული ლაშქარი. შორს ფონზე ლაჟვარდი ცა, თოვლყინულიან მთებს რომ ეხურებოდა გვირგვინად. მთის კალთებს ცისფერი ზღვის ტალღები ეხეთქებოდნენ, ზვირთებად გადადიოდნენ ერთიმეორეზე და იფშვებოდნენ უკანდაბრუნვილნი. ცისა და ზღვას შორის წეროთ ჩაებათ ზერხული — აღმოსავლეთიდან დასავლეთისკენ მიეჩქაროდნენ...

ქალთაშზე ვაჟაკს დააკვირდა — დიდკაცად შეიგრძნო იგი, მარილიანი სახე მოუწონა, კეთილი რამ ჩაიფიქრა გულში. რას ნიშნავსო ეს, — ჰკითხა სტუმარს და ცქერად გადაიქცა.

ახალგაზრდამ პასუხი დაავიანა: ატლასში გახვეულს რალაცას ხსნიდა.

ხარბი თვალთ დააკვირდა ქალთაშზე ახალ სანახავს. ძვირფასი ქვის ელვარებამ მოსტაცა მზერა.

— შაჰ-თამაზმა გიბოდა ყველაფერი ეს! — ტკბილის ხმით მიუგო ჭაბუკმა და პირმოღმარმა საჩუქარი გაუწოდა ათროლოებულნი ხელით: ფქროს საყურბეჭედი ელვარებდა ამოდ.

ცამდინ გაოცდა ქალთამზე. თან ნივთებისთვის მზერა ეწადა, თანაც შაჰ-თამაზის მიძღვნილ საჩუქარისა ეშინოდა. სმენას არ ენდო:

— ეგ რა სთქვი, ჭაბუკო!

— შაჰ-თამაზმა გიბოდა!.. პორტრეტი თავათ შაჰ-თამაზისაა და საყურბეჭედი შენთვის შეურჩევია...

ქალთამზეს ფიქრი აერია წუთით. უნდოდა გასწყრომოდა სტუმარს, პირქუშად გადაიქცა, მაგრამ ბზრიალა ოქროს საყურბეჭედი, თვალმარგალიტით შემკობილი ელვარებით ანელეზდა სიმწარეს. ეს კი თქვა მაინც:

— რას მოითხოვს ჩემგან სამაგიეროს წყეული ყიზილბაში!...

— სიყვარულს!... — მოწყვეტილად თქვა ჭაბუკმა, თანაც სალტე გაუწოდა ოქროსი, სამი თვალი რომ ამკობდა ძვირფასი ქვისა.

ქალთამზეს თბილი ოფლის ნამი ედებოდა, ჟრუანტელი გაუვლიდა მალიმალ, საჩუქარს და აშბავს გონება გაებრუებიანა მისთვის...

— ჩემი სიყვარულისა რა გაეგების!.. — დაიჩვილა გაბრაზებული ხმით.

— ბევრი რამ სცოდნია შენზე... არ უყვარსო ვარაზი...

— წერას აუტანიხარ, ყმაწვილო!...

— შენ დაიფიცე!..

— წყეული! მაცდურივით შემიჩნდი!..

— შაჰ-თამაზი ფიცით გპირდებათ ცოლობას..

— ახლავე უბრძანებ კლდეზე გადაგკიდონ თავდაღმა...

— ღვთისმშობელია თავდები! — პასუხობდა შემკრთალი ჭაბუკი. თანაც ძვირფას ბაღდადს შლიდა ქალთამზის წინ.

— ესეც საჩუქრად გამომატანა!... — უთხრა მან და გაუწოდა თუ ატა ბაღდადი, ტკბილად ჩაიციხა და ნელის ხმით წაიჩურჩულა.

— ციხის კარები უნდა გაუღოთ ლაშქარს... ბედნიერი იქნებით, ქალთამზევ!.. შაჰ-თამაზი ოქროს კოშკს აგებენებს, ანგელოზივით ლამაზ ქალებს დაგაყენებს თავზე, თვალმარგალიტით ტაბაკით მოვართმევს მალიმალ, დედოფლად გამოგაცხადებს, მზეს დაგადარებს, შენი ახლოს ყოფნით გათბება მარად...

— აი თავდები ფიცის! — ჭაბუკმა ჩანთიდან ამოიტანა ოქროს პატარა კოლოფი, მიიხედმოიხედა, გახსნა და მოწიწებით გადასცა ქალთამზეს.

ქალთამზემ დახედა კოლოფს, შიგ ბეჭედი იყო ოქროსი, ხოლო კოლოფის სახურავს შიგნით გვერდზე ეწერა:

„მამის საფლავს გეფიცებით! ხმაღს გეფიცები — ჩემს მარჯვენას: ზეციერს გეფიცები — ცის მნათობს: შენი მკერდი მარად ჩემს მკერდზე იქნება მოუშორებელი — არასოდეს გიღალატებ!“...

ჭაბუკს ხანი აღარ დაუყოვნებია. იფიქრეთო, თქვა:

— სამ ღღეს გიცდი. გახსოვდეს ფიცი, — დიღია ძალა მარამისა, დიდებული იყოს სახელი მისი! — თქვა და გავიდა კოშკიდან.

მარტო დარჩა ქალთამზე. ქარიშხალივით შემოაწვა უცნაური ფიქრები, გული აუბობოქრდა. ერთხანს მწყურალად აკვირდებოდა ვარაზის სურათს, თიფქოს პირველად ხედავსო და შეფასება სურსო.

— დამტანჯე!.. ღირსი ხარ სამაგიეროსი, მაგრამ... შაჰ-თამაზის ხელით აუარებელი ქართველის სისხლი დაიდვარა... ციხის გატეხას უარესი მოჰყვება. თანაც შავი ჭაბუკი... რა იქნებოდა, რომ ვეყვარებოდი შავ ჭაბუკს!... ერთხელ კიდევ ვცდი დავიყოლიო სიყვარულში: ვიცი, მოვწონვარ, მაგრამ ვერ გაუბედავს... მაშ რათ წითლდება ჩემს წინაშე, თვალებს ვერ მისწორებს... ეხ, შავო ჭაბუკო, შენ იხსნიდი ციხესაც, შენ თავსაც... ვარაზი კი: საყვარელი სატრფო მომიკლა, უნდაურად მომიტაცა და ტიალ კოშკში უსიყვარულოდ ჩამომამბერა... შურისძიების წუთები ახლოვდება... ამ პატარა ხელმა უნდა დაამხოს თმოგვის ქავეციხეთ სიმაგრე... თუ შავი ჭაბუკი... თუ შავი ჭაბუკი არ გამიხსნის გულს...

ქალთამაზემ შაჰ-თამაზის სურათს დახედა, ძულოში რომ დაეგესლა მზერით...

— კარგი ვაჟკაცი კი ყოფილხარ, ყიზილბაშო, და ენახოთ... ენახოთ როგორ მოინადირებ სიყვარულით გახელებულ ქალის გულს...

ფეხზე წამოდგა იგი, სასალი ტანი გაიმართა, მკერდი შეიმალლა, შავი ნაწნავეები შეათამაშა მხრებზე...

— ეხ... ცული ვარ: რა საფიქრობელსა ვფიქრობ... ნუ თუ სიტკბო ექნება სისხლიან სიყვარულს, მაგრამ შურისძიება!... — ამდროს მოლოზანი შემოვიდა. ღიმილით შეხედა სახედაჩრდილულ ქალთამაზეს. უმალ გაპირქუშდა ქუფრი დიაცი. უხმოდ უჭკვერტლენ ერთიმეორეს, გულის ზრახვის ამოკითხვა სურდათ თვალთა სარკიდან.

— რა ამბავია, რაზე ილაპარაკა კოჭლმა ჭაბუკმა? — იკითხა მოლოზანმა.

— შენ უკეთ იცი!.. — მიუგო ქალთამაზემ.

ორივე გაჩუმდა. მზერა ააცდინეს ერთიმეორეს.

— ვიცი... — ნელი ხმით თქვა ქუფრმა დიაცმა.

— საქმეს უნდა შევუდგეთ!..

— რაც კი შემიძლია...

— ენას გაუფრთხილდი!

— ნეტამც არ მეტყოდე მაგას...

სიჩუმე ჩამოვარდა, მკვდრული სიჩუმე, დიაცებს თავები დაეხარათ, საკუთარ ფიქრში წასულლები მიწას მისჩერებოდნენ.

— მივდივარ, — თქვა მოლოზანმა, წამოდგა, ბარბაცით გაემართა კარებისკენ, ერთხელ შედგა: მიხედა ფიქრში დაძირულ ქალთამაზეს და კარები დაიხურა, თანაც შავი ამბავი გაიყოლია საოცნებო...

ფიქრებით ღამე გატეხილი, ფერმკრთალი ქალთამაზე იჯდა ტახტზე, მახლობლად დაესვა შავი ჭაბუკი, ხოლო კარებისგარეთ მოლოზანი ტრიალებდა ცალ ფეხზე ბებერი ქოფაკივით, თეოზე რომ გააგდებენ ხოლმე ბინდისყამს.

ქალთამაზეს თავი დაეხარა, მიწას მისჩერებოდა. ამავე მდგომარეობაში იყო შავი ჭაბუკიც.

— მაშ ეგრე... — თქვა ქალთამაზემ ნალვლიანი ხმით.

შავი ჭაბუკი ოდნავ შეკრთა. ხმა არ ამოუღია.

— ყველაფერი გათავდა... — განაგრძო ქალთამაზემ. თავს ამაყად ასწია. შავი ბინდი ჩასდგომოდა თვალეებში, მქრალი ფერი გადაჰკრავდა სახეზე... ნალვლიანად შეხედა შავ ჭაბუკს. სწრაფად ააცდინა მზერა.

— შენ ციურასთან გქონია მიცემული პირობა, მე კი... არაფერი დამრჩენია სასიხარულო... მაგრამ... — უნდა ეთქვა, ციხის ბედი შენზეა დამოკიდებული. შეერთა: ხმა გაიკმინდა

— ფიცისგატება მიძნელებდა...

— ღლეის შემდეგ ბედნიერებაში არავინ შეგიშლით ხელს... — ქალთამზე ჩაფიქრდა, შუბლი გაეხსნა რატომღაც. თვალებში ხალისის ნაპერწკალმა გაივლო.

— თავათ მე... მე მოგიწყობთ ქორწილს... — დაუმატა მან, ღიმილით შეხედა შემერთალ ჭაბუკს. ილიმებოდა ქალთამზე, მაგრამ მისი ღიმილი ტირილს ჰგავდა.

შავი ჭაბუკი ღინჯად წამოადგა ფეხზე, მადლობა გადაუხადა. მოხატრებით გავიდა ქალთამის სამყოფოდან.

— მაშ ეგრე... — ეუბნებოდა თავს ქალთამზე. — გათავდა ყველაფერი, მხოლოდ ეს და დამრჩენია: — შური ვიძიო, მაგრამ ვინ რა დამიშავა!.. გონება აებნია მას, პირქვე მიწვა ტახტზე და ყრუდ აქვითინდა.

— : — : — :

დილა იყო უჩვეულოდ მშვიდი, ჩამიჩუმი არ ისმოდა, მხოლოდ მტკერის ტალღები გაიდუღუნებდნენ იღუმლად, ან მერცხალი შეიჭიკჭიკებდა სივრცეში შეჭრილი. ცა კრიალა იყო, მოლიმარი ქალივით დაჰყურებდა დედამიწას. მზე ჩვეულებრივი სითბოთი ამობძანდა ხმელ გორების ქედზე, მადლიანი სხივები ვადმოაფრქვია მესხეთს. ყიზილბაშების თეთრი კარგები ალაპლაპდა მზის სხივების ქვეშ, თმოგვმა გული გახსნა, მტრედების გუნდები აშალა მკერდიდან, ქაეციხენი დაამშვენა. ქარაფებს გულმკერდი გაუთბათ. კოშკებმა გაიღიმეს:

ციხეში მითქმამოთქმა ატყდა:

— ყიზილბაშები აპირებენ აშლას!

— შემოელიათ სანოვაგე!..

— ლაშქარი უზარალდათ!.. —

— ჩვენ კი...

სიხარული დიდი იყო — შავ მცურავივით ესხმებოდა ლაშქარი თმოგვს, ერთი ნაწილი მიეფარა წუნდის ზემოთ ხმელ გორს. ხარობდნენ თმოგვისმცველები, მხოლოდ შავი ჭაბუკი იყო გულჩათხრობით: წინა ღლით თვალი მოჰკრა ქალთამის კოშკში შესულ კოკლ მოლოზანს, მოლიმარი პირით რომ გამოვიდა დავრდომილი. შემდეგ ქალთამზემ ციხის კარსაღებდამცველი გლახუნაც მიიხმო. კარებზე მოლოზანი ადარაჯა, დიდხანს თათბირობდნენ.

— რაზე ლაპარაკობენ! — გაიფიქრებდა შავი ჭაბუკი. იმდღითაც ესხვარებებოდა ქალთამზე: ნამეტნავად გულგახსნილი იყო — ციურას უცინოდა, შავ ჭაბუკს არ ერიდებოდა, ვარაზს ახლოს უჯდა — სახუმაროს ეუბნებოდა, ეტოტავებოდა; მიხარიან ლაშქრის აშლაო, იტყოდა პირმოლიმარი. ვარაზმა და შავმა ჭაბუკმა ერთხელ ჩასვლით მოინდომეს აშლილი ყიზილბაშების ლაშქართან ომი, მაგრამ მრჩეველთ დაუშალეს: ერთი კაციც ძვირფასია ჩვენთვისო და გადაწყდა: დიდი სუფრა გაეშალათ სადილად. სუფრის გაშლას უფრო ქალთამზე მოითხოვდა, — ლხინი სწადიანო გულს, მაგრამ ურჩევდა:

— ვახშამდე ლაშქარი ალბათ გაიკრიფება, გული უფრო მოილხენს, ვახშამდ გვირჩეენია ლხინი! — თანაც ვარაზს ენაბებოდა. მის ხელს ხელში იღებდა, ვაჟკაცურ იერს აკვირდებოდა ტკბილი ღიმილით.

უკვირდა ვარაზს, ვერ გაეგო მეუღლის გალაღების მიზეზი, არსად ენახა ასეთი მზიარული ქალთამზე, გულიანად აკვირდებოდა, მაგრამ ოდნავადაც არ ეტყობოდა ქალთამზეს ნაძალადეობის იერი. რისთვის სკირდებოდა ეს, ჩაიფიქრებდა ვარაზი, თავათაც ხელდებოდა მეუღლის ჭკრეტით და ლხინი ეწაღა მასაც.

— გავიმარჯვეთ! — მზიარულად უთხრა შავ ჭაბუქს. — ლხინი გვმართებსო ახლა!

შავი ჭაბუკი ხმას არ იღებდა — ომი თუ სწადიანო ისევ, — ლაშქარს უჭკრეტდა მალიმალ. თანაც იქ მყოფთ ათვალიერებდა: ქუფრი მოლოზნანისა და გლახუნას იღუმალი ღიმილი არ ეჭაწნიკებოდა. ციურას სიახლოვე ეწაღა. თავათ ციურა ერიდებოდა, — შორიდან უჭკრეტდა, სათავისოდ ინატრიდა ამაყვაჟკაცს. ლაშქრის წასვლას გაიხარებდა, მაგრამ... ლაშქრის მხოლოდ ერთი ნაწილი წავიდა. სხვები ისევე აყოვნებდნენ წასვლას. აბარგულები იყვნენ — ასაშლელად გამზადებულები...

დღე ილეოდა — გრილოები გამოიხარნენ: მათათა წვერები მტკვრის ხეობაზე გადაიხიდა — მზე საჩეხის წვერს მიეჯარა, ლაშქარი კი... არ დაძრულიყო.

ლაშქრის მთლიანად არ აშლა არ მოსწონდა შავ ჭაბუქს, დაფიქრებული იყო. მხოლოდ ვარაზი იმ დღეს ქალთამზეს აეყოლებინა — ალერსში და ტკბილ საუბარში გაატარეს მთელი დღე. მთვრალსა ჰგავდა ქალთამზე, არ იშორებდა ვარაზს, ინაბებოდა ქმრის წინაშე, ალერსს მოითხოვდა, გულს უხსნიდა, თითქოს ეთხოვებოდა სამუდამოდ.

ბინდიეამს მეტრძოლები შეკრბნენ. გლახუნა მოიხმეს და გააფრთხილეს: უფრო ფრთხილად მოჰქცეოდა კარგვირაბის დარაჯთ, გასაღებები არავისთვის გადაეცა. გლახუნა შეკრბა. რატომღაც დააკვირდა ჯერ შავ ჭაბუქს, შემდეგ ვარაზს, დაინაშა და რა საიმისო არაფერი ამოიკითხა ვაჟკაცების სახეზე, კვლავ გაიბადრა, მამაცად დადგა. გასაღებები ხელში შეათამაშა, ნუ გეშინიანთო თქვა და იმედიანად გაშორდა მოსაუბრეთ.

დაეკვებული მზერა გააყოლა შავმა ჭაბუქმა გლახუნას, — გული რაღაცას უგრძნობდა, მაგრამ ვერ მიმხვდარიყო რისი თქმა სურდა გუნებას მისთვის, — არ მოსწონდა გლახუნა, არც ქალთამზის საქციელი მოსწონდა იმ დღეს. ვარაზს ვერ გაუბედა, თორემ ეწაღა ეთქვა: არ მომწონსო შინაურების ქცევა. იქნება ჯვარის აშლით არის გამოწვეული ლხენა?.. მაგრამ ჯარი ხომ სულ არ წასულა... ხომ არაფერი მზადდება საიდუმლო... — ფიქრები აწუხებდა შავ ჭაბუქს. ვარაზს მოხატობით ჩამოუგდო ლაპარაკი სიფრთხილის შესახებ. გაუცინა ვარაზმა: ქეიფი მწადსო, წასჩურჩულა და ესეც დაუმატა:

— ლამაზია ციურა... იცოდე მე მის პირდაპირ დავჯდები!.. — თანაც თვალებში ჩახედა შავ ჭაბუქს.

შავ ჭაბუქს ფერი ეცვალა, მორცხვად დახარა თავი.

— იქნება შემეცილო!... იცინოდა ციხის პატრონი, მარჯვენა ხელს ხვევდა მაღალ კისერზე საყვარელ თანამტრძოლს, ხოლო მარცხენა ხელით ხმლის ხეტარი შეემარებინა. მიდიოდნენ ნელის ნაბიჯით. ხმას არ იღებდა შავი ჭაბუკი...

— ვიცი... ძნელია სიყვარული... გეპატიება, მაგრამ... ჯერ ჯვარის წერისთვის მაინც არა გცალია...

გაოცებით შეხედა შავმა ჭაბუქმა. საიდან გაიგო, გაიოცა მან,

— ქალი საიდუმლოსთვის ისეთია, როგორც საცერი წყლისთვის...

ამ დროს სიცილი შემოესმათ: ქალთამზე ციურასთან ერთად გამოსულიყო კოწკის კარზე — ელოდებოდნენ ვაჟკაცებს: მოლოზანი რაღაცას ეუბნებოდა, იღმანჭებოდა საცოდავი.

შორიდანვე გამოესაუბრა ქალთამზე ვარაზს: გადაეწყვიტა, — ციხეში მყოფთათვის გაეშალათ სუფრა — მთელმა ციხემ უნდა იღრესო, მოითხოვდა ქალთამზე.

ვარაზი დაეთანხმა, ხოლო შავმა ჭაბუკმა იუარა ერთხანს, — ერთი დღეც მოგვეთმინაო, ბოლოს ისეც დაიყოლიეს და ღრეობისთვის მზადებას შეუდგნენ.

შავმა ჭაბუკმა მაინც მოინდომა: კარგვირბები დაეთვალეირებინა, გუშაგებისთვის და მეთვალთვალეთათვის გაფრთხილება მიეცა. მისრეთა თანხლებით გაუარა ციხეს: ყველაფერი თავის წესრიგზე იყო, ყველას ფრთხილად ეჭირა თავი, მით უმეტეს ფრთხილობდა გლახუნა, დარაჯები დაეტუქსა, ხოლო დიდი კარის წინ მისვლის უამს შავ დარაჯს დააშტერდა, ფრთხილად მოუკილა თვალი, გაუწყრა და ყურში რაღაცა წასჩურჩულა სწორედ იმ დროს, როცა შავი ჭაბუკი უკან გამობრუნდა, თავადაც შავ ჭაბუკს აპყვა და ყველანი გულდამშვიდებით დაბრუნდნენ ვარაზთან: იმ იმედით, რომ ღამეს ლხინით გაატარებდნენ და თუ ვინცობაა, მტერი მოიწადინებდა ღალატით იერიშის მიტანას ციხეზე, ციხის კარგვირბები დაკეტილი დახვდებოდათ, თანაც გუშაგები ასტეხდნენ განგაშს...

ღამე დააწვა მიდამოს. ციხის სარკმელებში მკრთალი სინათლეები ჭაჩნდნენ; ციხემ ღრეობა ისურვა.

ჭეიფი უფროდაუფრო ძლიერდებოდა, ლხინის ხმა მატულობდა, ღვინო და სანოვაგე უკლებლად მოჰქონდათ, ყველგან სუფრა იყო გაშლილი, ყველგან ლხინი გაიმართა, მღეროდა ყველა, ყველას გული გაეხსნა, წინა დღის ამბები დაევიწყებინათ, ლაშქრის აშლას გაიხარებდნენ და ბრძოლაში დაღუპულ ვაჟკაცებს გაიხსენებდნენ თასის დაცლის უამს. მთვარე ნელნელად ამოდოდა. მთვარის სინათლეს მისჩერებოდა ქალთამზე და რამდენადაც შუქი თმოგვის ციხეს უახლოვდებოდა, იმდენადაც მოუთმენლობა რამ ემჩნეოდა, მოუსვენარი ხდებოდა, ვარაზს და შავ ჭაბუკს ღვინოს აძალებდა, ახალგაზრდებს ცეკვას და სიმღერას სთხოვდა, ციურას მაღიმალ აცეკვებდა, უჭვრეტდა და გული სტკიოდა, გული შურით ევსებოდა, სახე კი... იბადრებოდა მთვარესავით, იღიმებოდა, შავ ჭაბუკს კბილებს უნათებდა, ციურას გვერდზე უსვამდა.

ჭეიფი გაძლიერდა, ქალთამზემ გლახუნა მოძებნა — სუფრის ბოლო შჯდომს წუთით გაუსწორა თვალი, ურთიერთს რაღაცა ანიშნეს და ქალთამზემ კვლავ სიმღერა ცეკვა და ღრეობის გაძლიერება მოითხოვა.

მთვარის გრილონი საჩხის გორის შუა ადგილს გაუსწორდნენ, თმოგვის ყელს შუქი მოჰფინეს და ამ დროს ადგა გლახუნა, ერთხელ გადაჰხედა ქალთამზეს, სწრაფად ააცილა მზერა, იღუმლივ გასცდა სუფრას და ფეხაკრეფით გაუჩინარდა, მხოლოდ ქალთამზემ ვარაზს რაღაცა წასჩურჩულა, ნამალეველ შეახო ბაგე ვარაზის მაღალ ყელს, თვალებით შეემუდარა რაღაცას, ვარაზმაც გაუღიმა, თავი ჩამოძრა. მეთასე ჭაბუკი მოიხმო: სურით ჩამოარიგეო ღვინო, უთხრა მან; ჰირველად თავათ დალია, შავ ჭაბუკს გადაულოცა; თასი ჩაპყვა სუფრას, სვამდნენ, სიმღერას აძლიერებდნენ, ლხინი მატულობდა, ქალთამზეს სახე უკრთებოდა — მთვარის შუქი კოშკებს უახლოვდებოდა: განათდა მთავარი

კოშკის შუბლი, მისი გრილო ციხის ეზოში გადმოწვა ბრძოლაში დაბლილი გმირივით და სწორედ ამ დროს ყრუანტელის ზრიალი შეუჯდა ციხეს, — ღრიალი, კივილი, მყეფართა ყმუილი, ცხენთა ჭიხვინი და თავზარდაცემულ დარაჯთა ღრიალი ცას შეედგა ზარად. ქავეციხენი შეტოტავდნენ, მიდამოს ცხრო შეუჯდა და ციხემ დაჭრილ მხეცივით შეღმუვლა უკუნეთს. შავი ჭაბუკი ელვის სისწრაფით წამოიჭრა ფეხზე, საჭურველთ სანახავს მიაშურა; მას მიჰყვა ვარაზი და სხვა მეომარნიც. სუფრა შეტორტმანდა, დაიმსწვრა, გაერთხა მიწას. შემკრთალ მტრედებივით წამოიშალნენ მანდილოსანნი, ერთ ადგილზე წრიალებდნენ თავზარდაცემულნი. ფერმიხდილი ქალთამზე ადგილიდან ვერ იძვროდა.

ხმაური უფრო ახლოვდებოდა, უფრო საშინელი ხდებოდა.

— დიდი კარებიდან შემოდინან...

— ვეკვეთნეთ!..

— უკანასკნელ სისხლის წვეთამდე!... — გაისმოდა მებრძოლთა შორის.

ციხის ეზოში პირველად შავი ჭაბუკი გაიჭრა. მან თვალი მოჰკრა დიდ კარებიდან გამოქცეულ გლახუნას: მიმალვას აპირებდა, უკან ყინილბაშების ლაშქრის ერთი ჯგუფი მოსდევდა. ციხის გულისკენ მოიწვედნენ.

— ლალატი! — გაუელვა აზრმა შავ ჭაბუკს, წამით შეხედა გლახუნას, შეეზიზლა და აღარ დააყოვნა: მშვილდი შემართა, სწრაფად სტყორცნა ისარი სწორედ იმ დროს, როდესაც გლახუნა ქალთამზეს მიუახლოვდა ნაძალადევის ღრიალით, შავი ჭაბუკის ნასროლი ორბისფრთიანი გულს მოხვდა გლახუნას, სუკი გაიარა და შეკუმშული გლახუნა ბურთივით გაგორდა ქალთამზის წინ. შავ ჭაბუკს მეტი აღარ დასცალდა: ხმლით ეკვეთა რაზმის მოწინავეთ. შეიქმნა შუბების, ხმლების და ფარმუზარადების ყრუიანი, მოყმეთ კენესა და წივილი დაჭრილთა. ყურთხმა აღარ ჩამოვარდებოდა, მხოლოდ კენესა ღრიალი, იარაღის ხმალა გაისმოდა, ჯღრედ შემართული ხმალშუბი მთვარის სინათლეზე ელვარებდა. სისხლით შეღვრილი ციხე ნწყკვეწკავებდა ნაცემ ძაღლივით; სისხლის სუნი დატრიალდა ჰაერში, სისხლმა დაათრო მიწა. აქა იქ ხანძარი გაჩნდა, კვამლი ნისლივით დაწვა ციხეზე. ერთი მეორეში აირა მტერი და მოყვარე. ორჯერ მოჰკრა თვალი შავმა ჭაბუკმა ვარაზს, ვარძიის მხარეს დაიწიეო, მიაძახა. გააფთრებული იბრძოდა ვარაზი, გამოფხიზლებოდა ლვინო, ღრიალით სცემდა თავზარს ლაშქარს, მაგრამ მტერთა სიმრავლე სჯალდავდათ დამხვედურთ — მალიმალ დაინთქებოდნენ ზღვად მოწყვეტილ ლაშქარში. ბოლოს სულ გაუჩინარდნენ: რამდენიმემ მოასწრო ციხის გალავნიდან გადახტომა; მხოლოდ ერთი ვრდაცა იბრძოდა დიდხანს ციხის ბოლოს, ნახოცის და სისხლის კვალი მისდევდა თან, გალავნამდე მიაღწია, უკანასკნელი ძაღლონე მოიკრიფა, ისკუპა და უფსკრულს მისცა თავი.

სისხლით დამთვრალი ლამის ძაგძაგი მისწყდა, ციხის-ლიბოს სისხლმა გაეჟონა, ფერფლი, კვამლი, მისუსტებული კენესა, აკრეფილი ფეხის ხმა და მიმალულთა კენესა დააწვა გულზე თმოგვის სიმაგრეს. კოშკებიდან აჭრილი ალი აიბერტყა, კვამლი ნიავმა გაიყოლია თან და ქარიშხალივით შემოჭრილი რისხვა ყრუდ მიიბნინა მუნჯად დამდგარ კედლებს შორის...

აწითლდა ლამე, ყორნის ფრთენი აიბერტყა, აშორდა დედამიწას. შორცხვად გადმოხვდა მზემ სისხლითშეღებილ ციხეს...

დაღვრემილი შაჰ-თამაზი მწყრალად დაჰყურებდა კოშკის კარზე ნადგომი ციხის კარმიდამოს: ათასობით ვაჟკაცი იწვა გულგანგმირული. სისხლითშეღები-

ლი. ციხე ჰგავდა გაპარტახებულ ქალს, თმაგაშლილს, მკერდშესისხლულს ლოთების ტალახიან ფეხებით გათელილს... ციხის ირგვლივ სუნი ტრიალებდა სისხლისა, ნამწვარევისა. სიჩუმე დაწოლილიყო. მტკვარი ხანდისხან ამოიშხულებდა, თითქოს გრძნობსო ხალხის უბედურებას და ოხრავსო დროთა სიავით დაგესლილი...

...ციხეში ქართველი ვაჟები მცირე რაოდენობით დარჩენილიყვნენ, მხოლოდ დაჭრილები იპოვეს. მკვდრების შორის შაჰ-თამაზმა ვარაზი მოაძებნინა: ცხრა ჭრილობა სჭირდა ვაჟკაცს, ცხრა შუბის წვერს გაენადოებინა მისი მაღალი მკერდი. დამტვრეული ხმალი შერჩენოდა ხელში. ქალთა სენაკის კარებზე ჩაექცია მტერს. ვარაზის პოვნის შემდეგ ქალთამზეც მოიკითხა შაჰ-თამაზმა, — დიდხანს უჭვრიტა მიბნედილ მანდილოსანის სახეს. მასთან მოსულ ჯიფე ქალებს გადაავლო თვალი, ციურაზე შეჩერდა, გული შეუთამაშდა...

მიახლოვდა ქალთამზეს, თავდახრილი მიესალმა, ხელზე ემთხვია და ციურასკენ გაიწია. შეკრთა ქალთამზე. ხოლო ციურამ მწყრალად დაიწია უკან, ბრაზიანად შეანათა ცისფერი თვალები შაჰ-თამაზის უნდაურ სახეს... ეუცხოვა შაჰ-თამაზს, მაგრამ ძალა არ გაუბედნია. ორიოდ მრჩეველი მოიხშო. რალაცა ითაბობირეს, — ქალთამზეს ახსენებდნენ მალიმალ. თვალები ციურასკენ მიუღიოდა: თვალცრემლიანი ქალის სილამაზე ხიბლავდა...

ციურას შავი ჭკაუბის მოძებნა სურდა, მაგრამ მცველები ნაბიჯის გადადგმის ნებას არ აძლევდნენ. აცრემლებული მოლოზანი მოსდგომოდა გვერდზე — იღმანჭებოდა ცოდვილი.

შაჰ-თამაზს ხანი არ დაუყოვნებია — ციხე შეათვალიერა: სურსათსანოვანის საწყობი დამწვარი აღმოჩნდა. დამწვარიყო აგრეთვე იარაღის საწყობი, მხოლოდ თავლა გადარჩენილიყო უვნებლად. ტყვეები ერთად მოაგროვეს, ციხის საიდუმლო გვირაბების ჩვენება მოსთხოვეს, მაგრამ ხმას არაჯვენ იღებდა. შემდეგ ქალთამზე წარდგა შაჰ-თამაზის წინ: პირობის ასრულება მოსთხოვა, საჩუქრები გაახსენა, კოჭლი მემუსიკე მოჰკითხა.

შაჰ-თამაზს სახე ერთიორად დაეღვრიმა: ციხეში სიმდიდრე არაფერი დახვედრია. ლაშქრის მესამედი შერჩა ცოცხლად, ხოლო ქალთამის ცბიერმა სახემ ვერ მიიზიდა, ჭკუაში არ დაუჯდა მისი საქციელი და... გასამართლება მოისურვა: ლაშქარი და ხელმძღვანელნი ჩამწყრივნა ორად: პირისპირ დადგნენ, ხოლო მათ შორის მიცვალებულნი ესვენენ, მიცვალებულთა შორის ლომივით იწვა სისხლიანი ვარაზის ტანი, მკერდშელეწილი ვაჟკაცი მწყრალად გამოსთხოვებოდა სიცოცხლეს...

შაჰ-თამაზი მიუახლოვდა ქალთამზეს, მახლობლად დაუდგა, გვერდზე ციურა დაუყენა. ქალთამზეს საკეთილო რამე ეგონა, ნათელმა იერმა გადაჰკრა სახეზე; მაგრამ მოტყუვდა — სჯიდა შაჰ-თამაზი, ლაშქარს სთხოვა: ეპასუხათ შაჰ-თამაზისთვის — რომელი უკეთესი ვაჟკაცი იყო, შაჰ-თამაზი თუ ვარაზი...

დიდხანს იწვა სიჩუმე ლაშქარში. ყველას თავები დაეხარათ, მიწას მისჩერებოდნენ, ბოლოს ერთი ჩია ტანის ყიზილბაში გადმოდგა წინ და მოწიწებით თქვა:

— ვარაზს ცხრა ჭრილობა მიუღია... არცერთი არ არის უკანიდან მონახვედრი. ამდენ ხანს გამავრდა ჩვენს წინაშე: ციხე მხოლოდ ლალატით იქმნა აღებული — ვაჟკაცობით ვერაფერი დავაკეთით. ტანად ახოვანი ყოფილა, პირად — მშვენიერი... —

ხმა გაკმინდა ყიზილბაშმა, მეტის თქმა ველარ გაბედა...

ჯჯობდაო, გაისმა ხალხიდან სუსტი ხმები...

შაჰ-თამაზს არ წყენია. ამაყად ასწია თავს და ეს უთხრა ქალთამაზეს:

— მზეს ედარები პირად!.. შენი მკერდი უტკბილესი სურნელოვანი იქნება წაისის ვარდზე, შენი ხმის მოსმენა ბუღბუღლის გალობას ემჯობინება, მაგრაამ... ციხის მოღალატეს მხოლოდ სიკვდილი ეკუთვნის!..

შეკრთა ქალთამაზე. მოლოზანი მიწას გაეკრა, გაიპარა. ციურას ნათელი რერი წვეთამაშდა სახეზე.

— ფიცი გაიხსენე! — მიზნედილი ხმით წამოიძახა ქალთამაზემ, ჰუხლებო მიუსუსტდა, მაგრამ არ წაქცეულა.

— ფიცს ვასრულებ: შენი თეთრი მკერდის ჭარი მარად მკერდზე მექნება. ძვირფასი ქვებით შემკობილი! — უთხრა შაჰ-თამაზმა და აღარ დააყოვნა: ბრძანება გასცა — ყველაზე მეტად გიჟი ჯორი შეერჩიათ ჯოგიდან, ქალთამაზე თმებით წამოაბითო ჯორის კუდს და გაუშვითო ველად. — ხოლო ის! — მიუთითა ციურაზე, — ჩემს ხასებს დაამშვენებს!..

გულწასული ქალთამაზე მიწას დაეცა ვარაზის მახლობლად, მხოლოდ ციურამ მუხლი მოიყარა და შაჰ-თამაზს შეემუდარა:

— პატარაობიდანვე შევეზარდე ერთ ჰუნეს, გულის ტოლად მიმაჩნია, ახლა თავლაში დგას იგი, უჩემოდ ლაგამს ამტვრევს... შავია, როგორც ღამე!.. მარჯვეა, როგორც შავი ჭაბუკის ნასროლი ისარი!.. მუხლაღია, როგორც თმოგვის კალთაზე მოთამაშე ქარი... ერთი თხოვნა ამისრულე, შაჰ-თამაზო: იმ ცხენზე შემსვი... შენი ცხენით გამომეკიდე უკან: აი, პატარა ეზო, ირგვლივ გალავანი... ფიქრად არაფერი მაქვს — გაქცევას გულში არ გავივლებ... თუ დამეწიე, აგერ, ეზოს ბოლოს რომ მაღალი კოშკი დგას, იქამდე, მაშინ... მაშინ ნება გექნება ჩემზე: სამუდამოდ შენი მორჩილი გავხდები, ხელზე გემსახურები... — ამბობდა ციურა, თან იღუმალ მზერას ესროდა ქალთამაზეს, რომელიც შაჰ-თამაზის მკველთ შეეპყრათ და სასჯელისთვის ამზადებდნენ...

შაჰ-თამაზი გაცეხებით აკვირდებოდა ციურას. დაეთანხმა: კარგიო, თქვა, რაღაც ჩაიფიქრა, გვერდზემდგომ ვაჟკაცს თვალი ჩაუკრა...

ციურამ ხანი აღარ დააყოვნა — რემათ სადგომისკენ გაემართა ტანის რომინით, მისუსტებული, ფერმკრთალი მიდიოდა, იღუმლად იხედებოდა აქეთ იქეთ: იქნება შავ ჭაბუკს მოვკრაო თვალი მიცვალებულთა შორის, მაგრამ შავი ჭაბუკი უკვალოდ დაიკარგა... ციურას აღარ უნდოდა სიცოცხლე, სიკვდილს ნატრულობდა გულით, თავისმოკვლა განიზრახა, მაგრამ მეთვალყურენი ერთი ნაბიჯით არა სცილდებოდნენ — გაუფრთხილდითო, ებრძანა შაჰ-თამაზს...

თავლის კარი ჯერ ისევ დაკეტილი იყო, მოკრძალებით გაუღეს დარაჯებმა ციურას, რემანი ჭიხვინით შემოეგებნენ. შემკრთლნი ტოტებით სცემდნენ მიწას. ციურა შავ რაშს მიუახლოვდა, — შავი ჭაბუკის საფერხეს მიუალერსა, კისერზე შემოხვია ათრთოლებული ხელი, შავი ჭაბუკი დაესახა, ფაფარზე აკოცა. ახსნეს. შეუკაზმეს. შეჯდა ციურა. კარებში გამოსვლის დროს, შავი მანდილი მოიხსნა, სადავეს მოსწია ცხენს, დარაჯნი ჩამოეშორნენ წუთით და შავი მანდილი თვალებზე გადააფარა საფერხეს. შავრამ წაიფხვრიალა, ტოტებზე შედგა, ლაგამს აჰკრა თავი, დატოტავდა უშტარი. ციურამ შაჰ-თამაზის მხარეს მიჰმართა იგი, ჩამწკრივებულ ლაშქრის წინ ჩაატარა, შაჰ-თამაზს დაუპირისპირდა. დაელოდინა.

შაჰ-თამაზი აღარ ჩანდა ლაშქართ შორის. ეწყინა ციურას, მაგრამ განზრახვის შესრულება მაინც მოიწადინა: ის იყო მიუშვა ცხენს სადავე ეზოს ბოლოსკენ და ამ დროს ლურჯა ცხენი შეტოტავდა მის მახლობლად, გაეკიდა შავრას, ციურას გაეხარდა: შაჰ-თამაზი ეგონა წაიმხრისულა, ჩახედა სახეში — უცხო ვიღაც გაჰყოლოდა. სიმწარით დაიკვილა ციურამ, შავრას ქუსლი ჰკრა, ქარაფის თავზე მიაგდო. თვალზე მანდილაფარებული ცხენი ელვის სისწრაფით მიიჭრა, — უფსკრულს არ დაერიდა და ოდნავ დაიგმინა, როდესაც ფეხების ქვეშ სიცარიელე იგრძნო... მისი ძუაფაფარი გაიშალა ლაჟვარდში, ციურას შავი მანდილი შეაფრიალა ჰაერმა და ცხენმხედარი მიიბარა უფსკრულმა... უკან-გაკიდებულმა მხედარმა, რა უფსკრულის თავზე გამფრთინავე წინმდგომი იხილა, ყრუანტელმა აიტანა, სახე საშინლად დაელმანჭა, მძლავრი მკლავებით მოსწია ცხენის სადავეს, ლურჯა შეატოტავა, შემოტრიალდა და სწორედ ამ დროს მძლავრი ყიჟინა გაისმა: ხერთვისიდან მოსულმა ქართველთა ლაშქარმა შეუტია ციხეს, ობლადშემოჭრილმა თეთრმა ისარმა წივილით განვლო ლაჟვარდი, ლურჯა ცხენოსანს შეაღწია ტანი და დააყირავა მხედარი: შავმა ჰაბუკმა შემოჰკივლა გაპარტახებულ ციხეს...

ასე გაიარა მოგონებებმა... ტანდაშარულ კოშკს მიყრდნობილი ჰაბუკი ფიქრებით დაოსებული წამოიმართა, გარიჟრაჟებულ მიდამოს გადახედა შემკრთალმა და თავშესაფარი მოძებნა ნანგრევთა შორის, ხოლო დილით, როდესაც მადლიანი სხივები მოჰფინა მზემ დედამიწას, უცნობი გამოვიდა ციხის ნანგრევებიდან, ჩაუარა ჰავციხეთ ნანგრევებს, ზომას იღებდა, ნახაზებს აკეთებდა, უჩქარებოდა: ვარძიაში ტურისტები ამხანაგები ელოდნენ მას.

ლექსები

ის წინანდელი... სიმაღლე საკუთარ...

კოშკს ხავსიანიც ჰქონდეს კედელი,
წაიკითხების როგორც დედანი,
ორი ათასის წლის წინანდელის
საოცრებანი და თქმულებანი!
შემოქარგულან ხენი მწვანეთი
და ატყორცნილან როგორც ისარი!
ალეებს სიმაღლე თუ აქვთ ასეთი,
არ არის სხვისი და ნასხვისარი...
დიდება, ხსოვნა კარგებს წინანდელთ,
ვინც ნოყიერი შექმნა ტყეველი;
ჩვენს სამშობლოში ყველა სიმაღლეს
აქვს საძირკველი შეურყვეველი.

ტფილის ქალაქს ირმის ყელზე

რომ შეიშრეს ყვაველებმა
ყელი, ცვარით დანამული,
როგორც დედის გაღიმება,
შემობრძანდა გაზაფხული!
ყვაველებმა ყელი ჰყარეს
და ფერებში ჩასვეს მიწა, —
მაშინ ირმის ნახტომივით
მთას ბილიკი დაეკიდა.
როცა ბუჩქებს იაია
მუქ ფერებში ჩაეწითლა
და ქადრები ქორფლიანნი
აშრიალდნენ ქარდაკრულნი, —
ტფილისს ქალაქს ირმის ყელზე
დაუბრძანდა გაზაფხული!..
გაზაფხული! მთაველების
სიკობტავის დადგა ხანი, —
დავხატავდი მე გაზაფხულს
შენს სახეზე ორი ხალით!

ფოსტის ნიშნები

გაჩენის დღიდან ეს თქვენი მოდგმა
ედებს, მიიკვლევს ახალს სადგურებს, —
თან ყალბ ვეჭსილებს უძველეს დროთა
მარად თანერთვის და ადასტურებს.
ვცრ წაყაროს თქვენ ხსოვნას მტვერი
ქვეყნად მზეა და ცაა ვიდრემდის, —
რადგან სიმაართლე და ჭორიც ბევრი
დაგაქვთ თქვენ ქვეყნის კიდიოკიდემდის,
დახვალთ ცალ-ცალკე და ხან წყვილები,
დრო მიდიმოლის, თქვენ არ ხუნდებით,
თუ არ დაგიხვდათ შინ მასპინძლები
კვლავ გამოგზავნებს დაუბრუნდებით...
დაასწრებთ ხშირად განთიადს მტრედის,
(ტკბილი ხარო, როგორც დილის საარი!)
ოკეანეთა, ზღვათა ზმელეთის
მოგზაურები გზააუძღვარი, —
იქნებით! ქვეყნად მზეა ვიდრემდის
(ხედავთ? სიცოცხლის გრჩებათ რა ხანი!)
ჩვენს ქვეყანაში მხოლოთ სიკეთის
და გამარჯვების დაგაქვთ ამბავი.
რომ არ დაესვას ჩემს თავს წერტილი
მიყვარს მე თქვენი ხშირი სტუმრობა, —
რომ მომიტანოთ ნაზი წერილები,
წაილოთ ჩემი უსახურობა...

შენი შემოსვლა და შემოხედვა

იცი, რა კარგი იყავი! დედას
ვფიცავარ, ახლაც მახსოვს ის წამი,
შენი შემოსვლა და შემოხედვა,
ლიმილი ნაზი და გამწირავი...
შემოხველ, მოგყვა ლაზათი, ეწი,
შენ, უსათუთეს ფიქრების სწორო,
ია და ვარდი გეჭირა ხელში,
აღბათ, ნაძღვენი და სამახსოვრო!
შემოხველ,
ჩრდილში ჩადგნენ ქალები,
შენი სიკარგე ვცრ თქვას ენამა, —
ამაწრიალა შენის თვალების
მზერამ და ჩემის გულის ძეგრამა...
და ფიქრი დამჩჩა ლამის გამოყვი,
ლამით ლამეს და დლით დღეს მიემა:
ასე ხანმოკლე, ნათუბათევი
ჩვენი შეხვედრა და დაცილება!

მხედებიან შენი ტოლები თბილის
ლიმილით, შენის მსგავსის თვლებით, —
ლამაზი ბევრი ჰყავს ქალაქ ტფილისს,
ვერ არის შენი თანაცალები!

მცირე სიკარბეც...

ამ გაზაფხულზე
ეგების გნახო,
კვლავ გისახსოვრებ
ვარდსა და მძივებს;
ვიქნები შორს, თუ ვიქნები ახლოს,
მე შენზე ფიქრი
არ დამაძინებს!
ლექსად გამოვთქვი,
ჩვენი ამბავი,
ლექსი კი არა... ისევ მიშველის
უფეროფერის შენი ნაწნავი
ჩემთვის ქვრა და ჩემთვის გიშერიც...
ჯერაც ვერ შეგხვდი,
მარტოდ იარე,
მხნედა ვარ, ვიცი, არის ძალაში:
არცერთი კარგი, მცირე სიკარგეც
არ იკარგება ჩვენს ქვეყანაში.

შარი მითხრან, მაინც არ მჯერა.

მცირე ხნით მოველ, სიამე ვიგრძენ
და მოვიარე ლხენით მთა-ბარი,
თითქოს მე ვიყო ჩახრუხანისძე
და შენ ნექტარი გქონდეს თამარის!
მცირე ხნით მოველ, მცნეს, არ მაწამეს.
შენის ხელებით დამყნილ ლერწებმა,
ახლოს ვუცქერი მე შენს ნაწნავებს,
შევეხები და ხელი მეწვება...
და სად არ ვიყავ, მაინც მოველი,
კვლავ შენს აღანძულ სახეს ვუცქერი, —
თრთიან შენს მკერდზე ეს ლიმონები
ჯერ ხელუხლები და გაუფცქვნელი!
მოჭირნახულდეს, დადგეს მაჭრობა,
გზას ნუ აგაცდენს ვინმე, მაცდური!
მე — დაგიმტკიცო ჩემი ვაჟობა,
შენ — სიყვარულის მომეც დასტური...
ახლა სოფელში არის მაჭრობა
და შემოდგომის წყნარო დარები, —
დედებს ახარებთ ბავშვთა გართობა
და ქალიშვილებს ფარჩის კაბები!

ზეიმობს ყველა და ყველა ლხინობს
და თხოვდებიან ვისიც დრო არი, —
გათხოვდა თქვენი თამარი, წინო,
შენ ერთი რჩები გასათხოვარი!
ვხედავ შენს თვალებს, როგორ ინთება:
უარი მითხრან, მაინც არ მჯერა!
დამკაწრონ შენმა ნორჩმა თითებმა,
შენვე მიწამლებ გადასარჩენად...

...ლობის სარზე დანახვი

მწიფობისთვე —
ჩამოყვითლდა
ფოთლები და ბალახები,
შენ გაცვია ჩითის კაბა
ლობის სარზე დანახვი!
მწიფობისთვე —
რა კარგი და ნოყიერი
დღეებია ქარვისფერი,
იბერტყება კაკლის ხენი,
ჩაიდულებს მაჭარს ქვევრი...
შენ ერთი ხარ
და ოჯახში
მხოლოდ შენი ზრუნავს ხელი,
ხორბლით საესე გაქვს ბეღელი
და ყურძენით საწნახელი!
— მარტოხელა?
განა არის
ჩვენს სოფელში ვინმე ახლა!
ჩამობრძანდი, დაგახვედრებ
ეზოსა და სახლსაც ახალს, —
ჭირნახულს რომ დავალაგებ,
დავაყენებ წითელ მაჭარს,
ჩითის კაბას გადავადებ
და ჩავეცვამ ფარჩის კაბას...
მწერ, რომ ამდენს არ დაიცდი,
არ ჩამორჩე გინდა ქალებს,
გათხოვდები წელს უთუოდ
და ბავშვებსაც დამრავლებ, —
დაგაფიცებ მე ბავშვობას,
რიკტაფელას დაგაფიცებ:
წინდები, რომ მომიქსოვე,
ღარავის აღარ მისცე...

ნითალი ყვავილი

ივანე სერგეის-ძე ტურგენევის ხსოვნას

I

— მათი იმპერატორებითი უდიდებულესობის, ხელმწიფე იმპერატორის პეტრე პირველის სახელით, ვაცხადებ ამ საგიყეთის რევიზიას!

ეს სიტყვები ნათქვამი იყო, მაღალი, უკმეხი, მჟღერი ხმით. საავადმყოფოს მწერალმა, რომელიც მელნიტმოსვრილ მაგიდაზე გადაფლეთილ დიდ წიგნში ავადმყოფის სახელსა და გვარს აღნიშნავდა, ღიმილი ვერ შეიკავა; მაგრამ ავადმყოფისმომყვანი ორი ახალგაზრდა არ იცნოდა. ისინი ძლივს იდგენ ფეხზე; შეშლილთან ვაატარეს ორი უძილო ღამე, სრულიად მარტო; ახლახან მოიყვანეს რკინიგზით. უკანასკნელი ჯადგურის წინ სიგიჟემ საშინლად მოუარა; საღლაც გიჟის პერანგი იშოვნეს და ავადმყოფს კონდუქტორისა და ჟანდარმის დახმარებით ჩააცვეს. ასე ჩამოიყვანეს ქალაქში, ასე მოიყვანეს საავადმყოფოში.

ის საშინელი იყო! სიგიჟის მოვლის დროს ნაფლეთებადქცეულ ნაცრისფერ ტანსაცმელის ზევით, ფართოდამოჭრილი უხეში ტილოს ქურთუკი ტანზე ვიწროდ ჰქონდა შემოჭედილი; ზურგთან შეკრული გრძელი სახელოები ჯვარედინად დაწყობილ ხელებს მჭიდროდ იზიდავდა გულისაკენ; ანთებიანი, ფართოდგადაღებული ცეცხლიანი თვალები (ათი ღამე არ სძინებია) ელავდენ უძრავი, აღზნებული ელვარებით; ჭვედა ტუჩის ძირს აკანკალებდა ნერვიული კრუნჩხვა; შუბლზე ფაფარსავით ეყარა აბურღული ხუჭუჭი თმა. სწრაფი, მძიმე ნაბიჯით დადიოდა კანტორის კუთხიდან კუთხეში, ცნობისმოყვარეობით ათვალეირებდა ქალაღებთან ძველ კარადებს, მუშამბიან სკამებს და ზანდახან გადახედავდა თანამგზავრებს.

— წაიყვანეთ განყოფილებაში. მარჯვნივ.

— ვიცი, ვიცი. მე უკვე ვიყავი აქ შარშან თქვენთან ერთად. ჩვენ ვათვალეირებდით საავადმყოფოს. მე ყველაფერი ვიცი და ჩემი მოტყუილება ძნელი იქნება, — სთქვა ავადმყოფმა.

ის მიტრიალდა კარებისაკენ. დარაჯმა კარი გაუღო. გიჟმა ამაყად ასწია თავი და სწრაფი, მძიმე და მტკიცე ნაბიჯით გავიდა კანტორიდან; შემდეგ თითქმის სირბილით გასწია მარჯვნივ სულით ავადმყოფთა განყოფილებისაკენ. მხლებლები უკან მისდევდენ.

— დარეკე, მე არ შემძლია, თქვენ ხელები შეგიკრავთ ჩემთვის. მეკარემ გაალო კარი. და მგზავრები საავადმყოფოში შევიდნენ.

ეს იყო სახელმწიფო, ქვის, ძველი, დიდი შენობა: ქვედა საართულოს შეადგენდა ორი დარბაზი (ერთი — სასადილო, მეორე — საერთო ბინა მშვიდი ავადმყოფთათვის); ფართო დერეფანი; შუშის კარები გადიოდა ყვავილებიან ბაღში; ორიოდე ათეულზე ცალკე ოთახი, რომელშიც ავადმყოფები სცხოვრობენ. ამავე საართულში იყო ორი ბნელი ოთახი, ერთი ლეიბებით და მეორე ფიცრებით მოკრული. აქ სვამდენ ბრაზიან შეშლილებს; ერთი უზარმაზარი გუმბათიანი ბნელი დარბაზი წარმოადგენდა აბაზანების ოთახს. ზევითა საართული ქალებს ჰქონდათ დათმობილი. იქიდან ოსმოდა შეუწყობელი ხმაური, რომელსაც ზოგჯერ სცვლიდა კენესა და ქვითანი. საავადმყოფო ოთახშიც კაცისათვის იყო ნავარაუდები, მაგრამ სამსამდე გიჟი იყო მოთავსებული, რადგან იგი რამდენიმე გუბერნიას უწყევდა მომსახურებას. პატარა სენაკში ოთხ-ოთხი და ხუთ-ხუთი ლოგინი იდგა. ზამთარში, როდესაც ავადმყოფებს ბაღში არ უშვებდენ და რკინისბადიანი ყველა ფანჯარა მჭიდროდ იყო დახურული, საავადმყოფოში აუტანელი, დახუთული ჰაერი ღვებოდა.

ავადმყოფი შეიყვანეს აბაზანებიან ოთახში, ეს იყო თაღებიანი დიდი ოთახი. ქვის იატაკს ფეხი ეწებებოდა და სრიალებდა; ოთახს ანათებდა ერთ-ერთ კუთხეში ჩაყენებული ფანჯარა. კედლები და თაღები შეღებილი იყო მუქქითელი ზეთის საღებავით; ქუჭყისაგან გაშვებულ იატაკში, იატაკის დონეზევე ჩადგმული იყო ქვის აბაზანები, რომელნიც წყლით სავსე ნაგვის ორმოკებს ჰგავდნენ. სპილენძის უშველებელ ღუმელს, წყლის სათბობ ცილინდრიულ ქვებს და სპილენძის მილებსა და ონკანებს ეჭირათ ფანჯრის პირდაპირი კუთხე. გონება-აწლილ ადამიანისთვის ყველაფერი არაჩვეულებრივად მოღუშული და ფანტასტიური იყო; აბაზანებში მომუშავე დარაჯიცი მსუქანი, მუდამ ჩუმი უკრაინელი თავისი მოღუშული სახით კიდევ უფრო ამრავლებდა ამ შთაბეჭდილებას.

და როდესაც ავადმყოფი შეიყვანეს ამ ოთახში საბანაოდ და საავადმყოფოს მთავარი ექიმის მკურნალობის სისტემის თანახმად კეფაზე მალამოს წასასმელად, ის შეიპყრო შიშმა და ბრაზმა. ერთი-მეორეზე უფრო უცნაურმა აზრებმა გაუელვეს თავში. რა არის ეს? — ინკვიზიცია? საიდუმლო წამების ადგილი, სადაც მტრებმა გადასწყვიტეს მისი მოსაზობა? შეიძლება თვით ჯოჯოხეთია? ბოლოს გაიფიქრა, რაღაც გამოცდა არისო. თავამეტებულ წინააღმდეგობის მიუხედავად მაინც ტანთ გახადეს. ავადმყოფობისაგან გაორკეცებულის ძალით ადვილად უსხლტებოდა ხელიდან დარაჯებს, და დარაჯები იატაკზე ეცემოდნენ. ბოლოს ოთხმა წააქცია; ხელებსა და ფეხებში სტაცეს ხელი და ჩაუშვეს თბილ აბაზანაში. აბაზანა მღუღარედ მოეჩვენა, და უგუნურ თავში გაიელვა შეუკავშირებელმა, ნაწყვეტნაწყვეტმა აზრმა მღუღარე წყლით და გზავრებულ შანთით გამოცდაზე. ავადმყოფი იგუდებოდა, იკრუნხებოდა და, თუმცა დარაჯებს მაგრად ეჭირათ, მაინც აფართხალებდა ხელებსა და ფეხებს; სულ შეხუთული ყვიროდა უაზრო სიტყვებს, რომელთა შესახებ შეუძლებელია იქონიოს ადამიანმა წარმოდგენა, თუ თვითონ არ გაიგონა. ვედრება და კრულვა ერთმანეთში იყო არეული. ასე ყვიროდა, სანამ ძალღონე შესწევდა და ბოლოს ჩუმად, ცხარე ცრემლებით წარმოსთქვა, რაც სრულიად არ შესაბამებოდა წინათ ნათქვამს:

— წმინდაო მთავარ-მოწამეო გიორგი! შენ გაბარებ ჩემს სხეულს. და სულს კი არა, ოჰ, არას.

დამშვიდებული იყო, — თბილს აბაზანას და თავზე დადებულ ყინულიან ბუშტს გავლენა მოეხდინათ, მაგრამ დარაჯებს მაინც მაგრად ექირათ იგი. როდესაც, თითქოს სავსებით უგრძობელი, აბაზანიდან ამოიღეს და სკამზე დავეს მარიამ-ბულის მალამოს წასასმელად, დარჩენილი ძალა და უგუნური აზრები ისევ აუფორიაქდნენ.

— რისთვის? რისთვის? — ყვიროდა ავადმყოფი — მე ხომ არავისთვის არ მსურდა ცუდი. რისთვის მკლავთ? ო...! ო, ღმერთო! ო, თქვენ ჩემზე აღრე წამებულნო! თქვენ გვედრებით... მიხსენით...

ზურგზე მალამოს მწვავე შეხებისთანავე მან დაიწყო თავდაუზოგავი ზრძოლა. მოსამსახურეებმა ვერაფერი მოუხერხეს და არ იცოდნენ, რა ექნათ.

— ასე არაფერი გამოვა — სთქვა მალამოსწამსმელმა ჯარისკაცმა: — ისევ სჯობია გავათავოთ.

ამ უბრალო სიტყვებმა ავადმყოფს ელდა დასცეს: „გავათავოთ!.. რას ათავებენ! ვინ უნდათ გაათავონ? მე?“ — გაიფიქრა და სიკვდილის შიშით შეპყრობილმა თვალები დახუჭა. ჯარისკაცმა აიღო უხეში პირსახოცი, ბოლოები ღონიერად და სწრაფად ჩამოუსვა ავადმყოფს ზურგზე და მალამოსთან ერთად ჩამოაცალა კანის ზედაფენა; ზურგზე გამოჩნდა გატიტვლებული წითელი ხორცის ზოლი. ასეთი ოპერაციისგან მიყენებული ტკივილი ნორმალურ და ჯანსაღ ადამიანისათვისაც აუტანელია, ავადმყოფს კი ყველაფრის დასასრულად მოეჩვენა; მთელი სხეულით გაიბრძოლა, ხელიდან გაუსხლტა დარაჯებს და მისი ტიტველი სხეული ქვის ფიქლებზე გადაფორდა. ავადმყოფი ფიქრობდა, რომ თავი მოჰკვეთეს, უნდოდა დაეყვირა და არ შეეძლო. გონებაწასული აიყვანეს და ლოგინზე დააწვინეს, სადაც დიდ ხანს უძრავად და ღრმად ეძინა.

II

ღამე გონზე მოვიდა. გარშემო სიწყნარე იყო. მეზობელ დიდ ოთახიდან მოისმოდა მძინარე ავადმყოფების სულისთქმა. საღდაც შორს, ღამით ბნელ ოთახში დამწყვდეული ავადმყოფი გულისგამწყალებელი საკვირველი ხმით თავისთავს ელაპარაკებოდა; ზვიდან, ქალების განყოფილებიდან, ხრინწიანი კონტრალტო მღეროდა რაღაც ველურ სიმღერას. ავადმყოფი ამ ხმებს უგდებდა ყურს და საშინელ სისუსტეს და მთელი ტანის მოდუნებას გრძნობდა; კისერი ძლიერ სტკიოდა.

„სად ვარ? რა მემართება?“ — გაუელვა თავში და უეცრად არაჩვეულებრივი სიძხადით წარმოუდგა თავისი ცხოვრების უკანასკნელი თვე, მიხვდა, რომ ავად იყო და რით იყო ავად. თავისი უგუნური აზრები, სიტყვები და მოქმედება ახსენდებოდა და ეს მოგონებანი ჟრუანტელს ჰგვირდა.

— მაგრამ ეს გათავებულია, მადლობა ღმერთს, ყველაფერი გათავებულია! — წაიჩურჩულა მან და ისევ დაიძინა.

რკინისბადიანი ვალებული ფანჯარა გადიოდა დიდ შენობებსა და ქვის ღობის შუა მყოფ პატარა ჩიხში; ამ ჩიხში არავინ შედიოდა, და მთლად დაფარული იყო უცნაურ ველურ ბუჩქნარით და წლის იმ დროს საუცხოვოდ გაშლილ იასამანით; ფანჯრის პირდაპირ, ბუჩქნარის უკან, შავად აღმართულიყო მაღალი ღობე; დიდი ბალიდან, მთვარის შუქში გახვეული მაღალი ხეების

მდუმარე წვერები მოაჯირზე გადმოდგარიყვნენ. მარჯვნივ მოსჩანდა თეთრი საავადმყოფო და მისი, შიგნიდან განათებული რკინისბადებიანი ფანჯრები. მარცხნივ მთვარის შუქისაგან თეთრად მოკაშკაშე მზერებელი კედელი „სამკვდროსი“. მთვარის შუქი ოთახში ფანჯრიდან შემოდიოდა, ეცემოდა იატაკზე და ანათებდა ლოგინის ნაწილს და თვალდახუჭულ ავადმყოფის ფერმკრთალ განაწამებ სახეს; შეშლილობის ესლა მას აღარაფერი ჰქონდა. ეს იყო გატანჯული ადამიანის ღრმა, მძიმე ძილი, უსიზმროდ, საცხებით უმოძრაოდ და თითქმის უსუნთქველადაც კი. რამდენიმე წუთით გაედვიძა — თითქოს სრულიად ჯანმრთელი იყო და ნორმალური მახსოვრობა ჰქონდა; დილით კი ადგა ძველებურად შეშლილი.

III

— როგორ გრძნობთ თავს? — ჰკითხა მას მეორე დღეს ექიმმა.

ახლადგამოღვიძებული ავადმყოფი ჯერ კიდევ საბანს ქვეშ იწვა.

— მშვენივრად! — უპასუხა მან; ფაცა-ფუცით ჩაიკცა ფაჩუჩები და ხალათი: — მშვენივრად! მხოლოდ ერთი რამ: აი! — და ექიმს თავის ზურგზე უჩვენა.

— კისერი ვერ მომიბრუნებია უმტკივნეულოდ. მაგრამ არაფერია. ყველაფერი კარგია, თუ კი გესმის, მე კი მესმის!

— თქვენ იცით — სადა ხართ?

— რასაკვირველია, ექიმო! მე საგიჟეთში ვარ. მაგრამ თუ გესმის, საცხებით სულერთია. საცხებით სულერთია.

ექიმი გულდასმით ჩასჩერებოდა თვალებში. მისი ნაპატიები ლამაზი სახე, საუცხოვოდ დავარცხენილი ოქროსფერი წვერი და ოქროს სათვალეებიდან მშვიდადმაცქერალი ცისფერი თვალები უძრავი და განუქვრეტს, იყო. ის აკვირდებოდა.

— რას მიყურებთ ასე დაჟინებით? თქვენ ვერ ამოკითხავთ იმას, რაც გულში მაქვს ჩახვეული, — განაგრძობდა ავადმყოფი: — მე კი ნათლად ვკითხულობ თქვენს გულში! რად მოქმედობთ ბოროტად? რისთვის შეჰკრიბეთ ამ საცოდავთა ხროვა და არ უშვებთ აქედან? ჩემთვის სულერთია: მე ყველაფერი მესმის და დაწყნარებული ვარ; მაგრამ ისინი? რა საჭიროა ეს წამება? ვინც მიაღწია დიდებულ, საერთო აზრს — მისთვის სულერთია სად იცხოვრებს, რას იგრძნობს... თვით სიცოცხლეც და სიკვდილიც... ხომ ასეა?

— შესაძლებელია, — უპასუხა ექიმმა და ისე დაჯდა ოთახის კუთხეში, რომ უკეთესად დაენახა ავადმყოფი, რომელიც სწრაფად დადიოდა კუთხიდან-კუთხეში, ცხენის ტყავის ფლოსტების ტყაპუნით და ფართო წითელზოლებიან და დიდი ყვავილებით მოხატულ ბამბის ხალათის კალთების ფრიალით.

ექიმის მხლებლები ფერშალრ და ზედამხედველი გაქიმული იდგნენ კარებთან.

— მეცა მაქვს ასეთი აზრი! — წარმოიძახა ავადმყოფმა. — და როდესაც ის ვიპოვნე, ვიგრძენი, რომ გარდვიქმენი, გრძნობები გამიმახვილდა, ტვინი მუშაობს ისე, როგორც არასოდეს არ უმუშავნია. ის, რასაც წინათ ვაღწევდი დიდი მსჯელობისა და მიხვედრის საშუალებებით, ახლა ქვეშეგნებით ხდება ჩემთვის ნათელი. მე სინამდვილეში მივალწიე იმას, რაც ფილოსოფიამ შეიმუშავა. მე თვით განვიცდი იმ დიდ იდეას, რომ სივრცე და დრო მხოლოდ ფიქციებია. მე ყველა საუკუნეში ვცხოვრობ. მე ვცხოვრობ სივრცისგარეშე ყველგან

და არსად, როგორც გნებავთ. ამიტომ სულერთია ჩემთვის აქ დამიჭერთ თუ თავისუფლად გამიშვებთ, შემბოჰავთ თუ არა. მე შევამჩნიე, რომ აქ კიდევაც რამდენიმე ჩემისთანაა. მაგრამ დანარჩენებისთვის ასეთი მდგომარეობა საშინელია. რატომ არ გაათავისუფლებთ მათ? ვისთვისაა საჭირო....?

— თქვენ სთქვით, — შეაწყვეტინა ექიმმა, — რომ თქვენ დროისა და სივრცის გარეშე სცხოვრობთ. მაგრამ არ შეიძლება არ დამეთანხმოთ, რომ ჩვენ ამ ოთახში ვიმყოფებით, და რომ ახლა, — ექიმმა ამოიღო საათი, — 18 ** წლის რ მაისია, თერთმეტის ნახევარი. რას ჰფიქრობთ თქვენ ამის შესახებ?

— არაფერს. ჩემთვის სულერთია სად ვიქნები და როდის ვიცხოვრებ. თუ ჩემთვის სულერთია ეს ხომ ნიშნავს რომ „მე“ ყველგან და ყოველთვის ვარ? ექიმს ჩაეცინა.

— იშვიათი ლოგოკაა, — სთქვა მან და წამოდგა. — თუმცა შესაძლებელია თქვენ მართალიც იყოთ. ნახვამდის... სიგარას ხო არ მიირთმევთ?

— გმადლობთ! — ავადმყოფი შეჩერდა, სიგარა აიღო და ნერვიულად ბოლო მოჰკვნიტა, — ეს აადვილებს ფიქრს, — სთქვა მან. — ეს მიკროკოსმია, სამყაროა. ერთ ბოლოზე ტუტეებია, მეორეზე კი სიმყავეები... ასეთივეა მსოფლიოს წონასწორობაც, რომელშიც ერთმანეთს აბათილებენ მოწინააღმდეგე საწყისები... მშვიდობით, ექიმო!

ექიმმა განაგრძო ავადმყოფთა ჩამოვლა. ავადმყოფების უმრავლესობა მას ჟლოდებოდა საკუთარ საწოლთან გაჭიმული. არცერთ უფროსს არა აქვს დამსახურებული თავის ხელქვეითებში ისეთი ჰატივისცემა, როგორც ექიმ-ფსიქიატრს თავის პაციენტ — შეშლილებში.

მარტოდარჩენილი ავადმყოფი ნერვიულად დადიოდა საკნის ერთი კუთხიდან მეორეში. დიდი ჭიქა ზაი მიუტანეს. არ დამჯდარა, ისე დასცალა და სწრაფად შესჭამა თეთრი პურის მოზრდილი ნაჭერი. შემდეგ გამოვიდა ოთახიდან და რამდენიმე საათი შეუჩერებლივ დადიოდა თავისი სწრაფი და მძიმე ნაბიჯით შენობის ერთი კუთხიდან მეორისკენ. წვიმიანი ამინდი იყო; ავადმყოფებს ბაღში არ უშვებდენ; როდესაც ფერშალმა ახალ ავადმყოფს ძებნა დაუწყო, მას დერეფნის ბოლოზე მიუთითეს; ის მართლაც იქ იდგა, ბაღში გამავალ შუშებიან კართან. შუშაზე სახე მიეყრდნო და მიშტერებოდა ყვავილნარს. მისი ყურადღება მიეპყრო ყაყაჩოს ერთ-ერთი სახეობის განსაკუთრებულად მოკაშკაშე ალისფერ ყვავილს.

— წამობრძანდით ასაწონად, — და ფერშალმა მხარზე ხელი შეახო.

და როდესაც ავადმყოფი მისკენ შემობრუნდა, ფერშალმა კინალამ უკან დაიხია, იმდენი გააფთრებული სიძულვილი და ბრაზი ელავდა შეშლილის თვალებში; მაგრამ ფერშლის დანახვსთანავე ავადმყოფმა შეიცვალა სახის გამომეტყველება და მორჩილებით, ხმის ამოუღებლად გაჰყვა უკან, თითქოს ღრმა ფიქრში ყოფილიყოს გართული. ისინი ექიმის კაბინეტში შევიდნენ, ავადმყოფი თვითონ დადგა ათწილადიან პატარა სასწორზე; ფერშალმა ასწონა და წიგნში მისი გვარის გვერდით აღნიშნა: 109 გირვანქა; მეორე დღეს ავადმყოფი იწონიდა 107, მესამეს — 106.

— თუ ასე გაგრძელდა, ველარ იცოცხლებს, — სთქვა ექიმმა და ბრძანა, რაც შეიძლება კარგად ეკვებათ.

მაგრამ მიუხედავად ამისა და ავადმყოფის არაჩვეულებრივი მადისა; ის დღითი-დღე სულ უფროდაუფრო ხდებოდა, და ფერშალსაც ყოველ დღე წიგ-

ნში გირვანქების სულ უფროდაუფრო მცირე რიცხვი შექმნდა. ავადმყოფს თითქმის სრულიად არ ეძინა და მთელ დღეებს განუწყვეტელ მოძრაობაში ატარებდა.

IV

ავადმყოფმა იცოდა, რომ საგიჟეში იყო; ისიც იცოდა, რომ ავად იყო. ზანდაზან მთელი დღის გაშმაგებული მოძრაობის შემდეგ პირველ ღამის მსგავსად შეგნება საღი ჰქონდა, სიჩუმეში ეღვიძებოდა, მთელ სხეულში გრძობდა ტეხას და თავში სიმძიმეს. შესაძლებელია, ღამის სიჩუმე, სიბნელე, შთაბეჭდილებათა უქონლობა, ან შესაძლებელია ახლად გავლილებული ადამიანის ტვინის შენელებული მუშაობა იყო მიზეზი, რომ ასეთ წუთებში ავადმყოფი ნათლად გრძობდა თავის მდგომარეობას და თითქოს კარგად იყო. მაგრამ, როგორც კი დადგებოდა დღე, სინათლესთან და საავადმყოფოში გავლილებულ სიცოცხლესთან ერთად მას იპყრობდა ახალ შთაბეჭდილებათა ტალღა; ავადმყოფის გონება ვერ ასერხებდა მათთვის ხელმძღვანელობა გაეწია და ის ისევ შეშლილი იყო. მისი მდგომარეობა სწორი აზროვნებისა და სისულელის საკვირველ შენაერთად იქცეოდა. ის გრძობდა, რომ გარშემო მყოფნი ყველანი ავადმყოფები არიან, მაგრამ ამავე დროს ყოველ მათგანში ხედავდა რაღაცნაირ საიდუმლოდ გადამალულს ან დაფარულ სახეს, რომელსაც წინათ იცნობდა, ან რომლის შესახებ წაეკითხა ან გაეგონა. საავადმყოფო ყველა დროს და ყველა ქვეყნის ჯალბით იყო დასახლებული. აქ იყვნენ ცოცხლებიცა და მკვდრებიც. აქ იყვნენ მსოფლიოს სახელგანთქმულნი და ძლიერი და უკანასკნელ ომში მოკლული და მკვდრებით აღმდგარნი ჯარისკაცები. ის ხედავდა თავისთვის რაღაც თილისმით შეკრულ ჯადოსნურ წრეში, რომელშიც მომწყვედეული იყო მსოფლიოს მთელი ძალები და მედიდური სიშმაგით თავისთვის ამ წრის ცენტრად სთვლიდა. საავადმყოფოში შეკრებილან ეს ამხანაგები, რომ შეასრულონ რაღაც ბუნდოვანად წარმოდგენილი გიგანტური საქმე მიმართული დედამიწაზე ბოროტების მოსაპოვებლად. მან არ იცოდა, თუ რა გვარი იქნებოდა ეს საქმე, მაგრამ გრძობდა, რომ ძალა შესწევდა მის ასასრულებლად. მას შეეძლო სხვების აზრები ამოეკითხა; საგნებში ხედავდა მათ მთელ ისტორიას; საავადმყოფოს ბაღის დიდი თელები უამბობდენ მათ მიერ განცდილ მთელ ლეგენდებს. მართლაც საკმაოდ დიდი ხნის შენობას ის პეტრე დიდის მიერ აშენებულად სთვლიდა და დარწმუნებული იყო, რომ მეფე პოლტავის ბრძოლის დროს აქ სცხოვრობდა. ეს მან ამოეკითხა კედლებზე ტკეჩის ჩამონგრეულ, ბაღში ნაპოვნი აგურის ნატეხებზე და შორენკეცებზე; მათზე სახლისა და ბაღის მთელი ისტორია იყო დაწერილი. პატარა სამკვდრო მან დაასახლა დიდი ხნის წინათ მიცვალბულთა ასეულებით და დიდის ყურადღებით უცქეროდა სამკვდროს სარდაფიდან ბაღის კუთხეში გამოშავალ ქუტყიან, ფერად ფანჯარას; სინათლის უსწორო ანარეკლში ხედავდა ნაცნობ სახეებს, რომელნიც მას ოდესღაც მართლაც ენახა ცხოვრებაში ან სურათებზე.

დადგა ნათელი, კარგი ამინდები; ავადმყოფები მთელდღეს სუფთა ჰაერზე, ბაღში ატარებდნენ. მათი ბაღის პატარა ნაწილი დაბურული იყო ხეებით; სადაც კი მოხერხდებოდა, ჩაერგოთ ყვავილები; ვისაც კი ოდნავ მაინც შეეძლო, ზედამხედველი აიძულებდა ემუშავნა ბაღში; მთელი დღე ისინი ჰგვიდნენ და ქვიშას აყრიდნენ გზებს, რწყავდნენ მათივე ხელით დარგულ ყვავილების ბუჩქ-

ქებს, კიტრს, საზამთროს და ნესეს. ბალის ერთ კუთხეს მორეოდა ხშირი ალუბალი: მის გასწვრივ მიჰყვებოდა თელების ხეივანი: შუაში, პატარა ხელოვნურ გორაკზე, მოწყობილი იყო მთელ ბაღში ულამაზესი ყვავილნარი; ზედა მოედნის კიდეებზე ჩარგული იყო ფერადი ყვავილები; შუა ადგილს კი ამშვენებდა დიდი, მსხვილი და წითელ წინწკლებიანი, ყვითელი იშვიათი დალია. ის ოდნავ მაღლა იყო და მთელი ბაღის შუაგულსაც წარმოადგენდა; ემჩნეოდა რომ ბევრი ავადმყოფი მას რაღაც საიდუმლო მნიშვნელობას აძლევდა. ახალ ავადმყოფსაც, ის არაჩვეულებრივად, მთელი ბაღის და შენობის მფარველ ძალად ეჩვენებოდა. ბილიკების ორივე მხარეზედაც ავადმყოფებს მცენარეები ჩაერგოთ. იყო ყოველგვარი ყვავილი, რაც კი უკრაინის ბაღებში გვხვდება: მაღალი ვარდები, ნათელი პუტუნები თამბაქოს მაღალი ბუჩქები, ვარდისფერი მომცრო ყვავილებით, პიტნა, ხავერდი, ბალახვარდა და ყაყაჩოები. აქვე პარმალის მახლობლად, ყვავდა რაღაც განსაკუთრებული ჯიშის ყაყაჩოს სამი ბუჩქი; ის ჩვეულებრივზე ბევრად უფრო პატარა იყო და არაჩვეულებრივ ნათელი ალისფერით განირჩეოდა. სწორედ ამ ყვავილმა განაცვიფრა ავადმყოფი, როდესაც საავადმყოფოში მოსვლის შემდეგ პირველ დღეს იყურებოდა ბაღში შუშინი კარებიდან.

როდესაც ავადმყოფი პირველად გამოვიდა ბაღში, პარმალის კიბეზე შეჩერდა და უპირველესად ყოვლისა ამ ალისფერს ყვავილებს შეაჩერდა; ყვავილი მხოლოდ ორი იყო; შემთხვევით ისინი სხვებისგან მოშორებით გაუმარგლავ ადგილას ჰყავდნენ და სქელი ყვერი და შამბნარი ჰქონდათ გარშემორტყმული.

ავადმყოფები ერთი-მეორის შემდეგ გამოდიოდნენ კარებიდან; იქვე მდგომი დარაჯი მათ აძლევდა ბამბისაგან მოქსოვილ სქელ, თეთრ ჩაჩს, რომელსაც საშუბლებზე წითელი ჯვარი ჰქონდა გამოყვანილი. ეს ჩაჩები ომში იყო ნახმარი და ნაყიდი იყო საჯარო ვაჭრობაზე. ავადმყოფი, რა თქმა უნდა, ამ წითელ ჯვარს საიდუმლო მნიშვნელობას აძლევდა. მან მოიხადა ჩაჩი, დახედა ჯვარს, შემდეგ ყაყაჩოს ყვავილებს. ყვავილები უფრო კაშკაშა იყო.

— ის იმარჯვებს, — სთქვა ავადმყოფმა, — მაგრამ ვნახოთ.

და ჩამოვიდა პარმალიდან. მიმოიხედა; ვერ შეამჩნია მის უკან მდგომი დარაჯი; გადააბიჯა კვალს, და ხელი გაიშვირა ყვავილისაკენ, მაგრამ მოწყვეტა ვერ გაბედა. მან ჯერ გაწვილ ხელში იგრძნო სიცხე, ჩხვლეტა; შემდეგ კი მთელ ტანშიც დაუარა ძლიერმა ელექტრონის ნაკადმა, რომელიც თითქოს მისთვის უცნობი ძალით გამოდიოდა ყვავილის ფოთლებიდან. ის მიიწია უფრო ახლოს, მისწვდა ყვავილს, მაგრამ როგორც მას ეჩვენებოდა ყვავილი თავს იცავდა—ყვავილი იგი ანთხევდა შხამიან, მომაკვდინებელ სუნს. მას თავბრუ დაეხვა. თავგამეტებით მოიკრიბა უკანასკნელი ძალღონე და ის იყო ხელი მოჰკიდა ღეროს, რომ უეცრად მის მხარზე დარაჯის მძიმე ხელი დაეშვა.

— მოწყვეტა არ შეიძლება, — სთქვა მოხუცმა დარაჯმა, — და ყვავილებშიც ნუ დადიხარ. აქ ბევრია შენისთანა გიჟი: თუ ყველამ თითო ყვავილი მოგლიჯა, მთელ ბაღს გაანადგურებთ, — მხარიდან ხელჩამოუღებლად, დამაჯერებლად სთქვა მან.

ავადმყოფმა დარაჯს სახეში ჩახედა, უხმოდ მოიშორა მისი ხელი და აღელვებული გაჰყვა ბილიკს. — „ო, უბედურებაო! — ფიქრობდა ის. — თქვენ ვერ ჰხედავთ, თქვენ იმ ზომამდე დაბრმავებული ხართ, რომ მასვე იცავთ. მა-

გრამ, რაც უნდა დამემართოს, მაინც მოვსპობ. დღეს თუ, არა, ხვალ ერთმანეთს შევებრძოლებით...თუნდაც დავიღუპო, განა სულერთი არ არის...”

ავადმყოფი სალამომდე სეირნობდა ბაღში, იძენდა ახალ ნაცნობებს. და იწყებდა საკვირველ ლაპარაკს, რომელშიც ყოველ მოსაუბრეს ესმოდა მხოლოდ პასუხი თავის სულელურ, უსუსურ, საიდუმლოებითმოცულ სიტყვებში გამოთქმულ აზრებზე. ავადმყოფი ხან ერთ ღა ხან მეორე ამხანაგთან დადიოდა და დღის ბოლოს კიდევ უფრო დარწმუნდა, რომ „ყველაფერი მზადაა“, როგორც თავის გულში სთქვა. მალე ძალიან მალე დაიშხვრევა რკინის გალავანი, ყველა დამწყვდეული გავა აქედან და მოედება დედამიწის ყველა კუთხეს. მთელი ქვეყანა შეირყევა, გადიგდება ძველ ნაჭუქს და გამობრწყინდება ახალ საუცხოვო სილამაზით. მას თითქმის დაავიწყდა ყვავილი, მაგრამ ბალიდან გამოსვლის დროს, პარმაზე ასვლისას სქელ დახნელებულ ცვარით ოდნავ შეფრქვეულ ბალახებში ისევ დაინახა ორი წითელი ნაკვერჩხალი. მაშინ ავადმყოფი ჩამორჩა სხვებს, უკან ამოუდგა დარაჯს და შეიკრია შესაფერი დრო. ვერავინ შეამჩნია, როგორ გადახტა კვალში, მოსწყვიტა ყვავილი და პერანგის ქვევით გულთან საჩქაროდ შეინახა. როდესაც სალი, ცვარიანი ფურცლები შეეხო სხეულს, ავადმყოფი გაფითრდა, როგორც მკვდარი და ზარდაცემულმა ფართოდ გააღო თვალი. ცივმა ოფლმა დაასხა შუბლზე.

საავადმყოფოში ლამფები აანთეს; ვახშმის მოლოდინში ავადმყოფების უმრავლესობა ლოგინებზე წამოწოლილიყო, მხოლოდ რამდენიმე მოუსვენარი აჩქარებით დადიოდა დერეფანსა და დარბაზებში. მათ შორის იყო ჩვენი ავადმყოფიც თავისი ყვავილით; ჯვარედინად დაკრეფილი ხელები მთელის ძალღონით გულზე მიეკრა, თითქოს ცდილობდა პერანგის ქვეშ ჩამალული მცენარე გაესრისა და გაეჭეჭყა. სიარულის დროს ვისმე რომ შეხვდებოდა, შორს შემოუვლიდა — ეშინოდა ტანსაცმელითაც კი არ შეხებოდა.

— არ მომეკაროთ, არ მომეკაროთ! — ყვიროდა იგი. მაგრამ საავადმყოფოში ამისთანა წამოძახებას დიდ ყურადღებას არავინ აქცევდა. და ის დადიოდა სულ უფროდაუფრო სწრაფად, აკეთებდა სულ უფროდაუფრო დიდ ნაბიჯებს, დადიოდა საათი, დადიოდა ორი საათი რალაც არაჩვეულებრივი გამძვინვარებით.

— დაგქანცავ! დაგახრჩობ! — ყრუდ და სიბრაზით ამბობდა იგი.

ხანდახან კბილებსაც კი აკრაჭუნებდა.

სასადილოში ვახშიმი შემოიტანეს. დიდ გადაუფარებელ მაგიდებზე დადგეს რამდენიმე შეღებილი და მოოქრული ხის ჯამი ხორბლის თხელი ფაფით. ავადმყოფები მერხებზე ჩამოჯდნენ; მათ თითო ნატეხი შავი პური დაურიგეს. სჭამდნენ ხის კოვზით, რვა-რვა კაცი თითო ჯამიდან. ვინც გაუმჯობესებულ კვებაზე იყო, მათ ცალკე მოუტანეს. ჩვენმა ავადმყოფმა სასწრაფოდ გადაულაპა დარაჯის მიერ ოთახში შემოტანილი ულუფა და ამ ულუფით დაუქმყოფილებელი გავიდა საერთო სასადილოში.

— ნება მომეცით აქ ვჭამო, — მიმართა მან ზედამხედველს.

— განა თქვენ არ გივანშობიათ? — შეეკითხა ზედამხედველიც, რომელიც დამატებით ულუფებს არიგებდა ჯამებში.

— მე ძალიან მშობა და თან მჭირდება ძალღონის შემოკრება; მე მხოლოდ საქმელი მშველის... თქვენ ხომ იცით, სრულიად არ მძინავს.

— მიირთვი ჩემო კარგო, გაამოს! ტარას, მოიტანეთ ამათთვის კოვზი და პური.

ავადმყოფი მიუჯდა ჯამს და დახარბებით ბევრი სჭამა

— გეყოფათ, გეყოფათ,—სთქვა ბოლოს ზედამხედველმა, როდესაც ჭამა ყველამ გაათავა, ჩვენი ავადმყოფი კი ჯერ ჯამთან იჯდა და ერთი ხელით ჯამიდან ფაფას იღებდა, მეორე კი მაგრად ჰქონდა მიკრული გულზე.—გაგბერავსთ.

— ოხ, რომ იცოდეთ რამდენი ძალა მჭირდება, რამდენი ძალა,—სთქვა ავადმყოფმა, წამოდგა მაგიდიდან და მაგრად ჩამოართვა ზედამხედველს ხელი.—მშვიდობით!

— სად მიდიხართ? — ღიმილით შეეკითხა ზედამხედველი.

— მე? არსად. მე ვრჩები. მაგრამ შესაძლოა ხვალ ჩვენ ვეღარ ვნახოთ ერთმანეთი. მადლობელი ვარ თქვენი გულკეთილობისთვის.

და ერთხელ კიდევ მაგრად ჩამოართვა ხელი ზედამხედველს. ხმა უკანკალებდა, თვალებზე ცრემლები მოადგა.

— დამშვიდდით, ჩემო კარგო, დამშვიდდით, — უპასუხა ზედამხედველმა. — რა საჭიროა ასეთი მწუხარე აზრები? წადით, დაწექით და კარგად გამოიძინეთ. რაც მეტს იძინებთ, მით უკეთესია თქვენთვის; თუ კარგად იძინებთ, მალე გამოკეთდებით.

ავადმყოფი ქვითინებდა. ზედამხედველი მიბრუნდა, რომ დარაჯებისათვის ებრძანებინა ვახშმის ნარჩენების მიღება. ნახევარი საათის შემდეგ საავადმყოფოში ყველას ეძინა, გარდა ერთი კაცისა, რომელიც გაუხდელად იწვა კუთხის ოთახში თავის ლოგინზე. ის ციებთანსავით კანკალებდა, კრუნჩხვით ისრესდა მკერდს, რომელიც მისი წარმოდგენით, მთლიანად გაქლენილი იყო გაუგონარი მომაკვდინებელი შხამით.

V

მთელი ღამე ავადმყოფს არ სძინებია. მან მოსწყვიტა ყვავილი, რადგან ასეთი მოქმედება მიაჩნდა გმირობად, რომლის შესრულებაც მის მოვალეობას შეადგენდა. შუშთან კარებიდან პირველ გახედვისთანავე ალისფერმა ფურცლებმა მიიპყრო მისი ყურადღება და მოეჩვენა, რომ სწორედ ამ წუთიდან სავესებით მიაგნო თუ რა უნდოდა გაეკეთებინა სწორედ მას დედამიწაზე. ამ კამკამა წითელ ყვავილში იყო დაგროვილი დედამიწის მთელი ბოროტება. მან წინათაც იცოდა, რომ ყაყაჩოდან მზადდება ოპიუმი. შესაძლებელია ამ აზრმა, რომელიც გაიზარდა და მიიღო საშინელი სახე შემდეგში, აიძულა შეექმნა გამაგიჟებელი ფანტასტიური აჩრდილი... ყვავილი მას წარმოედგინა, როგორც მთელი ბოროტების განხორციელება. ყვავილს შეესრუტა, რაც კი ქვეყნად უმანკო სისხლი დაღვრილა (სწორედ ამიტომ იყო ის ისე წითელი), ყველა ცრემლი და კაცობრიობის მთელი ნაღველი. ის იდუმალებით მოცული საშინელი არსება იყო, რომელსაც უდანაშაულო კდემამოსილი სახე მიეღო, ნამდვილად, კი არის ღვთის სრული წინააღმდეგობა — არიმანი. საჭირო იყო მისი მოწყვეტა და მოკვლა. მაგრამ ეს არ კმაროდა. უკანასკნელი სულის ამოსვლის დროს მას ვერ უნდა მოესწრო გადმოენთნა ბოროტება დედამიწაზე. ამიტომ შეინახა მან ყვავილი მკერდთან. ავადმყოფს იმედი ჰქონდა, რომ დაღამდის ყვავილი დაჰკარგავდა მთელ ძალას, ყვავილის ბოროტება გადმოვიდა მის გულსა და სულში და იქ დაჰსრცხლებოდა ან გაიმარჯვებდა ყვავილი და მანინ თვით დაიღუპებოდა, მო-

კვდებოდა. მაგრამ მოკვდებოდა, როგორც პატიოსანი და პირველი მებრძოლი კაცობრიობისთვის, რადგან მის გარდა ვერავის გაეებდნა ერთად შებრძოლებოდა ქვეყნის მთელ ბოროტებას.

— ისინი ვერ ამჩნევენ მას. შე დავინახე. შემიძლია ცოცხალი დავტოვო იგი? მირჩევენია მოკვდე.

ის იწვა, არარსებულ აჩრდილთან ბრძოლით ღონემიწდილი. დილით ფერშალს ცოცხალ-მკვდარი დახვდა. რამდენიმე ხნის შემდეგ ალგზნებამ მაინც თავისი გაიტანა, — ავადმყოფი ლოგინიდან წამოხტა და ძველებურად დაიწყო სირბილი საავადმყოფოში, ჩვეულებრივზე უფრო ხმაბალა და უაზროდ ელაპარაკებოდა ავადმყოფებს და თავისთავს. ბაღში არ გაუშვეს; ექიმმა რაკი შეამჩნია, რომ ავადმყოფი წონაში კლებულობდა, სრულიად არ ეძინა და განუწყვეტილად დადიოდა, ბრძანა მისთვის კანქვეშა მორფის დიდი დოზა შეეშხაპუნებინათ. წინააღმდეგობა არ გაუწევია — მისი ეხლანდელი სულელური აზრები საბედნიეროდ სავსებით შეეფერებოდა ოპერაციას. მალე დაიძინა. მძაფრი მოძრაობა შესწყვიტა და მის მკვეთრ ნაბიჯების ტაქტზე მუდამ აყოლებული ძლიერი მოტივი გაუჭრა ყურთასმენიდან. მენსიერება დაუჩლუნგდა და შესწყდა ფიქრი ყველაფერზე, მეორე მოსაწყვეტ ყვავილზედაც კი.

ყვავილი სამი დღის შემდეგ მაინც მოსწყვიტა, დარაჯის თვალწინ; და ისე სწრაფად, რომ დარაჯმა გაფრთხილებაც კი ვერ მოასწრო. ხმამაღალ საზეიმო ღალადით ავადმყოფი თავის ოთახში შევარდა; მცენარე მკერდზე შეინახა.

— შენ რატომ სწყვეტ ყვავილებს? — ჰკითხა დარაჯმა, რომელიც სირბილით თან შემოყვა.

ავადმყოფმა, რომელიც უკვე ლოგინში ჩვეულებრივად იწვა გულზე ჯვარდინად ხელებ-დაკრფილი, ისეთი უაზრო რაოშვა დაიწყო, რომ დარაჯმა სიჩქარის დროს დავიწყებული წითელჯვრიანი ჩაჩი მოჰხადა მხოლოდ და წავიდა. და ლანდებთან ბრძოლა თავიდან დაიწყო. ავადმყოფი გრძნობდა, რომ ყვავილიდან გველის მსგავს, გრძელ, მცოცავ ნიაღვრად მოიკლაკნებოდა ბოროტება, ჰბოქავდა მას, უჭერდა ტანზე, უჭყლეტდა სხეულის ნაწილებს და მთელ სხეულს ეენთავდა საშინელი საწამლავით. მტრისადმი მიმართულ წყევლასა და კრულვასთან ერთად ის სტიროდა და ევედრებოდა ღმერთს. საღამო ეამს ყვავილი დასტკნა. ავადმყოფმა გაშავებული მცენარე ფეხით გათელა, ნარჩენები იატაკიდან აკრიფა და სააბაზანო ოთახში წაიღო. იქ მცენარის უფორმო ნაფლეთები ქვანახშირით გავარვარებულ ლუმელში შეჰყარა და დიდხანს უყურებდა თავის მტერს, რომელიც შიშინებდა, იკმუჭნებოდა და თანდათან იქცეოდა ნაზ, თეთრ თოვლის მსგავს ფერფლად. ბოლოს სული შეუბერა და ყველაფერი გაჰქრა.

მეორე დღეს ავადმყოფი უარესად გახდა. გაფითრებულ, ღრმად ჩავარდნილ ლოყებითა და საღდაც სიღრმეში მიმალულ მოელვარე თვალებით, ბარბაცითა და ბორძიკით განავარდობდა გაშმაგებულ სიარულს და ლაპარაკობდა და ლაპარაკობდა დაუსრულებლად.

— არ მინდოდა ძალა მეხმარა, — უთხრა უფროსმა ექიმმა თავის თანაშემწეს.

— კი მაგრამ, ხომ აუცილებელია ამ მუშაობის შეჩერება. დღეს სულ 93 გირგვანქას იწონის. თუ ასე გავრძელდა, ორ დღეში მოკვდება.

უფროსი ექიმი ჩათქვირდა.

- მორფი? ქლორალი? — იკითხა მან.
- გუშინ მორფი უკვე აღარ მოქმედებდა.
- უბრალოდ დაბან. მაგრამ, ვეჭვობ, კიდევ იცოცხლოს.

VI

ავადმყოფს გიჟის პერანგი ჩააცვეს და ტილოს ფართო ზორტებით მაგრად მიაბეს ლოგინის კაღონებს, მაგრამ გაშმაგებულ მოძრაობას შესუსტების შაგირ კიდევ უფრო უმატა. რამოდენიმე საათის განმავლობაში, ის ყოველ ღონეს ხმარობდა, ხუნდებიდან თავი გაენთავისუფლებინა, ბოლოს ძალღონე მოიკრიფა, წამოიწია, ერთმა ზორტმა ვერ გაუძლო და გაწყდა: ავადმყოფმა მოახერხა გამოძრომა, ფეხები გაინთავისუფლა დანარჩენ გადახლართულ ზორტებიდანაც და შეკრული ხელებით დაიწყო ოთახში წინ და უკან სიარული ველური და გაუგებარი სიტყვების ყვირილით.

— ოი! შენ კი!... — დაიყვირა შემოსულმა დარაჯმა, — რა ეშმაკი ეხმარება ამას! გრიცკო, ივან, გამოიქეციო, თავი აუშვია!..

სამნი ეცნენ ავადმყოფს, და დაიწყო ხანგრძლივი ბრძოლა, რომელიც ჰქანცავდა თავდამსხმელებს, აწამებდა და უკანასკნელ ისედაც მიღეულ ძალღონეს აკარგვინებდა თავდამცველ ადამიანს. ბოლოს, როგორც იქნა, ავადმყოფი ლოგინზე წამოაქციეს და წინანდელზე კიდევ უფრო მაგრად შებოჭეს.

— თქვენ არ გესმით რას სჩადიხართ! — სულშეხუთული ყვიროდა ავადმყოფი, — თქვენ დაიღუბებით! მე ვნახე მესამე ოდნავ გაფურჩქენილი. ახლა ის უკვე მზადაა. მაცალეთ საქმის დამთავრება! მისი მოკვლაა საქირო! მოკვლა! და მაშინ ყველაფერი გათავდება, ყველანი გადარჩებიან. თქვენ გაგაგზავნილით, მაგრამ ამის ვაკეთება მხოლოდ მე შემიძლია. თქვენ ერთი შეხებაც კი სიცოცხლეს მოგისპობდათ!..

— გაჩუქდით, ბატონო, დაწყნარდით! — მიმართა მის ლოგინთან მორიგეთ დარჩენილმა მოხუცმა დარაჯმა.

ავადმყოფი უეცრად გაჩუქდა. მან დარაჯების მოტყუილება გადასწყვიტა. ის დაბმული იყო მთელი დღე; ასეთსავე მდგომარეობაში დასტოვეს ღამეც. დარაჯმა ვახშამი აჭამა და შემდეგ რაღაც დაიფინა ლოგინთან და დაწვა. ერთი წუთის შემდეგ დარაჯს უკვე ღრმად ეძინა, ავადმყოფმა კი მუშაობას მიჰყო ხელი.

ის მთელი ტანით მოიღუნა, რომ შეჭებოდა ლოგინის გარდიგარდმო რკინის კოღონს; როდესაც გიჟის პერანგის გრძელ სახელოებში ჩამალული ზელით კოღონის რკინას მისწვდა, სწრაფად და ღონივრად დაიწყო სახელოს ამ რკინაზე ხეხვა. რამდენიმე ხნის შემდეგ სქელმა ტილომ ხეხვას ვედარ გაუძლო და ავადმყოფმა საჩვენებელი თითი გაინთავისუფლა. ამის შემდეგ საქმე უფრო სწრაფად წავიდა წინ. ჯანსაღ ადამიანისთვის წარმოუდგენელ მოხერხებით და მოქნილობით მან ვახსნა უკან გასკვნილი სახელოები, პერანგს გამოხსნა ზორტი და დიდხანს უგდებდა ყურს დარაჯის ხერინვას. მოხუცს ღრმად ეძინა. ავადმყოფმა გაიხადა პერანგი და ლოგინიდან თავი აიშვა. ის თავისუფალი იყო კარების გაღება სცადა: კარი დაკეტილი იყო, და კლიტე დარაჯს ჰქონდა ალბათ ჯიბეში. დარაჯის გაღვიძების შიშით ავადმყოფმა ვერ გაბედა ჯიბეების გაჩხრეკა და გადასწყვიტა ფანჯრიდან გადამხტარიყო.

წყნარი, თბილი და ბნელი ღამე იყო; ღია ფანჯარაში ავადმყოფი უყურებდა შავ ცაზე ვარსკვლავების კიაფს. იგი არჩევდა ვარსკვლავთა ნაცნობ ხომლებს და უხაროდა, რომ ისინი თანაგრძნობას უცხადებდნენ მოლივლივე სხივების ნიშნებით; ეს მოჩვენება კიდევ უფრო აქეზებდა უგუნური გადაწყვეტილების შესასრულებლად. საჭირო იყო რკინის სარკმელის სქელი ჩხირების გადაღუნვა, ვიწრო ჭუჭრუტანაში გადაძრომა, ბუჩქებით გაბარდულ მოსახვევში გავლა და იქიდან მაღალ ქვის კედელზე გადაცოცება. იქ კი მოხდება უკანასკნელი ბრძოლა... მერმე იყოს თუნდ სიკვდილი.

ჯერ ეცადა ტიტველი ხელებით რკინის სქელი ჩხირები მიმოეწია; რკინა ადვილად არ ნებდებოდა. მაშინ გიჟის პერანგის სახელოებიდან დაგრისა სქელი ბაწარი, მოაბა ჩხირის ბოლოში გამოჭედილ შუბს და ჩამოეკიდა მთელი სხეულით. შუბი მოიღუნა თავგანწირული შრომის შემდეგ, რამაც თითქმის სულ გამოუღია დარჩენილი ძალღონე; ვიწრო გასაძრომი გაკეთდა. გაძრომისას გადაიტყავა მხრები, იდაყვი და ტიტველი მუხლები; როგორც იყო, გავიდა ბუჩქნარში და გაჩერდა კედელთან, სიწყნარე იყო; ღამის სანათურები შიგნიდან ოდნავ ანათებდნენ უზარმაზარი შენობის ფანჯრებს; ფანჯრებში არავინ სჩანდა; მას ვერავინ შეამჩნევდა. ლოგინთან მწოლარე მორიგე მოხუცი, ალბათ, განაგრძობდა ღრმა ძილს. ვარსკვლავთა სხივების ალერსიანი ციმციმი გულში სწვდებოდა ავადმყოფს.

მან შეხედა ცას და წაიჩურჩულა:

— თქვენთან მოვდივარ...

სცადა კედელზე აძრომა, მაგრამ ვერ მოახერხა, — ჩამოვარდა, — დაიკაწრა ფრჩხილები, გაისისხლიანა ხელები და მუხლები; ადვილად გადასასვლელად გილს დაუწყო ძებნა; იქ, სადაც გალავანი „სამკვდროს“ კედელს უერთდებოდა, რამოდენიმე აგური იყო გამოვარდნილი; ავადმყოფმა გაშინჯა ეს ადგილები და მათი საშუალებით აძვრა კედელზე, იქიდან ხელი სტაცა თელას, რომელიც მეორე მხარეზე იყო და ქვევით ნელა ჩამოყვა იმ ხეს.

ის მივარდა ნაცნობ ადგილს პარმალთან. ყვავილს ფოთლები შეეკეცა და შავად მოსჩანდა ცვრიან ბალახზე.

— უკანასკნელი! — წაიჩურჩულა ავადმყოფმა: — უკანასკნელი! დღესაა ან გამარჯვება და ან სიკვდილი. მაგრამ ეს ჩემთვის სულერთია. დამიცადეთ — ავადმყოფმა ცას შეხედა — მე მალე ვიქნები თქვენთან...

მან ამოგლიჯა მცენარე, დაფლითა და გასრისა და იმავე ვზით ყვავილით ხელში დაბრუნდა თავის ოთახში. მოხუცს ეძინა, ავადმყოფმა ძლივს მიაღწია თავის ლოგინს და უგრძნობლად დაეცა.

ღილით ის მკვდარი ნახეს. სახე წყნარი და ნათელი ჰქონდა; დაქანცული გამომეტყველება, თხელი ტუჩები და ღრმად ჩავარდნილი დახუჭული თვალები რაღაც ამაყ ბედნიერებას გამოხატავდა. როდესაც საკაცზე სდებდნენ, ხელის გახსნა და წითელი ყვავილის ამოღება სცადეს, მაგრამ ხელი გაშეშებოდა, და თავისი ნაღველი სამარეში ჩაიტანა.

თარგმანი შირაზ ლორთქიფანიძისა.

გმოსნის სიკვდილი

(ძღვნად ი. ჭავჭავაძის აბრწყინვალე ხსოვნას).

ყური მიგდეთ, გეტყვით ამბავს
უტყუარსა და მართალსა...

ი. ჭ ა ვ ჭ ა ვ ა ძ ე .

I

ერთი პატარა ქვეყანა,
პატარა მთად და ბარადა,
მწვიდ ვარსკვლავივით ბზინავდა
აღმოსავლეთის კარადა.
ერთ დროს ისიცა ჰყვავოდა
თავისი ია-ვარდითა,
ცნობილი იყო იმ დროში
თავის ცუდით და კარგითა.
გლეხი იქაცა გლეხობდა,
იქ მუშაკობდა მუშაცა,
ბრძოლაცა ჰქონდათ იმქვეყნის
მტანჯველთა დასაფუშადა...
მაგრამ მოუნდა ჩაყლაპვა
მისი ქრისტიან მყლაპავსა, —
დასტრიალებდა ზევიდან,
როგორც არწივი ბატკანსა;
დროც მოუძებნა... დააცხრა
არწივად ორთავიანად,
მაგარ კლანჭებში ჩაბლუჯა
პატარა ერთი მთლიანად.
და ამ დაპყრობის საბუთად,
გასამართლებლად თავისა,
ერს პირში ბურთი დაუცო
და მორჩილ მონად დაისვა.
ხოლო ეს ბედი ამ ერის, —
სახელად იბერიანთა,
სხვა ქვეყნებს, სახელმწიფოებს

ამნაირ ამბად მიართვა:
„ვით ქრისტიანი ქრისტიანს,
შემომიერთდა ნებიითო;
დღეიდან იგი იქნება
მწვიდად და მოთმინებითო“...

გავიჭა ხანი... მპყრობელი
მოსანელებლად იბერთა
თან ერთობოდა მათ ტანჯვით,
თან კიდევ პირჯვარს იწერდა.
და ბოლოს მხარეს მიჰმართა:
„ვინ დაპრჩით იბერთ ძირითო,
კუბოშია წვეს დღეს იგი,
იტირეთ თუკი სტირითო —
მიყრალა უნდა მიწისა
მკვდარს საკუთარის ჭირითო“...
და მოისვენა მპყრობელმა
ამ ქვეყნის მონელებითა...
იკვებებოდა თავისი
და უცხო მშრომელებითა:
სულს ჰხდიდა ქვეყნის მარჩენალთ
ხარბი და დაუნდობელი,
მუქთახორების ბედს სჭედდა
მშრომელთა ბედის მსპობელი.
და იმპერატორს მტრად ჰყავდა
შინ მუშა რისხვით მჭექარი,
იმის კლანჭებში კვნესოდა
ხალხი გულგაუტეხარი.

ამ დროს იბერეთს გამოჩნდა
მოსაჩრღე ჩარგულ ერისა,
თავადი, მაგრამ დამგმობი
მის ავი ზნის და ფერისა:
ის მთელ მსოფლიოს მუშებთან
უშიშრად ასე მღერისა:

„ველარ განუძღვებს ქვეყანა ძველი
განახლებისა გრიგალის ქროლას,
ველარ განუძღვებს ქვეყნის მძარცველი
ქეშმარიტებით აღძრულსა ბრძოლას, —
და დაიმსხვრევა იგი ბორკილი,
შემფერხებელი კაცთა ცხოვრების,
და ახალ ნერგზე, ახლად შობილი
ესე ქვეყანა კვლავ აპყვავდების“...

ამა სიმღერას მღეროდნენ
დაჩაგრულ ერის მხარეში,
სადაც კი მეფეს დაესო
თვის ბატონობის ფარეში.
და შეიჭმუხვნა მძარცველი,
შუბლი შეიკრა მკვახედა,
ტანჯულთა გამოღვიძება,
წინ დეხატა მახედა.

— ვინ არის იგი, — იკითხავეს
და მიუტანენ ცნობასა:
იბერიელთა შვილია:
იწყებს ჩვენდამი მტრობასა;
ის მგოსანია ხალხისა,
ცაზე მზესავით ჩნდებაო,
მისი ზმა მისი ერის შვილთ
გულის სიღრმემდის სწვდებაო;
ამბობს: „ვინა სთქვა ჩვენზედა,
რა დიდი ლომი კვდებაო,
ვინც ჰფიქრობს ჩვენსა სიკვდილსა,
სიკვდილი იმას ჰხვდებაო.
აღსდექი ერო... დროჟამი
გამარჯვებისა დგებაო“.
და აუხსნიან თან მეფეს:
იგი ჩვენც გვემუქრებაო.
შეწუხდა იმპერატორი,
არწივი ორის თავითა,
და დამცინავის ღიმილით,
მასხრულის კილოკავითა
სთქვა: „ზმა მიეცით მგოსანსა
სამეფოს საბჭოს წევრისო, —
ხშირად ცოტაზე ჰყიდის თავს

კაცი მათხოვნელი ბევრისო.“
და საბჭოს წევრად დანიშნეს
მითომ პატივით დიდითა:
ევონათ, გადიბირებდნენ
მგოსანს ამნაირ ხრიკითა...

ამ დროს მის იმპერიაში
დრო იწყებოდა ახალი:
მუშის და გლეხის ტანჯვებსა
ხელში აეღო ხანჯალი;
დაპყრობილ ერთა ცრემლებსაც
ეპოვნა თვისი გზა-კვალი,
გადაბმულიყვენ ურთ-ერთზე
ყველანაირი ტანჯვანი,
რათა მოესპოთ მარადის
საიმპერიო აკვანი...

ეს ის დრო იყო, ძმობილსო,
როს ტანჯულთ აღარ ეძინათ,
როს მისდგომოდა შშრომელ ხალხს
სხივი შეგებისა ლენინად,
როს ამ სხივს ახლდა სტალინი
სრულ გათენებად კეთილად
და გამთენებელ ბელადებს
ზედ უკვდავება ეფინათ...

II

იბერთა ქვეყანა არის
მიყრილ-მოყრილი მთებითა,
მთები სიმაღლით გვატკობენ,
მდინარეები — ყეფითა.
მთა დათოვლილა ქალარით,
მინდორი ბაღჩებ-მწვანითა,
ხოლო მცხოვრებნი — ტანჯვებით,
სიცოცხლით აუტანითა.
მაგრამ ერთობის ამბავი
ხალხში გასულა ძმობადა —
ახალი ხანა დგებოდა
ძველისა დასამხოებადა...

სოფელი საკოხტაოა,
სახლი დგა მგოსნის დიდისა,
გლეხთ ქონ-მახებში ისე სჩანს,
როგორც ცისკარი დილისა.

გლენხი მის კარწინ მსჯელობენ,
 ზოგნიცა მიდი-მოდიან,
 ახალ დროების რიჟრაჟზე
 წარსულს სწყევლიან ცოდვიანს.
 ამბობენ ძმობა-ერთობას
 ერთის უკვდავის აზრითა:
 ამოგვიბრწყინდა მხსნელადო
 გლენხებს მახვილით ბასრითა.
 ამ დროს, სოფელზე ავლილი,
 მგოსანი ნახა: თადემა,
 ურთ-ერთს დაუწყეს მოკითხვა,
 ვით ძმებმა გულითადებმა:
 — ვახლავარ ჩემსა თანდილას,
 როგორ გიკითხო, როგორა?
 — ვახლავარ... ქვეყნად დავგორავ,
 როგორც შევბედის გოგორა.
 — რათა? ცხოვრების ვენახში
 ვერ გიპოვნია გოგორა? ¹⁾
 — ვერა ბატონო, გლენხკაცი
 ვერას ველირსე კეთილსა,
 მაგრამა მაინც ვერა მტეხს
 ბედი კარგამოკეტილსა.
 — ნურც გაუტყდები... ეს მითხარ,
 როგოა შენი კოკონა? ²⁾
 ვერ დავისწავლე კარგადა,
 ბიჭი არის თუ გოგონა.
 — ბიჭია, შენი ჭირიმე,
 ვეება დაიარება;
 სახეზე მამაჩემსა ჰგავს,
 ყაჩაღს მიუგავს ტარება.
 — ღმერთმა გიცოცხლოს, ოღონდა
 უნდა გაპზარდო სკოლაში,
 თორემ რა ყრია სიკეთე
 უწვრთნელი შვილის ყოლაში?
 დროება დგება ახალი,
 მოღის სინათლე ნეტარი,
 წინ უნდა დაჰდგეთ გლენხები,
 როგორაც მესი — მედგარი.

უბრძოლად ვინ რას დაგიტომბს?
 ვინ გყავთ სიკეთის მიმტანი?
 მებრძოლს კი ცოდნა სჭირია
 თავის სიღრმით და სიგანით!
 — რა ვქნა, ბატონო, ბედშავი,
 მეც სულ მაგასა ვფიქრობდი:
 ჩემი გიგეას სწავლასა
 გულში და სულში ვიწყობდი,
 მაგრამ შენც მოგეხსენება,
 მარტოხელს შენცა მიცნობდი...
 — მოდი შინ, ჩემთან, თანდილავ,
 თუ ზეგ არ წაველ არსადა:
 შენი გიგია გავზარდოთ
 როგორმე კაი კაცადა —
 ასე ეტყოდნენ ერთმანეთს
 გლენხი თადე და მგოსანი,
 იბერიელთა მოსარჩლე,
 სამეფოს საბჭოს ხმოსანი.

თადე დაჰპირდა მგოსანსა
 ხვალზეთ სახლში ხლებასა,
 მაგრამ იმავლამ ლოგინში
 ხელთ ჩაუვარდა სნებასა.
 ადგომამდე კი ახალ დროს
 აეხსნა ყმობის ალვირი —
 რეველუცია დაეწყათ
 მუშებს ცეცხლით და მახვილით.
 მეფე კი, შეძრწუნებული
 იდგა ზათქიან ძახილით:
 ემუქრებოდა მებრძოლებს
 სახრჩობელებით, სახმილით...
 ამდროს მიეხმოთ მგოსანიც,
 სამეფოს საბჭოს წევრადა,
 სადაც ყოველი ნათქვამი
 იმდროს ხალხისთვის მჭევრადა,
 ჰქონდა თვითმპყრობელ მეფესა
 იმავე მთქმელის მიხველადა.

(დასასრული იქნება)

¹⁾ გოგორა — დაკრეფილ ვენახში ნაპოვნი მტევანი.

²⁾ კოკონა — გარეული, პატარა იხვია, პატარა ტანის კაცისა თუ ქალის. სახელიც არის, ბავშვებსაც ეძახიან კოკონას.

კ რ ი ო ი კ ა

აკაკი ბაყრაძე

დავით კლდიაშვილი

1.

ათი წლის იყო დავით კლდიაშვილი, რუსეთში რომ ჩავიდა სასწავლებლად. სამხედრო გიმნაზიაში ყოფნის დროს მას მთლიანად გადაავიწყდა მშობლიური ენა და არდადეგებზე ჩამოსულს ხელმეორედ დასჭირდა ქართულის შესწავლა. მაგრამ მალე ისევ რუსეთს გაემგზავრა და მხოლოდ მოსკოვის სამხედრო სასწავლებლის დამთავრების შემდეგ დაბრუნდა საქართველოში.

როგორც სჩანს, უცხოეთში დიდხანს ნამყოფ, სხვა ხმებსა და სხვა ადამიანებს შეჩვეულ დავით კლდიაშვილზე საოცარი შთაბეჭდილება დასტოვა მისმა ქვეყანამ, უკეთ — ამ ქვეყნის პატარა კუთხეებ — იმერეთმა: მისი დამკვირვებელი თვალისათვის ამ კუთხეში უცნაური ადამიანები მოქმედებდნენ, მის გამახვილებულ სმენას ახირებული საუბრები და ამოძახილები ესმოდა. შეიძლება ითქვას, რომ არცერთი ქართველი ბელეტრისტი არ გაცოცხულა თანამედროვეებით ისე ძლიერ, როგორც დავით კლდიაშვილი, არავის არ უსმენია მათი საუბრებისათვის ისე გულმოდგინედ, როგორც „სოლომან მორბელაძისა“ და „სამანიშვილის დედინაცვლის“ ავტორს.

იმერეთის უმნიშვნელო, პატარა ადამიანების თავგადასავალი, მათი ტკივილები და უხერხულობანი დ. კლდიაშვილის სევდანარევ სიცილს იწვევდა. ამ კუთხის ბინადართა ეზოები. რომელთაც შემოდგოაშის ბინდის ლეჩაქი გადაჰკროდათ, სამუდამოდ შევიდნენ ქართულს ლიტერატურაში, როგორც შეუდარებელი სურათები ძველი იმერეთისა.

სიბერის ჟამს, როცა მახსოვრობა წაერთვა და მხედველობამ უღალატა, დავით კლდიაშვილს წაუკითხეს მისივე მოთხრობის ერთერთი პასაჟი და თავის გმირებზე ჩაფიქრებულმა მწერალმა სთქვა:

„მდა... უცნოური ამბავია!...“

საოცრად ადამიანური, მაგრამ მაინც უცნაური ამბავის შეუდარებელი მხატვარი იყო იგი.

2.

ჯერ ფონის შესახებ, — თუ როგორ ხედავდა დავით კლდიაშვილი თავისი გმირების გარემოს.

დედინაცვლის საანახავად ბრეგაძის სახლში მისული პლატონ სამანიშვილი სახლის აივნებიდან ათვალისკვამის მახლობლის ეზოს:

„წამოწოლილ ბინდში ახლა კიდევ უფრო გულდაწყვეტილი შეხედულება მიიღო აქაურობამ, ვიდრე პირველ დანახვაზე ჰქონდა. პატარა, ხრიოკი, დაფერდებული ადგილი, აქა-იქ ჩამტვრეული ღობით შემოვლებულ; ფერდობზე მიკრული, წინიდან ბარჯგებზე შე-

ყენებული პაწაწინა ოდა, რომლის აივანზე იჯდა ახლა პლატონი; ცოტა მოშორებით გლეხური სახლი, ალბათ, უწინ სამზარეულოდ ხმარებული, რომელიც უფროს ძმას გადაეტანა და რომელშიაც ახლა სცხოვრობდა თავის ცოლშვილით, — ეს იყო მენობები, რაც ამ ეზოში სჩანდა. ღობეს გადაღმა მოსჩანდა ისლით დახურული ერთი-მეორეზე მიკრული გლეხის სახლები“.

ძუნწად, მაგრამ კარგად დახატულ ეზოს ეს სურათი, სადაც ამდენი მოწყენაა შეტანილი, წარმოადგენს ასპარეზს დ. კლდიაშვილის გმირებისათვის. ეს ფონი ტიპიურია. პლატონ სამანიშვილი, რომელიც მამასთან გაყრის შემდეგ ცალკე იწყებს ცხოვრებას, იგონებს იმ გარემოს —

„რომელსაც ამ ერთი წლის წინად ისეთი შეცოდებით მისჩერებოდა დავითის აივანიდან“.

რომ ასეთია, ავტორის წარმოდგენით ბინდის თაღს ბადეში გახვეული ეზოები იმერეთისა, სჩანს ზემოთმოყვანილი სურათის შემდეგი ვარიაციებიდან მის სხვა მოთხრობებში.

მაგ. „ქამუშაძის გაჭირვებიდან“:

„ამასობაში სტუმარი აივანზე იჯდა და ბრეკიდან, რომელზედაც წამოსკუპული იყო ოტიას პაწაწინა ორთვალისანი სახლი, გადასჩერებოდა მის თვალწინ გადაშლილ სურათს; თავდაშვებული დაღმართი, რომელზედაც ოტიას სახლის გარდა კიდევ ბევრი მოსახლენი მოსჩანდნენ, ქვევით ვაკდებოდა“.

პატარა, უფრო ქოხების მაგვარი, სახლები საცოდავად გამოიყურებოდნენ და ერთი-მეორეს მისდევდნენ, ან შორდებოდნენ, თავ-მეყრილად იყვნენ, თითქო ეწადათ უფრო თვალსაჩინოდ დაენახვებინათ მათი პატრონების მდგომარეობა, თუ ვინმე მოიწადინებდა ამას“.

იმავე მოთხრობაში:

„ზამთრდებოდა. ფოთოლ-გაცვივული, გატიტვლებული ხეები აღარ მალავდნენ, უფრო გამოაჩინეს დაბალი, პატარ-პატარა, ზოგან მერცხლის ბუდესავით ფერდობებზე მიკრულ-მიკოსებული სახლები, სახურავებიდან ამომავალი კვამლის შავ ბურ თავ-დადგმული“.

დავით კლდიაშვილი შესანიშნავად აკვირდება ყოველ წვრილმანს, ყოველ მოძრაობას ამ ეზოებში. მას გამოყოფილი აქვს მიუცილებელი ატრიბუტები თავისი სურათისათვის — თავსაფრიანი ქალები და ტიტველი ბავშვები.

პლატონ სამანიშვილი ესტუმრება თავის ღას:

„ეზოს კარებში ყმაწვილი ქალი გულზედ ახუტებულის ბავშვით თავზე ადგა გლეხს, რომელიც ალბად ბოსტანს რავავდა. ქალი მობრუნდა, რაკი გლეხმა ანიშნა ეზოში სტუმრის შემოსვლა, მიაჩერდა მას და, რა იცნო თავისი ძმა პლატონი, უცბათ ჩამოსვა მიწაზე ბავშვი, გაიხსოვრა თავსაფარი და ერთის ძახილით, სიხარულით აფრენილი გამოეჭანა ძმისაკენ“.

სხვა ადგილებში თავსაფრიანი ქალები და პერანგამარა ბავშვები უფრო ხშირად ჩნდებიან.

მაგალითად, არისტო და პლატონი შედიან ბრეგაძის ეზოში:

„ოდის ყურიდან თავსაფარ წაკრული ქალის თავი გამოჩნდა და იმ წამსვე მიიმალა; მერმე იქიდანვე გამოხტა წვივებ-გატიტვლებული, პერანგამარა ბავშვი, მიტრიალდა უცბად, ამოეფარა სახლის ყურეს და იქიდან დაუწყო ცქერა მოსულებს“.

ძველი იმერეთის ეს სურათი დაუფიქვარია დავითის სისრულითა და ტიპიურობით. დ. კლდიაშვილმა იცის მის მიერ ნაპოვნი დეტალის ფასი და ამიტომ არაერთხელ უბრუნდება მას სხვა მოთხრობებშიც. შეადარეთ შემდეგი ადგილი მოთხრობიდან „ქამუშაძის გაჭირვება“:

„სახლის ყურიდან გამოჩნდა თმა-გაძეძილი, მოხუცებული ეკვირინეს თავი. ცხენოსანმა თვალი მოჰკრა მას და ხმა-მალლა მიიძახა:
— მამიდა ეკვირინეს ვახლავარ, მამიდას, მამიდას!“

ეკვირინე ერთი წუთით მიიმალა და ისევ გამოჩნდა. თავსაფარ-
დახურული იგი მოხუცებული ადამიანის კუნკულით გამოეჭანა ამათენ და, აქლო-
შინებულ შელმართში ამორბენით, მიესალმა სტუმარს“.

მოთხრობიდან „მრეულში“:

„დაძახილზე სახლიდან გამოვარდა ახალგაზრდა ქალი, თავსაფარ წაკრულ ო-
სახელოებწაკაიწებულ“.

მოთხრობიდან „მიქელა“:

„რამდენიმე თითქმის ტიტველა ბავშვი, ტალახში ჩამდგარ გვერდზე გადაწეულ სალო-
რესთან, გარს შემოხვეოდა წელში აბზუკულ, გამხდარ ღორს, რომელიც მათ ხითხითში სა-
ცოდავად ჭყვიროდა, მოგრებილი დაშინებულ წკებლების ქვეშ. დაინახეს უცხო კაცი თუ
არა ბავშვებმა, იმ წამს გადაადგეს წკებლები, გადავარდნენ დაბალ ღობეს გადაღმა და
სახლს ამოფარებულმა დაუწყეს მზერა მოსულს“.

დავით კლდიაშვილი რომელიმე პერსონაჟის თვალით მიაცილებს თავის
გმირებს ამ ეზოებს გადაღმაც, — ორრიგად მიმავალ ხეებსა, შუკებსა და ორ-
ღობებში. მაგ. ბეკინა ხედავს:

„პლატონმა გადაიარა ეზო, გავიდა ჭიშკარში და მალე ორღობეში მიმავალი, გზას
იქითაქეთ მიმყოლ ხეებში მიიმალა“.

ან კიდევ — და ეს ნამდვილი შედეგია აღწერისა — შეზარხოშებულ კი-
რილეს გაქცევა ჯიმშერის სახლიდან:

„— გოულეთ... გოულეთ მაგ შეჩვენებულს ჭიშკარში... გოულეთ... მაგ თავლაფდასხმულს,
მაგას! — მიაყვირა უკან ჯიმშერმა.

— რა არი, ყმაწვილო... რანაირი საქციელია? — შეუტია ჯიმშერს სალომემ, — რა ჭკუაა
ახლა მაგ?

და შეწუხებული ქალი, ერთს ადგილას გაშეშებული მძხერებოდა ქვევითენ მიმქ-
როლავ ძმისწულს, რომლის ქუდიღა მოსჩანდა, თითქო ქარისაგან მო-
ტაცებულ ი, ღობეების სარებზე ევით“.

ოდის ყურიდან წამიერად გამოჩენილი თავსაფარიანი ქალები, სახლს ამო-
ფარებული ან. „გვერდზე გადაწეულ სალორესთან“ მდგარი პერანგამზარა ბავ-
შვები, ორღობეში მიმავალი ცხენოსნები და ბოლოს — ღობის სარებზე მით
მიმქროლი, თითქოს ქარისაგან მოტაცებული ქუდი, — ასეთია დ. კლდიაშვილის
აღწერის დეტალები. ეს რეალისტური, აკვარელივით შესრულებული სურათე-
ბი, რომლებიც ყურადღებას იქცევენ მინიატურული სისრულითა და მოულო-
დნელობით, იშვიათად თუ მოგვაგონებს რომელიმე სხვა ქართველი ბელეტრის-
ტის პროზის ადგილებს. მათი ანალოგიები მხატვრობაში ან უახლოეს ქართულ
ლირიკაში თუ შოიძებნება.

3.

იგი დიალოგის დიდი ოსტატია. ეს არის მისი ხერხი პერსო-
ნაჟის დახასიეთებისა და ჩვენებისა.

(როგორც თხრობის ოსტატი იგი არ არის ძლიერი, — ასეთს ადგილებში
მწერალს ღალატობს საღებავები, მისი ენაც ზოგჯერ უფერულია).

დ. კლდიაშვილს დაჭერილი აქვს იმერელი აზნაურის საუბრის ყოველი ნუ-
ანსი, წინადადების მიმოხრა, თავისებური გამოთქმები, აკვიატებული სიტყვები,
ამოძახილები და ხშირად — მნიშვნელობას მოკლებული ბგერებიც კი. საკმარი-
სა მისმა პერსონაჟებმა ხმა ამოიღონ, რათა ყოველგვარი საზღვარი წაიშალოს
სინამდვილისა და ხელოვნების შორის, — იმდენად ცოცხალნი და დამაჯერე-
ბელნი არიან ისინი.

ამასთანავე — მწერალს არსად არ ღალატობს ზომიერების გრძნობა და საუბრის გადმოცემისას იგი არაჩვეულებრივ სიტრთხილეს იჩენს. დ. კლდიაშვილი დიდი ტაქტის მქონე მწერალია.

მოვიყვანთ რამდენიმე მაგალითს ამ მოსაზრებათა საილუსტრაციოდ.

უწინარეს ყოვლისა უნდა აღინიშნოს ერთვარი რუდიმენტი იმერული ლაპარაკისა, რომელიც დ. კლდიაშვილის პერსონაჟების უმრავლესობისათვის მიუცილებელ ელემენტს წარმოადგენს საუბრებში: ეს არის გამოთქმა — „კაი დაგემართოს!“ ან „-ისემც კარგი დაგემართოს!“

„— სად მიხვალთ, ყმაწვილო? — შეეკითხა გვერდევანიძე პლატონს.

— აგერ გაიხლებით, ბატონო, მაღლაშენში! — და პლატონი შეჯდა ცხენზე.

— კაი დაგემართოსთ! აბა მგზავრები ცყოფილვართ ამ ერთ ხანაზედ...“

პლატონს ეკითხება არისტო, მართლა ეძებთ თუ არა სადედინაცვლოსო:

„— ეძებ! — მიუგო მან ბოლოს.

— თქვენ ძმა გყავთ?

— არა.

— და?

— გათხოვილი!

— კაი დაგემართოსთ!.. და ა. შ.

არისტო და პლატონი მორიდდებიან.

„— ჭაი დაგემართოსთ, კაი დაგემართოსთ!.. აბა ხვალ ნულარ გადავდებთ!“

არისტო საერთოდ ხშირად იმეორებს ამ გამოთქმას. ახლა სხვა პერსონაჟებსაც მოვუსმინოთ:

„— კაი დაგემართოსთ — დაატანა სიტყვა მიქელამ“. („მიქელა“).

ეს გამოთქმა განსაკუთრებით ახასიათებს დარისპანის საუბარს („დარისპანის გასაჭირი“):

„დარისპანი ქალიშვილები რამდენი გყავთ, ონისიმე ჩემო?

ონისიმე — სამი.

დარისპანი — ისემც კარგი დაგემართოსთ!“ და მრავ. სხვა.

დავით კლდიაშვილმა საბოლოოდ დააკანონა ეს გამოთქმა, როგორც იმერელის ყოველდღიური საუბრის ყველაზე თვალსაჩინო ნიშანი.

ასეთსავე აკვიატებულ სიტყვებს წარმოადგენს აგრეთვე „რას იზამ?“ და „შიმართვა „ბიძიკო!“

„— მაგ მეც ქე ვიცი მარა რას იზამ კაცი?“

(„სოლომან მორბელაძე“)

მამა ზოსიმეს ეუბნება პეტრია:

„— ნამეტანი გადასხვაფერდა ეს ხალხი!.. ნამეტანი გადასხვაფერდა... სულ გამოიცვალა! რას იზამ ადამიანი? ნამეტანი შეუსმენელი შეიქნა!.. გვირყვნა ქვეყანა, ნაწვდილად გვირყვნა, რომ ვუყურებ! მარა რას იზამ კაცი, რას იზამ?“

(„მრველში“).

ქორწილში ჩხუბგადახდილი კირილე უძახის გოგოს:

„— ბიძიკო, თუ შეიძლება, ეს ჩოხები, რავარც იქნება, ისე გამილაშბე“. („სამანიშ. დედინაცვ.“).

„დარისპანის გასაჭირში“ სასიძოს სურს გაიგოს, აქვს თუ არა ქალს მზითევი:

„სოსიკო — აქვს რამე?

ონისიმე — ამ აბზეკილი ცხვირისა, წერილი ტანისა, შეღებილი წარბებისა და მარდი ფეხებისა, — მეტი არაფერი, ბიძიკო!“

ასევე ხშირად ხმარობენ დ. კლდიაშვილის გმირები სიტყვებს „იმე“ „აბა!“ და სხვ. ეს გამოთქმები არაჩვეულებრივად ცოცხალ ელფერს აძლევენ მწერლის

დიალოგებს. ხშირად ერთმარცვლოვან დამხმარე სიტყვებს დაკისრებული აქვთ უფრო მეტი მნიშვნელობის გამოხატვის ფუნქცია, ვიდრე ეს მათ შეუძლიათ.

დარისპანის სულიერ განწყობილებას კარგად გადმოგვცემს გარკვეული კილოთი წარმოთქმული ეს ადგილი (და განსაკუთრებით მისი ბოლო):

„დარისპანი. ჰმ!.. იმ გამკნარ ნათლიდელას თუ სული უწყუს სამი ქალიშვილის სახლში ჯდომით... მე, შე დალოცვილო, ოთხი მყავს... ოთხი მყავს... ყოფილიყავი ჩემს ადგილას, ნახავდი რა ამბავშია იქნებოდი! კი! (გადის ბალკონზე გაჯავრებული)“.

ჩვენ ქვემოთ კიდევ დავუბრუნდებით ამ ერთმარცვლიანი სიტყვის („კი“) როლს დ. კლდიაშვილის დიალოგებში. ახლა კიდევ ერთი მაგალითი:

პლატონი და კირილე გაემგზავრებიან ბეკინას საცოლოს საქებნელად:

„ასე სიცილით და ხალისიანად მიემგზავრებოდნენ ორივენი, რომ უეცრად კირილემ ხელი შეზღვევ შემოირტყა, შეაჩერა ცხენი და წამოიძახა:

— აუიჰ!

— რა იყო? — მიაკითხა პლატონმა შეშინებით. — რა იყო, კირილე?

— არაფერი, არაფერი, გავწიოთ ჩვენთვის“.

კირილეს გაახსენდა, რომ ის ქორწილში იყო დაპატიჟებული!

ამ ამოძახილის („აუიჰ“) მნიშვნელობა იცის ყველამ, ვინც იმერული საუბრის ხასიათს იცნობს კარგად. და ამ ბგერებშიც ისევე კარგად არის დაქერილი იმერული კილო, როგორც არისტოს მთელ ფრაზაში პლატონთან საუბრისას: „... იმიტომ წაგყევი, საქმე გაგაკეთებინე... ცუდი რა მიქნია, ძმაო ჩემო საყვარელო!“.

4.

დავით კლდიაშვილის პერსონაჟებს, ისევე, როგორც კნუტ ჰამსუნის ნევრასტენიულ ინტელიგენტებს, მკვიდრად არ უდგათ ფეხი ნიადაგზე, — ისინი თითქოს ებლაუტებიან მას. ეს გარემოება ექსცენტრიული ბუნებით აჯილდოვებს მათ.

თვითეულ მათგანს რაიმე პროექტი აქვს განსახორციელებელი, — არსებობისათვის ბრძოლამ აიძულა ისინი მოფუსფუსე, თუმცა ხშირად უშედეგო, ძიებაში იყვნენ გართულნი. ყველას ნება ისეა მომართული, მათი არსებობის ყოველი წუთი ისეა დამძიმებული ხვალისდელ დღისათვის ზრუნვით, რომ ჩვეულებრივი საუბრისათვის მათ არცკი სცალიათ; მათთვის უცნობია მხიარული, უდარდელი სჯაბაასი (გამონაკლისი — კირილე მიმინეიშვილი!); მაგრამ დ. კლდიაშვილის გმირებმა ისიც კარგად იციან, რომ შეუძლებელია ყოველთვის და ყველგან პირდაპირ საქმეზე სიტყვის ჩამოგდება. სხვა რომ არა იყოს, იმერული ზრდილობა და ეტიკეტი მოითხოვს ამას. ამავე დროს, ბაასის გაკინანურებისათვის მათ არასოდეს არა აქვთ დრო და ხანმოკლე პაუზების უამს ყოველთვის უხერხულად გრძნობენ თავს. შწერალი შესანიშნავად გამოსცემს ამ მომენტს.

სოლომან მორბელაძე ეწვევა ბესარიონ საქარაძეს.

„“

— ხომ მშვიდობით ბრძანდებით, ბატონო? — მოხკითხა. სოლომანმა პელაგია.

— გახლავარ შენი ჭირიშე!.. — უპასუხა მან, — თქვენ, ბატონო?

— გმადლობთ... გახლავართ, ისე!

— კი დაგემართოსთ — წაილაპარაკა პელაგიამ... ცოტა ხნით სიჩუმე ჩამოვარდა.

— ნამეტანი სიტყე დეიკავა... ერთობ შეგეაწუხა სიტყემ აქეთ!.. — დაიწყო პელაგიამ.

— ჩვენც, ბატონო, ჩვენც!

— შარშან არ ყოფილა ამ დროს ამისთანა სიცხე... უფრო გრილი იყო... წვიმებიც იყო... ახლა კი...

— კი, ბატონო, კი!... წრეულს წვიმა სულ არ ყოფილა თითქმის... დეიწვა ქვეყანა, თქვენი მტერი დეიწვას! — უგუნებოდ ამბობდა სოლომანი და ბესარიონაც შეამჩნია, რომ ეს ყოვლად უმნიშვნელო ლაპარაკი აწუხებდა სოლომანს. ამასთანავე თვითონაც ეჩქარებოდა მალე გაეგო თუ რა ამბავი მოუტანა მაშვალმა, მაგრამ ელპიტეს აქ ყოფნა უშლიდა. ამიტომ მოინდომა, ქალიშვილი თავიდან მოეშორებინა.

— რა დროს შარშანდელ ამინდებზედ მუსაიფია, შე ქალო! — უთხრა მან ცოლს!... და ა. შ.

და როცა დ. კლდიაშვილის გმირები მთავარ საგნებზე საუბარს ამთავრებენ, მათ შორის კვლავ ის უხერხულობა ჩამოვარდება ხოლმე, რომელიც ასეთ საუბარს წინ უძღოდა.

არისტო და პლატონი მორიგდებიან:

„ამ საგანზე ლაპარაკი გამოლეულად უნდა ჩათვლილიყო ვახშობამდე. ორივე ჩაჩუმდა, სანამ ახალ სალაპარაკო საგანს მიაგნებდნენ.

— კი არ გაყინულა ჩაი!.. — წაავლო ხელი სტაქანს არისტომ. — შენ რომ არა, უფრო თბილის დალევა მოგვიხდებოდა ორსავეს. — ღიმილით დაატანა მან.

— ცივი კბილებს შეინახავს. — მიუგო პლატონმა.

— ეგეც მართალია! — სთქვა არისტომ...“

მაგრამ დ. კლდიაშვილის პერსონაჟები იშვიათად ეთანხმებიან ერთმანეთს. თვითული ცდილობს მეორე დაარწმუნოს, თუ შესაძლებელია — მოატყუოს კიდევაც. როცა ვერ მორიგდებიან ხოლმე (ზედმიწვევით იცნობენ ისინი ერთმანეთს!) ინმარებენ თვალებს, სახის გამომეტყველებას მოპირისპირეში ნამდვილი აზრის ამოსაკითხავად:

„ოტია შეჩერდა და მაშვალს თვალი გაუყარა. ზედ ემჩნეოდა, რომ მას რაღაც ეკვი ეპარებოდა გუნებაში“ („ქამუშაძის გაჭირება“).

ბეკინას აჯერებენ, რომ ორ ნაქმარევი ქალი კარგი იქნება შენთვისო:

„— ჰო, ორ ნაქმარევი!.. — გაიმეორა სიტყვა გაგრძელებით პლატონმა. — რა უნდა უჭირდეს?.. შენ არ მომიკვდე არაფერი!

— რას ცუდლუტობ, შე კაი კაცო!? — თვალი თვალში გაუყარა ბეკინამ — რას ცუდლუტობ, ვაებატონო?!“

ზოგჯერ ეს შინაგანი ბრძოლა — თვალების შემწეობით — განსაკუთრებით მაშინ იჩენს თავს პერსონაჟებს შორის, როცა რომელიმე მათგანი გაჭირვებაში იმყოფება.

მოტყუებული სოლომან მორბელაძე ეუბნება ქაიხოსროს:

„— აბა, შენ არაფერს მომცემ?

— არაფერს. გითხარი ბესარიონი მოგცემს.

— ნუ შევბი მაგ საქმეს, ქაიხოსრო! — და სოლომანმა ცალი თვალით დაუწყო ყურება ქაიხოსროს.

— შე გითხარი და ისა... ტყვილა იწუხებ თავს! — უპასუხა მან“.

მწერლის მხერა აქ ისევე უცთომელია, როგორც მისი სმენა, რომელსაც ასე კარგად აქვს დაჭერილი ქაიხოსროს იმერული კილოთი ნათქვამი:

— „მელა ხარ, მელა, სოლომან ჩემო!“

5.

დავით კლდიაშვილის მთავარი გმირები ყოველთვის მოგზაურობენ: სოლომან მორბელაძე სამაჰანკლოდ დადის; პლატონ სამანიშვილი სადელინაცვლოს ეძებს; მამა ზოსიმე მრევლში მოგზაურობს; დარისპანს თავისი ქალი დაჰყავს გასათხოვრად სოფლიდან სოფელში, როსტომ მანველიძე ნაცნობებში დაეხეტება...

ყველანი დასუსტებულ ცხენებზე ან ჯორებზე სხედან. ეს მომენტი ანათე-სავენს ჩვენ ბელეტრისტს სერვანტესთან.

დ. კლდიაშვილის მოთხრობებში გამხდარი ცხენები და ჯორები არაჩვეუ-ლებრივად ერთგულნი არიან თავიანთ პატრონებისა, იტანენ ყველა სიძნელესა და გასაჭირს მათთან ერთად.

ყველას ახსოვს სოლომან მორბელაძის ჯორი:

„...ღია ჭიშკარში შემოიჯირითა მოჩაქაქე ჯორით მამაკცმა“... „...სოლომანი გულ-ამღვრეული მიაჩაქაქებდა აღმართ-დაღმართებში თავის ჯორს და წამდაუწუმ სცემდა დე-ზებს საწყალ პირტყევს“... („სოლომან მორბელაძე“).

„(მამა ზოსიმე) მოუსვენრად სცემდა ჭუსლებს პატარა ჯორს, რომელიც თანდათან უმატებდა ჩიქიქს“ („მრევლში“).

„... შემოჰკრა დეზი თავის მსგავს ჯორს“. (იქვე).

როგორც ვთქვით, ეს პირუტყვეები ყოველთვის გამხდარნი არიან და სა-ცოდავად გამოიყურებიან. „სოლომან მორბელაძეში“ ან „სამანიშვილის დედინაცვალში“ საკმაოდ ხშირადაა მითითებული ავტორის მიერ ამ ნიშანზე. მწერ-ლის სხვა მოთხრობებშიც ვხვდებით ასეთს დახასიათებას. მაგ.

„შეჯდებოდა როსტომი თავის გამხმარ, ბებერ ჯორზე...“ და ა. შ. („როსტომ მან-ველიძე“).

ვისმესთან სტუმრად მისვლისას ცხენოსნები ყოველთვის ცდილობენ თავიანთ გამხდარ პირუტყვეებზედაც იზრუნონ, რადგან შინ მათი საკვები არ მო-ეპოვებათ. ამას ისინი აკეთებენ მოხერხებულად, თითქოს-და საკუთარი ღირ-სების დაუმცირებლად.

„— ჯორი ჩამოართვი, ბიჭო! — უბრძანა ბესარიონმა. სოლომანმა მისცა ჯორი შატა-რა ბიქს, ჩამოუშვა ჩოხის აკეცილი კალთები, გაიბერტყა მტვერი, გადაელაპარაკა ბიქს — აბჯ, ბიძი, შენ იცი ჯორს კარგად მიქმიე, — დაბალი კიბე ცქვიტად აირბინა და ავიდა აივანზე.

— დილა მშვიდობისა, სოლომან ჩემო! — შეეგება ბესარიონი.

— ღმერთმა შენი თავი მიცოცხლოს, ჩემო ბატონო! — მიუგო სოლომანმა და ჯორი-საკენ გადმოიხედა.

ამ უკანასკნელს მალლა აელირა თავი და პატარა გიგოიას უძალიანდებოდა, ფეხს არ იცვლიდა ადგილიდან, თუმცა საწყალი ბიჭი, რაც ძალი და ღონე ჰქონდა, ლაგამში ეჭა-ჩებოდა.

— ჩიშ, ჩიშ! შე ეშმაკის კერძო! — გადმოსძახა სოლომანმა: — გასაძლომად მიყევხარ შე უბედურო! ჩიშ, ჩიშ!

ჯორმა თითქო გაიგო პატრონის სიტყვა და გაჰყვა ბიქს.

— მაგ საწყალს ჰგონია, სახლში რომ ტყვილა თავჩამოკრული აბია, აქაც ისე დამე-მართებოთ, და თავის გუნებაში ისევ გარეთ, წმინდა ჭაერზე ყოფნას რჩეობს! — სიცილითა სთქვა სოლომანმა“.

ასე, — ხუმრობასა და სიცილში ჩაატარა სოლომანმა დამამცირებელი ჟესტი, თითქოს არც იმხილა თავის ჯორის სიმშლილი.

უფრო პირდაპირ იქცევა არისტო ჭვაშავიძე („სამან. დედინა“); ბრეგა-ძეებისას მისვლის დროს, ეზოში, ის არ ივიწყებს თავის ცხენს და სერაპიონს ეუბნება — დღესვე უნდა გავბრუნდეთ და ცხენებისათვის საკვები გვიშოვეო, და მოხერხებულად მოაგონებს იმასვე მცირე ხნის შემდეგ საუბარში:

„— ბატონი ძალიან გემდუროდათ, რომ არ ნახულობდით! — მიმართა არისტოს ნუ-ჩიამ, ჩვეულებრივის მისალმების შემდეგ.

— ახლა საქმე ისე მაქვს, რომ აწი აღარ ვათქმევინებ მანჯირ სამღურავს ჩემზე! — მიუგო არისტომ.

— კაი დაგემართოსთ! — სთქვა ელენემ.

— აგერ ნახავ! — სთქვა არისტომ და მერე უცებ დაატანა: — უკაცრავად ვარ, სერაპიონ ჩემო, ცხენებისათვის რომ გთხოვე... აწი ქე დაღამდება-და...”

არისტო არსად არ წასულა იმ ღამით!

რომ ამ შტრიხსაც შეგნებულად მიმართავს მწერალი, სჩანს კიდევ ერთი შეხვედრილი ადგილის მიხედვით;

მამა ზოსიმე და მისი განუყრელი თანამგზავრი, „სულელი სტოროჟი“ პეტრია მიდიან ავადმყოფის საზიარებლად:

„[ზოსიმემ] შეიყვანა ჯორი გაღებულ ქიშკარში და დაბალი ისლით გადახურულ სახლის დერეფანთან გადმომხტარმა, ჯორი შემოგებებულ ალფეზა-ბიქს გადასცა. ამ დროს პეტრიაიც გამოჩნდა ეზოში.

— ჩალა უშოვე მაგას! — უთხრა პეტრიამ ბიქს, როცა ის ჯორს ბოძთან აბამდა“... („მრეგლში“).

აქვე უნდა აღინიშნოს დ. კლდიაშვილის გმირების ერთი საერთო თვისება: ისინი ძალზე ამპარტავნები არიან. ასეთი ხასიათი მათ სასაცილოდ ზღის ხელმოკლეობისა და გაჭირვების ჟამს.

სოლომან მორბელაძე დიდხანს ეპატიჟება სტუმარს ვახშმად, მაგრამ ეს უკანასკნელი არ იცდის. როცა ცოლი ეუბნება, „რომ ეპატიჟებოდი იმ კაცს, რა გეგულებოდა სახლში მისატანადო?! — აიგნის დასაჯდომ ფიცარზე წამოწოლილი სოლომანი ამაზე უპასუხებს: „ერთი ორი შეპატიჟებით რავე დარჩებოდა შე ქალო!... გადამთიელი ხომ არ არის, ჩვენებური ჩვეულება რომ არ იცოდესო?!“

„ჩვენებური ჩვეულება“ — ამპარტავნობა იქაც, სადაც ამისთვის საფუძველი არ მოიძებნება — კარგად აქვს აღნიშნული დ. კლდიაშვილს.

საერთოდ, — თავმოყვარეობის დაცვა მისი აზნაურების მუდმივი ზრუნვის საგანს შეადგენს, — თვით უაღრესად არახელსაყრელ, გარემოებაშიც. ეს მომონტი ხშირად კურიოზულ მდგომარეობაში აყენებს მათ.

არისტო ქვაშავიძე დიდის მონდომებით უყვება პლატონ სამანიშვილს ქველურეთში მცხოვრები ქვრივის, თავისი მამიდის ღირსებებზე. პლატონს მოაგონდება, რომ მგზავრობის დროს მას ამ ქვრივზე ელაპარაკებოდა აგრეთვე გზად-შეხვედრილი ადვოკატი გვერდევანიძე, ბიძა არისტოსი. როცა არისტო გაიგებს ამას, იგი აჩქარებული მოჰყვება გვერდევანიძის გინებას და უმატებს — „მის სიტყვის დაჯერება გავგონილა?“

პლატონი ამშვიდებს მას:

„— არა ყმაწვილო, გინებით არც იმას უგინებია ის ქალი, ის-კი არა, ძალიან აქო-ძალიანაც აქო...“

— ასე დაგწყო, შე დალოცვილო, თავიდანვე... ტყვილა გამალანძლიე ნათესავი“...

და ბოლოს, დამშვიდებული ცნობით, რომ ბიძა მისსაც შეუქნია მამიდამისი, არისტო კმაყოფილად ასკვნის:

„— ალბათ ღვთის ნებაც ურევია ამ საქმეში, თვარა. ერთნაირად მოლაპარაკე კაცო. სადმე შეგხვედრია შენ ჩვენში, თუ ძმა ხარ!“

სწორედ ეს ორპირობა — „ჩვენებური ჩვეულება“ — აიძულებთ დ. კლდიაშვილის გმირებს ურთერთის სიტყვის არ ენდონ, ხშირად თვალის შეამოწმონ ზოლმე ერთმანეთი.

(დასასრული შემდეგ ნომერში).

**1940 წ. იანვრიდან „ჩვენი თაობა“ გამოცემის
ყოველთვიურად**

ხელის მოწერის პირობები:

წლიურად	18 ზან.
ნახევარი წლით	9 „
ცალკე ნომერი	1 მ. 50 კ.

ბელის მოწერა მიიღება სახელგამის ყველა მაღაზიაში, სოიუზპეჩატის
რაიბიუროებში და სახელგამის პერიოდ-სექტორში.

რედაქციის მისამართი:

ტფილისი, მაჩაბლის ქ. № 13, მწერალთა კავშირი.

ფასი 1 ლ. 50 კ.

№ 553
1940



Ежемесячный журнал
„ЧВЕНИ ТАОБА“
Сакелгами 1940 г. Тбилиси